

(2)


AARON DEL-CONTE I.C.

DE IVRE

LEGITIMARVM SVCCESIONVM

NOVISSIMO

COMMENTARIVS



NEAPOLI )( C1D1CCLXXXIII.

EXCVDEBAT IOSEPHVS CAMPVS .

*Publica auctoritate .*





( 3 )

VIRO . AMPLISSIMO

PHILIPPO . MAZUCHIO

INTER . SEPTEMVIROS

SACRATISS. CONCILII . REG. AERARII

ADLECTO

AARON . DEL-CONTE

D. D



*On diu , neque multum  
anceps fui , VIR CLA-  
RISSIME , cui libel-  
lum hunc , primum in-*

*genioli mei specimen ; nuncuparem . Quum  
enim ita natura comparatus sim , nihi-*

2 2

ut in me prius, nihil posterius sit, quam  
 viros optimos recolere, summaque ve-  
 neratione suspicere; TV mihi ob oculos  
 statim es obuersatus, cui elucubratio-  
 nem hanc, in certissimum erga TE obser-  
 vantiae meae argumentum, inscriberem.  
 TV sane virtutibus, egregiisque animi  
 dotibus adeo praefulges, ut pietate, co-  
 mitate, constantia TIBI anteferatur ne-  
 mo, pauci pares iudicentur. Cui vero  
 non probe perspecta penitior, qua pol-  
 les, eruditio, in qua ab Alexio Sym-  
 macho desideratissimo Patruo institutus,  
 ad vicem eius, qui non sine graui o-  
 mnium moerore e vita discessit, propius  
 accedis? Cui non cognita summa iuris  
 prudentia, qua in foro ingenti cum lau-  
 de, nec mediocri ciuium emolumento pa-  
 troni munere perfunctus es? Tanti no-  
 minis fama permotus Augustissimus Rex  
 noster FERDINANDVS IV. inter M.  
 Curiae Vicariae Iudices TE lubentissime  
 delegit, talem futurum sperans, qua-  
 lem nunc cognitum perspicimus. Videbat  
 enim, nullam rem esse tantam, ac tan  
 difficilem, quam non & consilio regere,  
 & constantia tueri, & integritate possis  
 con-



conficere . Itaque postea quum Regii Con-  
siliarii fuisses amplissima ornatus digni-  
tate ; vix oratione exprimi potest , quan-  
tam in difficillimis rebus obeundis solli-  
citudinem , quantam in gerendis soller-  
tiam , quantam denique in perficiendis  
fidem , integritatem , doctrinam ostendi-  
sti : quae tanti hominis ornamenta dum  
vnanimi consensione ceteri laudant , ea  
omnia ; utpote splendidissima , ne attingere  
quidem me oportere arbitror . Quis  
autem mirari potest , TE sic omnibus  
acceptum Procuratorem Caesaris Apu-  
liae , Lucaniae , Samnii iuri dicundo  
fuisse renunciatum ? Quamobrem quum  
magis magisque TVA ingenii sapien-  
tia , prudentia iudicii , rerum gerenda-  
rum dexteritas omnibus innotesceret ,  
summa Regis prouidentia in sanctius ,  
quod nuper instituit , rei fiscali procu-  
randae concilium ut fidus , ut aequus ,  
ut ad altiora quaeque munera idoneus  
merito fuisti cooptatus . Vberima vero  
gloriae seges nomini TVO ac promeri-  
tis accedit , dum dignitates maximas &  
benigna Principis munificentia , & exant-  
latis laboribus TVIS quaesitas , iisdem

*semper artibus TIBI, retinendas esse, arbitraris. Illud enixe rogo, ut munus hoc meum, quod TVO iudicio probum, auspicio faustum, praesidio tutum adfore certe scio; magnae gratitudinis exiguum apud TE pignus existimetur. Sic explicato in omnem posteritatem deuoto TIBI genio meae seruitutis, TE humanissimum Maecenatem, TE virum quavis ratione excolendum, impense enitar vocis, atque animi cultu, quoad vita suppetat, venerari.*

*Dabam Neapoli III. Nonas Februarias an. CI<sup>o</sup> I<sup>o</sup> CCLXXXIII.*

( 7 )  
LECTORI HVMANISSIMO

A V C T O R .

**Q**Vo ex tempore ad iurisprudentiam , quam veram non simulatam philosophiam esse ab Vlpiano (1) docemur , animum appuli ; animaduerti profecto , scientiam hanc incomparabilem , quum fato perquam misero funestoque in imperitorum manus peruenerit , ita squalidam euasisse , vt vix ab ipsis interpretibus fama celeberrimis ad pristinam reducta fuerit dignitatem : Est enim cur incultis glossatoribus , rudibusque admodum Bartoli Baldique sectariis succensere merito possis , qui , quum sine critices , Romanarum antiquitatum , elegantiorisque Latinitatis praesidio , leges Romanas interpretandas fuerint aggressi , tantum abest , vt iurisprudentiae lucem affunderent , vt illa potius longe per se praefulgeret , si in manus tam illotas non incidisset : adeo vniuersa pessime pertractant : quippe in legum alioqui perspicuarum interpre-

a 4

ta-

---

(1) *L. i. §. i. D. de iustitia & iure .*

tatione aqua ipsis haeret velut in salebra: saepe ad inanes ac intempestivas quaestiones excurrunt : clara suapte natura perturbant : bene multa interferunt abs re prorsus aliena : atque vera falsa , iusta iniusta , aequa iniqua facile omnia tuentur ; adeo ut inconcinnos ac indigestos eorum euoluenti commentarios repetere necesse sit illud Terentii (1):

*Fecistis probe :*

*Incertior sum multo , quam dudum .*

Profecto si id in alia , in ea contigit iurisprudentiae parte , ubi de successio- nibus legitimis agitur , quae , utpote paullo sublimior , eos praeterit , qui humi veluti serpunt .

Verum , quod maxime indolendum , quamvis praestantissimi viri abstru- sioribus iuris materiis singillatim enu- cleandis insurrexerint ; ad hoc tamen acuum ex viris principibus nemo pe- culiares impendit curas in hac pertra- ctanda iuris parte , quae ob varias mu- tationes a tempore XII. tabularum ,  
et

---

(1) *Phorm. act. II. sc. 2.*

et quod excurrit, legibus factas, praetorum edictis, interpretatione prudentum, senatusconsultis, et placitis quoque principum, adeo implicata redita est, ac perplexa, ut ne Iustiniani quidem opera potuerit in luculentam erigi consonantiam. Ipse Iustinianus nouellas hac de re constitutiones edidit, praesertim nouellam CXVIII, ubi ex naturali adscito succedendi fundamento intestatorum successiones deferri iussit. Sed is quamplurima veteri iure obseruanda reliquit, multisque in articulis iniecit cuique scrupulum, quo iure definienda res esset. Quare videmus ipsos Cuiacios, Donellos, Hotomanos, Vinnios, Rittershusios, aliosque vel primi subsellii interpretes, qui argumentum hoc obiter versant, non raro offendere ac prolabi, atque plura omittere scitu pernecessaria.

Quum itaque post factam messem maximum supersit adhuc spicilegium, et ipse decreui huic argumento animum adiacere, parum veritus, ne cui noctuas ferre Athenas viderer, vel post Homerum Iliada conscribere, iam vero no-

nouum abfolutumque commentarium de nouiffimo legitimarum fucceffionum iure adornare intendens, rem omaem facili concinnaque methodo digeftam exhibui, nitido fcribendi genere vfus. Procul abiecti barbarorum interpretum quifquiliis, integrumque procudere opus curauim ex puro legum fonte, quas nocturna diuinaque verfaui manu. Virorum autem doctiffimorum auctoritatem lullenter fequutus fum, quoties eos cum ipsis legibus conuenire, reieci protinus, fi quando ab earum tenore defletere animaduerti. Vtinam id femper religioni duxiffent omnes! Non tam multa interpretes turpiter peccaffent, neque ab iis leges in alienum plane fenfum detortae faepe fuiffent. Praeterea quum *fcire leges non fit earum verba tenere, fed vim et poteflatem*, vt obferuat Celfus iurisconfultus (1); non equidem in pura puta legum fententia inueftiganda conftiti, fed paullo longius profreflus earum quoque rationem adfequi adlaboraui. Nihil non veteres fine ratio-

---

(1) L. 17. D. de legib.

ne constituerunt ; eamque periscrutarī debet interpretes , quum ex legis ratione , quae verbis sit angustior , legis dispositio cogatur in arctum ; contra ex ratione , quae ultra verba egreditur , ad species non expressas producat : in quo potissimum iurisconsulti munus positum est . De nouissimo autem successionum iure proprie commentari statui ; sed vt ei lumen affulgeret , et vetus enarrare necesse fuit , hoc tamen pacto , vt verus nouissimo iuri , tamquam accessorium principali suo , subnecteretur : quod et eo feci lubentius , quia intelligi vix potest , in quo nouissimum proprie ius consistat , si vetus in profundo lateat .

Porro ius dumtaxat Romanum exponere satius duxi ; atque hinc non defuturos scio , qui patrias leges Romanis admistas desiderassent , vt ita non Romanum modo ius , sed et quod apud nos de successionibus legitimis seruatur , eodem internosci tempore potuisset . Fateor , hanc ipsam fuisse amicorum suasionem ad nauseam usque repetitam . Sed patrias leges prudens

deus sciens omisi, ne ius Romanum inconcinna admistione deturpassem, E-mundi Merillii iurisperiti vere magni praecepto edoctus, qui pro recta legiti-mae scientiae methodo, antecessores, ait (1), *consultius facere si forensis triturae usum, si consuetudines cuiusque loci in expositionibus suis praetermittant, ne genuinam iuris Romani pulchritudi-nem inconcinna admistione deuenissent.*

Habes itaque, erudite lector, operis rationem. lam non dubito fore pleros-que, qui nodum quaerentes in scirpo, meam, si qua vlla sit, existimatio-nem dilacerandam suscipient, ita quidem ingenio comparati, nulla vt re magis capiantur, quam aliena obrectare, vi-rosque litteris sacros pessumdare, ac labefactare modis omnibus. Ego ta-men irritos maleferiatorum hominum conatus, suauiter derideo, vnus tantum, quibus suffragii ius est, placuisse con-tentus. Hisce igitur laboribus, bene-vole lector, vtare, et faue, qui, si tibi arriserint, ad alios sponte su-beundos animum reddent alacriorem.


---

(1) *Orat. de tempore in stud. iur. pro-rogand.*



( 13 )  
CONSPECTVS CAPITVM.


- CAP. I.** *Quid sit successio, & quae inde legitima successio dicatur.* pag. II.
- CAP. II.** *Quando legitima successio, quibusque generatim personis, deferatur, ac quo fundamento.* VII.
- CAP. III.** *De legitima liberorum successione.* XXV.
- CAP. IV.** *De legitima parentum successione.* LXXX.
- CAP. V.** *De legitima collateralium successione.* CXXX.
- CAP. VI.** *De iure adcrefcendi inter legitimos heredes, & edicto successorio.* CLXXIV.
- CAP. VII.** *De successione coniugum ex edicto praetorio, deque fisci bonorum vacantium occupatione.* CXCIX.



( 15 )  
E R R O R E S .    E M E N D A T I O N E S .

Pag. XXV. v. 1. decedamus	deueniamus
XL. v. 6. adcreſci	adcreſcere
LVI. v. 5. nepos	nepote
LVIII. (*) v. 4. §. 3. <i>Inſtit.</i>	§. 14. <i>Inſtit.</i>
LXII. v. 9. <i>C. de adoptionib.</i>	<i>C. de naturalib. lib.</i>
LXXII. (*) v. 4. duobus	duabus
LXXXIII. v. 12. coniici-	ab Iuſtiniano,
tur, vt	
XCVII. (*) v. 6. ederit	dederit
CXI. v. 23. quam	quod
CXX. v. 23. λαμπανειν	λαμβανειν
CXXIII. v. 11. redunt	redeunt
Ibid. v. 29. deficientiam	defectum
CLVII. v. 28. pareat	pariat
CLXXXIV. (*) v. 1. locum	locus
CCII. v. 5. constitutiona	constitutione
CCXIV. (*) v. 3. bonis ca-	in bona caſtrenſia
ſtrenſibus	
CCXVI. (*) v. 3. heredes	ſucceſſores
CCXXI. v. 32. bonis va-	in bona vacantiis
cantibus	
CCXXIII. (*) v. 8. vacuus	vacuum

Cetera menda, quae auctor, emiſſiſſis oculis  
typorum experimenta luſtrans, non animadu-  
erit, ſi qua ſuperſunt, lector ſua humanitate ca-  
ſticabit.





## D E I V R E

LEGITIMARVM SVCCESIONVM

NOVISSIMO

COMMENTARIVS.

**S**uccessiones, quae iure nouissimo Romano ab intestato deferuntur, tricus quanto implicatiores, inuoluitioresque, eo magis homini in Themidis sacris constituto scitu pernecessarias, curatius expendendas adgredior. Ut autem pro dignitate spartam hanc exornem; quum ea apprime in aliqua obeunda prouincia necessaria habenda sint, quae ipsi rei lucem generaliter affundunt, quibusque omiſſis operis ratio manca, & hiulca redditur; hinc principio, omni adhibita animi sedulitate, inquiram, quid sit successio, & quae inde legitimae successionis adpellatione veniat; quando ea deferatur, quibusque generatim personis, ac quo fundamento. Quibus omnibus rite cognitis, res successoria sane planior, ac facilius euadit, & nouissimae Romanae *νομοθετικῆς* legislationis ratio panditur. In rem ipsam inde descendam, variosque succedentium ordines percurrens, primum de legitima liberorum successione disputabo: mox de

A

suc-

( II )

successione parentum: ad lateralium successionem exinde gradum faciam: postea de iure ad crescendi inter legitimos heredes, & edicto successorio differam. Haec omnia tandem excipient successio coniugum ex edicto praetorio, & fisci bonorum vacantium occupatio.

---

C A P V T I.

*Quid sit successio, & quae inde legitima successio dicatur.*

§. I. **Q**Uoniam omnis, ut scite inquit Cicero de offic. lib. I. cap. 2., quae a ratione suscipitur de aliqua re, institutio, debet a definitione proficisci, ut intelligatur quid sit id, de quo disputetur; ideo facturi nos operae pretium videbimur, si, quum ius de legitimis successionibus pertractare in animum nostrum induxerimus, in antecessum quid sit successio, & quae inde legitima successio nuncupetur, dispiciamus. Successio nihil aliud est, quam hereditatis, quae tempore mortis defuncti fuit, in alium transmissio. Successores ergo non sunt, nisi heredes. Hereditatis autem adpellatione non veniunt ipsae res corporales, quae in ea continentur, sed vniuersa defuncti iura, quibus olim admistum quoque erat ius sacrorum (\*). Et hinc he-

---

(\*) Olim in hereditate etiam sacra priuata continentur.

( III )

hereditas, etiam ea, quae res corporales complectitur, rebus incorporalibus accensetur. *Incorporales res sunt*, ait Tribonianus §. 2. *Instit. de rebus corporalib. & incorporalib.*, quae tangi non possunt: qualia sunt ea, quae in iure consistunt, sicut hereditas, ususfructus, usus, obligationes. Et quamvis nulla sint in hereditate corpora, tamen hereditas etiam est. *Hereditas*, inquit Papinianus L. 50. *D. de petition. hereditat.*, etiam sine ullo corpore, iuris intellectum habet. Qua de causa iure civili liberi ex numero suorum, vel serui, heredes a dominis instituti, qui paternam, vel dominicam hereditatem, velint, nolint, retinere coguntur, heredes sunt, ut non aliud hereditas, nisi aes alienum complectatur, §. 1. & 2. *Instit. de hered. qualit. &*

A 2

dis-

---

nebantur. Cuius enim familiae, praeter *Lares*, qui communes omnibus, erant *Penates* proprii, quibus simulacra dicata, arae posita, ac foci, seriaeque erant suae: de quibus differunt Iacobus Gutherus *de iure pontificio lib. II. cap. 2.*, & Ianus Vincentius Gravina *ad leges XII. tabular. cap. LXXVII.* Ea sacra interire nefas habebatur, quoniam lege decemvirali cautum erat, ut perpetuo in familiis manerent. Vt vero perpetua in familiis essent, iure pontificio proditum erat: ut, ne morte patris familias sacrorum memoria occideret, iis essent ea adiuncta, ad quos eiusdem morte pecunia venerit, teste Cicerone *lib. II. de legib. cap. 19.* At falsa Deorum superstitione ab imperatoribus tandem excisa, sacra priuata Romae penitus deleta sunt, nullaue inde fuit sacrorum hereditas.

( IV )

*different. (\*)*. Porro etsi quis non ex asse, sed aliqua ex parte heres sit, non ideo tamen vniuersi iuris successor minus dicitur; is enim in vniuersi succedit iuris partem, quae in ipsa iuris vniuersitate indiuidua est, legis intellectu; aliter atque is, qui in certas res, ex dispositione puta testatoris, succedit, veluti in fundum Tusculanum, qui proinde iuris successor non erit, sed legatarii loco habebitur, *L. 13. C. de heredib. instituend.* Quia ergo successor vniuersi iuris, quod defunctus habuit, heres est; hinc is ipsius defuncti vicem sustinet, eumque repraesentat, ac eadem veluti persona fungitur, iuris fictione, quum *nulla persona sit, quae ad vicem eius, qui e vita emigrauerit, propius accedat*, vt inquit Cicero *lib. II. de legib. cap. 19.*

§. II. Successio duplex est, vel *testamentaria*, vel *legitima*. Testamentaria successio est, quae testamento, ac proinde hominis facto, deferitur: legi-

---

(\*) Lucius Annaeus Seneca *de benef. lib. VI. cap. 5.* iurisperitorum distinctionem inter hereditatem, & res hereditarias deridendam putauit. Sed is ab iuris interpretibus bene vapulat. Hereditatem namque ab iis, quae in hereditate sunt, toto caelo distingui vel inde patet, quod aliquis vt heres sit, non sufficit, res hereditarias habere, sed amplius opus est, vt sit successor in omnia defuncti iura, eiusque vice fungatur: & ideo si quis corpora in hereditate contenta vfuceperit omnia; non ideo vniuersa iura defuncti, ac proinde hereditatem vfucepisse dicitur: non defuncti successor erit, non heres.



( V )

legitima vero, de qua duntaxat disputationem instituimus, ea dicitur, quae, citra ullum hominis factum, sola lege defertur; vnde *legitimae successionis*, ac *hereditatis*, L. 70., L. 77. D. de *adquirenda vel omittenda heredit.*; itemque *legitimi successoris*, ac *heredis* nuncupatio descendit, L. 2. pr., L. 9. D. de *suis & legitim.* (\*). Etsi vero lege obuenire dicatur ea etiam hereditas, quae testamento defertur, quoniam lege XII. tabularum testamentariae hereditates confirmantur, ut ait Vlpianus L. 130. D. de *verbor. significat.*; nihilo tamen minus successiones tantum, quae sine facto hominis deferuntur, proprie legitimarum nomine veniunt, quia primo, principaliter, ac *αμετως* lege deferuntur; testamentariae vero successiones, quae hominum potissimum facto obveniunt, quodammodo, quia scilicet factio testamenti ex lege deriuat, sed non proprie legitimae quoque audiunt, ac iure legitimo deferri dicuntur, quum lege nonnisi *μετως* deferantur. Nomine *legis* hac in causa non ciuile modo ius, verum etiam praetorium venit, ut bonorum etiam possessiones, quae a praetore defe-

A 3

run-

---

(\*) Quamuis *heres legitimus* generatim dicatur, qui lege vocatur ad hereditatem; tamen iurisperiti stricto sensu adgnos *legitimos* dixere, L. 6. §. 2. D. de *Carboniano edicto*. Vnde titulus in Digestis: *de suis & legitimis*. Quod in iure plura sint negotia, quam vocabula, L. 4. D. de *praescript. verb.*, effici quam saepissime, ut nomen generis speciei accommodetur, ab interpretibus iuris nostri iam pridem obseruatum est.

( VI )

runtur sine testamento , comprehendantur (\*). Sane bonorum possessiones reapse nihil aliud sunt, nisi hereditates, *L. 1., L. 2., L. 3. D. de bonor. possessionib.*; & praetor in iis deferendis eundem testati, ac intestati ordinem sequitur, quem lex XII. tabularum sequuta est, *L. 1. pr. D. si tabulae testam. nullae*. Praetoriae vero bonorum possessiones hodie nonnisi paucis in casibus, quos suis locis enarrabimus, necessario peti debent.

CA.

(\*) Nam successiones legitimae vel iure civili, vel praetorio deferuntur. Praetores, quoniam initio magistratus sui in leges iurabant, ab eisque ne latum quidem vnguem discedere poterant; ut ius civile aequitatis obtentu eversum irent, variis artibus utebantur, veluti fictionibus, exceptionibus, restitutionibus in integrum: de quibus late differit Heineccius *antiquitat. Romanar. lib. I. tit. 2. §. 24*. Utebantur quoque novis nominibus, ut in hereditatum delationibus. Iure quippe civili quum ii tantum ad successionem vocarentur, qui ex familia, gentisve defuncti essent, excludebantur omnino emancipati liberi, & cognati. Quum autem praetori ab hereditate eos penitus excludere alienum ab naturali pietate videretur; hinc is, nouo cuso vocabulo, eosdem ad successionem vocauit, ratus hereditatem iis non deferri, sed bonorum possessionem. Ceterum etiam praetor deinceps iis etiam, qui ad successionem iure civili vocantur, bonorum detulerit possessionem; ipsi tamen iure praetorio non succedere dicuntur, altoqui successores praetorii essent omnes.

## CAPUT II.

*Quando legitima successio, quibusque generatim personis, deferatur, ac quo fundamento.*

§. I. **S**uccessio lege tunc deferitur, quum quis obierit intestatus. Ut ergo haec successio deferatur, primo opus est, ut is, de cuius successione agitur, decesserit; quippe solius defuncti hereditas esse dicitur, viventis nulla, L. 1. D. de heredit. vel action. vend., L. 62. D. de reg. iur. Quod autem hereditas non est adhuc, quid delatum dici potest (\*)? Deinde necessarium est, ut idem obierit intestatus; unde successio haec dicitur etiam *ab intestato deferri*. Ex quo liquet, ut quamdiu ad successionem perveniri testamento possit, tamdiu legitimae hereditati locus non sit, L. 39. D. de acquirend. vel omit. heredit., L. 89. D. de reg. iur. Neque exceptio ab hac sententia est species L. 82. D. de heredit. instituend., in qua dicitur, quod si quis heredem hac conditione instituerit: *si legiti-*

A 4

mus

(\*) Hinc vivo eo, de cuius successione agitur, neminem pro herede se gerere, ac nihil quidquam de hereditatis acquisitione post illius obitum sibi deferendae statuere animo posse, luculenter in iure proditum est; ut & qui eandem repudiat, nihil agere, L. 27. D. de acquirend. vel omit. hereditat.

( VIII )

*mus heres hereditatem vindicare nolit* : tunc heres testamentarius succedere possit, quum legitimus nolit hereditatem sibi vindicare. Nam institutio isthaec, utpote conditionalis, ubi heres legitimus sibi vindicat hereditatem, effectu caret: quippe legitimo sibi successionem vindicante, conditio institutionis deficit, heresque in testamento minus institutus intelligitur, ut & ipsum testamentum non peractum.

§. II. Dicitur vero (I) quis proprie ab intestato decedere, qui, quum posset testamentum condere, non est testatus. Ulpianus in *L. 1. §. 1. D. de suis & legitim.* Sed (II) & is, qui fecit testamentum, quod forte ab initio praeritione sui heredis nullum fuit, iniustum ob aliquarum sollemnitatum defectum, veluti si testes numerum septenarium non efformauerint, non improprie dicitur ab intestato decessisse: non facere enim testamentum, illudque ordinare, quod ab initio non valet, vel infirmatur postea, reapse idem est (\*). Hinc si testamentum rumpatur, irritum euadat, destituatur, ab intestato mori dicitur. Rescisso quoque testamento per querelam inofficiosi, intestatus quis euadit; atque etiamsi hereditas adita fuerit ab heredibus institutis, omnia tamen habentur, ac si ea adita non fuisset, *L. 6. §. 1., L. 21. §. 2. D. de inof-*

---

(\*) *Abusue testamenta ea quoque appellamus, scribit Ulpianus L. 2. §. 1. D. quemadm. testam. apertiant., quae falsa sunt, vel iniusta, vel irrita, vel rupta: itemque imperfecta solemus testamenta dicere.*

( IX )

*inoffic. testam.* : quod obtinet etiam impetrata bonorum possessione contra tabulas, L. 17. C. de collationib. Et quamvis *novel. CXV.* ex iniusta exheredationis causa, per querelam inofficiosi testamento rescisso, legata, fideicommissa, aliaque capita ipso testamento adiecta debeantur; tamen, quia institutio potissima testamenti pars infirmatur, ac ad legitimos redit hereditas; ab intestato etiam decessisse dicendus est, qui huiusmodi testamentum, quod hac ratione postea rescissum est, condiderit. (III) Etsi qui testari nequeunt, vel ob temporariam causam; veluti impubes, furiosus, & cui bonis interdictum est; vel qui ipso iure, testamenti factione destituuntur, proprie non dicantur intestati decedere, cit. L. 1. §. 1. D. de suis & legitim.; tamen quia ius civile duo tantum successionis genera, testamentariae scilicet, & intestatae, agnoscit, quae postrema dicitur etiam ex lege successio, eos quoque, licet minus proprie, dicimus intestatos obire (\*), iisque ab intestato succedi; alias

---

(\*) *Intestatos* eos dici ob penuriam vocabulorum non inconsulto putat *Mercerius lib. II. opinion. cap. 6.* Sed *intestabiles* proprie dici debent. Intestabilis decemuiris audit is, qui iure dicendi testimonium destituitur; et ita *Gellius noſt. Atticar. lib. VI. cap. 7.* carminis decemuiralis verba interpretatur: *improbis, intestabilisque esto*. At iuriconsultis intestabilis is quoque vocatur, cui testimonium dici prohibetur, ut inquit *Gaius L. 26. D. qui testam. facer.* Quum vero testamentum condenti omnino ex iuris solennius

alias tertium genus successionis effingendum esset, quod neque ex testamento, nec ab intestato foret.

§. III. Verum enimvero quod de testamento rupto, & irritum dictum est, sua non caret limitatione. Irritum fit testamentum, quum testatoris conditio mutatur maxima, media, vel minima capitis deminutione. Quotiens testator maximam, vel mediam capitis deminutionem passus est, sublata capitis deminutione, ipso iure testamentum conualescit, *L. 6. §. penult., L. 9. D. de iniusto rupto testam.* Tantum hac in causa ab intestato succeditur, si quis, facto testamento, in adrogationem se dederit, ac postea iterum sui iuris effectus nova voluntatis accessione testamentum, quod irritum euaserat capitis deminutione, non confirmauerit, *L. penult. §. 2. D. de bonor. possessionib.* Hoc enim casu iure singulari, sublata capitis deminutione, testamentum non conualescit, sed amplius opus est, ut quis codicillis, aliisve litteris declaret, se eo testamento, quod ante capitis deminutionem condiderat, velle decedere, *cit. L. penult. (\*)*. Item testamentum rumpi dicimus, si testatore eodem in statu manente, ei suus postea he-

---

minibus testimonium dici debeat; inde est, ut qui testari prohibentur, intestabiles dicantur, *L. 18. D. eod.* Atque hoc pacto impubes, furiosus, & cui bonis interdictum est, quique ipso iure testari nequeunt, intestabiles proprie decedere dici debeant.

(\*) Quum aliquis se, & bona sua omnia per adroga-

( XI )

heres agnoscitur, siue naturalis siue ciuilis, hoc est adoptiuus: vel posteriori testamento rite confecto primum infirmauerit testator, §. 1. & 2. *Instit. quib. mod. testam. infirmant.*: vel sine alio testamento primum aboleuerit, deleuerit, induxerit, *L. 1. D. de his quae in testam. delent.*, aut illud coram tribus testibus reuocauerit, & amplius huiusmodi reuocatio decennii lapsu confirmata sit, *L. 27. C. de testam.* Sed ex his tribus modis, quibus rumpitur testamentum, in primo & tertio tantum ab intestato succeditur: in secundo datur testamentariae successionis locus.

§. IV. Iam defunctorum intestatorum successiones certis ex lege personis deferuntur. Gentes omnes, quae intestatam successionem inuexerunt, ut ea mala auerterent, quorum commune ius occupandarum rerum dominio exutarum vberri-  
mus fons est (\*), successionem hanc illis detu-  
le.

---

rogationem alienae potestati subiecerit, videtur de testamento, quod ante adrogationem condiderat, poenituisse; ac proinde, si sui iuris iterum efficiatur, noua voluntatis accessione opus est, ut illud sustine-  
ri possit.

(\*) Scilicet rerum distinctione introducta, ex naturali simplicitate hominum iura morte finiuntur, quum huiusce mundi res hominibus inseruiant, mortui vero homines esse desierint, neque regularum olim suarum cura amplius tangi possint. Apposite Virgilius *Aeneidos lib. IV. v. 34.*:

*Id cinerem, aut manes credis curare sepultos?*

Atque ita res in alicuius dominio constitutas, eo  
tan-

lerunt, qui sanguine defuncto iungerentur; ac ubique terrarum propinqui extraneis praelati sunt semper, quum ad illos potius, quam ad hos defunctorum bona esse deuoluenda naturalis aequitas expostulet. Sapienter Tullius *de offic. lib. I. cap. 14.* copias nostras proximis, quam alienis, & suppeditari, & relinqui aequius esse censuit. Et Quintilianus, siue quisquis sit auctor declamationum *declam. CCCVIII. : Proximum locum,* inquit, *a testamentis habent propinqui, & ita si intestatus quis, ac sine liberis decesserit; non quoniam utique iustum sit ad hos peruenire bona defunctorum; sed quoniam relicta, & velut in medio posita nulli propius videntur contingere.*

§. V. At quamuis apud gentes omnes defunctorum propinqui ad successionem vocati fuerint; ipsum nihilominus succedendi fundamentum & ratio pro cuiusque gentis indole varie ob-

---

tandem mortuo, ex naturali simplicitate nullius fieri; sicque illi, qui primo eas adeptus esset, primo nempe occupanti cedere, sua sponte sequitur. Sed quoniam occupatio isthaec ingens discordiarum seges fuisset, quum, si per occupationem defuncti res adquiri possent, omnes vnico actu ad eas adprehendendas concurrendo, in rixas irrumperent, ac, si cum Hobbesio loqui fas esset, oriretur bellum omnium in omnes; hinc gentes hisce contemplationibus abductae ex humani generis felicitate, qui forent defunctorum bonis succeduri, determinarunt, & ita legitimam successionem inuexerunt. Adis clarissimum Henricum Cocceium *ad Grot. de iur. bell. ac pac. lib. I. cap. 7.*



( XIII )

obtinet. Id aliquibus bonorum fuit in familiis ac gentibus seruandorum studium. Graecis defunctorum bona extra familiam, ac gentem abire vetitum erat, vt habet etiam Plato de *legib. lib. XI*. Quinimmo apud eos suprema morientium elogia coërcita, ac lex scripta exstabat, qua cautum, ne extra gentem, familiamque heres scriberetur: quamuis eam a Solone abrogatam tradat Plutarchus in *eius vita*: qua de re vide Petiti comment. ad *leges Atticas lib. VI. tit. 6*. Idem placuit Hebraeis, apud quos primo liberi succedebant, filiabus exclusis, quae tamen ad successionem, illis deficientibus, vocabantur, ac, ne bona per eas extra gentem abirent, lex erat, vt proximiori adgnato nuberent; deinde fratres vocabantur, ac ceteri, pro gradu quisque suo, teste Philone in *vita Moysis* (\*). Aliae vero gentes, naturalem potius rationem sequutae, intestatae successionis fundamentum ex praesumpta defuncti voluntate deriuarunt. Ita, praeter ceteris, veteres Germani in hoc negotio praesumptae voluntatis coniecturam sectati sunt.

He-

---

(\*) Quinimmo apud Hebraeos institutum de bonis in familia seruandis erat adeo sollemne, vt nemo ex rerum proprietate possit in perpetuum, omnesque rerum immobilium venditiones, ac donationes quoque Iubilaei anno vertente rescinderentur; atque emptor, restituto sibi pretio, res emptas venditori restituere cogere, & donatarius res donatas donatori. Vide Zepperum in opere, cui nomen est: *Legum Mosaicarum forensium explanatio, lib. IV. cap. 23*.

## ( XIV )

*Heredes, successoresque sui cuique liberi*, scribit Tacitus *lib. de morib. Germanor. cap. XX.*: et *nul- lum testamentum. Si liberi non sunt, proximus gradus in possessione, fratres, patrui, auunculi.* Vides auunculos, qui extra familiam, ac gen- tem constituti sunt, successisse. Ex quo nullam de familiarum conseruatione rationem veteres Germanos habuisse procul dubio euincitur. Ne- que ambigi posse videtur, apud eos ex praesum- pta defuncti voluntate post liberos parentes suc- cessisse: Quum enim patrui, & auunculi exclu- si non fuerint, multo minus exclusos fuisse pa- rentes colligitur. Et quamuis Tacitus eorum nullam iniecerit mentionem, id tamen effectum videtur, fortasse quod non aliter liberis succe- derent, nisi turbato mortalitatis ordine: quod Heineccius *elementor. iur. German. lib. II. tit. 9.* obseruat.

§. VI. Apud Romanos non eadem semper fuit succedendi ratio. Primaevus Romanorum status omnino requirebat, vt bona, quoad fieri posset, in cuiusque familia conseruarentur. Nam Romana ciuitas ex hominibus inopia laboran- tibus coaluit, nimirum fugitiuis, transfugis, aere alieno pressis, aliisque id genus, qui in asylum, quod Romulus aperuit, confluxere. Et inde ipse Romulus certam agrorum ini- micis subtractorum partem viritim dispescuit, vt gens sua haberet, vnde sibi alimenta pararet, teste Dionysio Halicarnasseo *antiquitat. Roma- nar. lib. II.*: quod & a Seruio Tullio rege prae- stitum, vt idem Halicarnasseus *antiquitat. Ro-*

( XV )

*manar. lib. IV. testatur. Iam quum bona in familiis seruari non possent, si intestato patrifamilias & adgnati, & cognati promiscue successissent; coniectaneum est antiquissimis Romae temporibus successionem hanc solis patuisse adgnatis, non cognatis, eamque talem profecto fuisse, ut in cuiusque familiae bonorum conseruationem redundasset: quae & summi viri Montesquii sententia est. Libera iam republica quum hanc ipsam in familiis, ac gentibus bonorum conseruationem ciuitati, quae summa adhuc inopia perstringebatur, perquam fuisse necessariam nemo non videat, potissimum belligerante eius indole perspecta; hinc decemuiro, pro intestatae successionis fundamento, familiarum, ac gentium conseruationem sectari debuerunt. Recapse in XII. tabulis sic fuerat cautum: *At si intestato moritur, cui suus heres nec escit, adgnatus proximus familiam* ( hoc est hereditatem ) *habeto: si adgnatus nec escit, gentilis familiam heres nancitor.* Ita Iacobus Gothofredus *de legib. XII. tabular. tab. V.* legis decemuiralis verba effinxit. Nimirum lex decemuiralis ad successionem intestati, post suos heredes, adgnatos, hisque deficientibus, gentiles vocauit, e domo ad familiam, e familia ad gentem procedens (\*),*

co-

---

(\*) Hinc est, quod legitimae hereditates veteribus dicantur *gentilium* successiones, itemque *gentilitatis*, ac *gentilitiae*, quoniam eae defuncti tantum genti competere. Suetonius in *Iul. cap. I. : Sacerdotio,*

( XVI )

cognatis vel proximioribus exclusis ; quod nec ad familiam, neque ad gentem pertinerent. Excludebantur porro emancipati liberi, in adoptionem alteri dati, quia iam e patris familia exierant, itemque illegitimi omnes. Mulier etiam, quae in manum viri conuenisset, quoniam proximis suis tamquam extranea erat, in domo autem viri erat veluti sua heres ; hinc numquam illis succedebat, sed ad viri successionem cum liberis in potestate pro aequo, liberis deficien-

---

*Et uxoris dote, & GENTILITIS hereditatibus multatus. Plinius panegy. cap. XXXVII.: Manifestum erat, quod non laturi homines essent, destringi aliquid, & abradi de bonis, quae tam sanguine, GENTILITATE, sacrum denique societate meruissent. Et Catullus ad Manlium:*

*Nomen testatas intulit in tabulas,  
Impia derisi GENTILIS gaudia tollens.*

Latinis quoque scriptoribus, & praesertim iuriconsultis, quas lex deferebat, successiones, redire dicebantur. Sic Crito ille Terentianus in *Andr. act. IV. sc. 6.*:

*Morte eius ea ad me lege REDIERVNT bona.*  
Ad quae verba Donatus: hic ius tractauit dicendo, redierunt, quia in familiam redeunt, si non est heres de proximo, aut ex testamento. Dicitio eadem apud Papinianum *L. 69. §. 1. D. de legat. 2.*, Paullum *L. 10. pr. D. de gradib. & affinib.*, aliosque iuriconsultos occurrit. Id factum esse videtur, quod adgnati, ac gentiles omnes eundem parentem suae originis auctorem quondam habuerint, a quo bona in adgnationem, ac gentem transferant: proinde quotiens bona in adgnationem, vel gentem migrabant, a quodammodo redire visa sunt.

( XVII )

ficientibus ex asse vocabatur. Tandemque mater & filii, utpote cognati dumtaxat, mutuae successionis expertes erant. Profecto haec omnia ita procedebant non aliam ob causam, nisi ut ne bona ex una familia ac gente in aliam migrarent (\*).

§. VII. At quoniam leges pro certo reipublicae statu conditae inutiles paullatim ad usum euadunt, quum rerum facies sensim mutetur; tandemque prorsus alia ciuitatis conditione omnino non expediant; hinc legem XII. tabularum de intestatorum successione pro summa  
B illius

---

(\*) In alia prorsus diuersa iuit clarissimus Cornelius Van-Bynkershoekius *observation. lib. II. cap. 1.*, qui opinatur decemuiros intestatae successionis fundamentum hausisse ex iure *οὐρδοτορικῆς*, hoc est *communis domini*, quod liberi, agnati, & gentiles, tamquam partes familiae, & agnationis habere videbantur. Vir doctus familiam, ab Aristotele reipublicae adsimilatam, veluti quamdam vniuersitatem considerat, quae in patrifamilias tamquam *familiae principis*, ut Gaius *L. 195. D. de verbor. significat.* dicitur, potestate sit: liberos huius corporis tamquam partes haberi; proindeque res ad corporis vniuersitatem pertinentes, vel patre viuento, ad ipsos quodammodo liberos pertinere, ac tam dominio, quam possessione, ita ut post illius obitum, dominium, possessionemque ( quae duo libera prius non erant ) plene nancisci intelligantur: atque ut liberos primo loco, scilicet etiam agnatos, & gentiles, qui eundem parem em habuerunt auctorem; ad familiam pertinere estimat, eiusque res possidere, ac, prout in proxima possessione sunt, ita heredes esse.

At.

( XVIII )

illius aevi egestate prolatam , Romana ciuitate gradatim opibus , diuitiisque aucta , paullatim aboleri oportuit . Ita labente tempore praetores , quibus leges , variis adhibitis artibus , in meliorem formam redigere datum erat , quum agnoscerent , legem hanc de intestatis successionebus potius arcana politices sapere , quam natura-

ra-

---

Atque ita putat decemuiros ob ius *surdisortu* ad intestatam successionem post suos heredes adgnatos , & gentiles vocasse , cognatos vero exclusisse , quod ii quamuis cum eo , de cuius successione agitur , communem originem habuerint , ipsius tamen familiae participes non sunt , ac proinde communis domini expertes . Sic etiam mulier , inquit , quoad in propria familia degebat , non secus ac cereri ex familia , succedebat : sed vbi sacris egressa paternis nuptui se dedisset , quod naturalis familiae ius amitteret , & in mariti familiam pergeret , eiusque adquireret iura , marito quidem succedebat , sed iuribus familiae suae successoriis , tamquam iuris *surdisortu* expertis & cognata , tam ipsa , quam liberi destituebantur . Tandemque matrem & filios eandem ob causam , quod non adgnati forent , non gentiles , sed cognati dumtaxat , mutua successione caruisse arbitratur .

Verum haec , quae sola ingenii subtilitate commendari possunt , cum rei veritate maxime pugnare videntur . Nam huius condominii ius vix liberis quidem suis heredibus competiisse videtur , quod pater & filii familias vnâ personam efformare visi sunt : communis domini adgnatorum nec vola nec vestigium vllum occurrit in veteribus monumentis . Et si illud adgnatis , qui in familia constituti sunt , competiisse adstrueretur , ad gentiles adhuc , qui in familia non erant , pertinuisse demonstrandum esset .

( XIX )

ralem simplicitatem, copiisque in dies Romanis affluentibus, rei publicae non adeo expedire, eam varie atque varie emollire satēgerunt. Iis itaque cognatos, emancipatos liberos, matrem & filios vicissim ad intestatam successionem invitare ratum, pensumque fuit. Quia vero Romanorum opulentia magis labentibus annis augebatur, & eiusmodi lex magis magisque proficua esse desinebat, eam deinceps ad simpliciorē formam traducere opus fuit. Qua de causa quum mater & filii ad mutuam successionem iure praetorio post agnatos vocarentur; posterioribus temporibus primum ex constitutione Claudii imperatoris, ac postea ex senatusconsulto Tertylliano matri successio inter legitimos delata est; deinde filiis idem ius in matris hereditatem tributum est senatusconsulto Orphitiano. Atque ita non dissimili modo pluribus de intestata successionē capitibus naturalis simplicitas donata est. At lex illa decemuiralis praetorum edictis, senatusconsultis, ac principum quoque placitis haud fuit penitus eversa: alia adhuc mutanda supererant; quamvis ex factis iam mutationibus ius successorium perplexum, ac inuolutum potius redierit. Ergo Iustiniano tandem ad imperii fastigium euecto, quemadmodum vniuersa sermo Romanorum *uoluerit*, licet multo tardius, quam opus erat, ita etiam ea pars, quae intestatorum successionē complectebatur, nouum veluti splendorem nacta est. Imperator enim noster quum in Pandectis & Codice pleraque de legitima successionē capita in meliorem for-

mam redegitset, constitutionem tandem percelebrem edidit, quae est nouella CXVIII., qua, optimam sane operam reipublicae nauans, ius successorium commode, breuiterque complexus est, atque ex simplicitate naturali definiuit (\*). Is enim intestatorum successiones non amplius ex decemuirali fundamento, sed ex coniectura voluntatis, quam naturalis ratio plurimum commendat (\*\*), deferri statuit.

§. VIII. Coniectura voluntatis ea est, quae  
na-

---

(\*) Cessant ergo veteres leges de intestatis successionebus, nouissima edita constitutione, ex qua hereditas omnis deferenda, vt si quid vsquam in Paude-  
tis & Codice contrarium inueniatur, obseruandum non sit; vtique quod hac constitutione cautum est. At non potuit isthaec constitutio adeo diligenter scribi, vt nihil in ea de successionebus deesset, quemadmodum in omnibus ferme legibus comparatum esse docemur. Apposite Iulianus L. 12. D. de legibus: *Non possunt, inquit, omnes articuli singulatim aut legibus aut senatusconsultis comprehendi*. Nec porro omnis veteris iuris auctoritas aboleri debuit, sed id solummodo, quod digredi ab naturali simplicitate videbatur. Vnde, quod in iure nouissimo deest, ex veteri supplendum, *quum non sit nouum, vt priores leges ad posteriores trahantur*, vt inquit Paulus L. 20. D. eod.

(\*\*) Nam quum ex gentium consensione rerum dominia ad alium transferre datum esset, si quis, quum inter viuos ageret, mentem suam haec declarasset, quum tamen defunctum non eiusmodi voluntatis fuisse constaret, vt sua post obitum bona primo occupanti cederent, quod & alias vbertimam discordiarum



naturali, honestaeque hominum inclinationi quam maxime congruit. Naturalis inclinatio eo potissimum fertur, ut iis, qui ex nostro corpore descendunt, bene prospiciatur, atque ut aequo prosequamur amore liberos, qui in nostra potestate manserunt, quique laribus paternis egressi sunt, siue mares sint, siue feminae. Deficientibus vero liberis in proximo nobis amoris gradu parentes sunt, quum eis non parum debeamus, quod originem ab iis nostram, educationemque acceperimus. Tandem post liberos & parentes, reliquos nobis sanguine iunctos, quos inter eum, qui gratu proximior est, prae ceteris diligimus. Sapienter quippe observat Aristoteles *ethic. ad Nicom. lib. VIII. cap. 12.*, magis impelli causam gignentem erga genitum, quam genitum erga gignentem; nam quod ex aliquo ortum est, id ei quasi est proprium: post vero genitum, &

---

rum segetem pareret; sequitur omnino, ut talia bona in illius abeant dominium, ad quem ea confluere, defunctum quam maxime optasse, probabile esset. Apposite Plinius *lib. IV. ep. 10.*: *Defunctorum*, ait, *voluntates intellexisse, pro iure est*: Et auctor declamationum declamat. CCCXI.: *Libet scrutari etiam defuncti voluntatem, qua nihil potentius apud nos, nihil nostro animo sacratius esse debet*. Hinc ideo *fideicommissa dari posse ab intestato succedentibus*, ait Paulus iuriconsultus L. 8. §. 1. *D. de iure codicillor.*, quoniam creditur paterfamilias sponte sua his relinquere legitimam hereditatem. Adde Grotium *de iur. bell. ac pac. lib. II. cap. 7.*

gignentem magnam inesse vim τῷ αἵματι, καὶ τῷ ῥιζῇ eidem sanguini, & eidem radici. Ex voluntatis igitur præsumptione primum ad liberos parentum successio deferenda siue suos, siue emancipatos, siue mares, siue feminas, ac non solum primi gradus, sed vltioris, puta nepotes, pronepotes, ceterosque, vtpote patris sui locum subeuntes per ius repræsentationis, quod ab naturali ratione non abhorret. Vide Cocceium ad *Grot. de iure bell. ac pac. lib. II. cap. 7.* Quod si non habet successio, quo descendat, æquum est eo casu, vt adscendat, hoc est vt parentes vocentur. Tandemque tum liberis tum parentibus fato functis, pro laterali- bus proximioribus voluntatis stat coniectura: quumque ii siue adgnati, siue cognati sint, nullo habito discrimine diligẽt soleant; hinc, spre- ta penitus adgnationis & cognationis differen- tia, omnes ex æquo vocandi sunt ad successio- nem. Iam imperator Iustinianus naturalem ra- tionem hac in caussa ducem sequutus, principio ad intestatam successionem liberos vocat tam suos, quam emancipatos, tam mares, quam fe- minas, tam primi, quam vltioris gradus, neglecto prorsus iuris ciuilis discrimine inter suos & emancipatos, atque inter descendentes ex masculis, ac descendentes ex feminis. Defi- cientibus vero liberis, quum homines parentes communiter heredes optare soleant; hinc impe- rator post liberos secundo succedentium ordine parentibus hereditates deferri iubet, quum post fratres sororesque tam germanos, quam consan- gui-

guineos antea vocarentur . Tandem in tertio ordine ad successionem laterales proximiores invitat, eosque siue adgnatos, siue cognatos promiscue admitti voluit.

§. IX. Quamvis autem istae praesumptiones aliquoties a vera defuncti voluntate digrediantur; nihilo tamen minus ex reipublicae tranquillitate hominum voluntates communiter magis aestimari placuit, quam singulares sectari coniecturas: quippe quod, si singulares forent discutiendae coniecturae, innumeris litibus fomes procul dubio suggereretur, ac confusio, horrorque inextricabilis in rempublicam irreperet. Quapropter, ad eas declinandas, defunctorum voluntates hac in re potius quales esse debeant, quam quales reapse fuerint, inspicuntur. Ita aliquando parentes quosdam ex liberis vehementissimo prae ceteris amore prosequuntur, ut fortasse hunc primus nascenti locus, illum gratiorem praefecerit infantia; alium laetior vultus, & blandior osculis, amplexibusque facies; quosdam magis severitas, probitasque commendet; in quibusdam diligentur impatientius calamitates; & damna corporum, debilitatesque membrorum notabilius miseratione complectamur: ut more suo graviter inquit auctor declamationum declamat. V.: tamen ubi parentes ab intestato decesserint, aquae singulis liberis hereditatis partes assignantur, non aliam ferme ob causam, nisi quod diuturnae inter eos essent surrecturae lites, si stricte paternae caritatis ratio habenda foret. Ita si quis fratribus, quos, dum vixit, non ac-

B +

quo

quo fouerat amore, dumtaxat dimissis, sine testamento obiisset; si ex variae adfectionis ratione bona eius diuidenda essent, vberissima inter fratres oriretur litium seges: qua de caussa pari iure censentur omnes. Sic quoque haud raro euenit, vt quis, dum vixerit, cognatum aliquem numquam dilexerit; contra impenso fuerit prosequutus amore extraneum, eique ob accepta haud forte leuioris momenti beneficia summopere debuerit. Si defunctus testamentum condidisset, in eo extraneus benefactor fortasse praeteritus non esset: tum eius voluntas fuisset vtique seruanda. At in successione ab intestato deferenda, quoniam inextricabili controuersiae ansam praebitura fuisset inter sanguinis & beneficentiae vinculum comparatio; placuit, cognatum extraneo, licet benefactori, praefendum esse. Confer Puffendorhium *de iur. nat. & gent. lib. IV. cap. 12. (\*)*.

CA-

---

(\*) Rurfus cum Bynkershoekio dimicandum. Vir amplissimus *cit. obseruat. lib. II. cap. 1.* intestatae successionis fundamentum secundum naturalem rationem aliunde, quam ex coniectura voluntatis, etiam iure nouissimo Iustiniano, expetendum demonstraturus, haec congeffit argumenta. Quum maior erga uxorem amor sit, quam in quemque alium, maiorem quoque pro ea, quam pro cognatis ipsis voluntatis exstare coniecturam elicitur: & tamen nonnisi omni cognatorum linea deficiente succedere constat. Deinde languida saepenumero est parentum & liberorum beneuolentia: rara etiam fratrum concordia; ceterorum cognatorum rarior: vt *acerrima proximo-*  
*rum*

## C A P V T III.

*De legitima liberorum successione.*

§. I. **A**D succedentium personas nunc decedamus, quarum triplex iure nouissimo ordo est, liberorum scilicet, parentum, lateralium: quibus coniuges & fiscus addendi sunt, qui,

*rum odia esse dixerit Tacitus histor. lib. IV. cap. 70. Vbi inter alios frigusculum, inter hos incipit odium, & quae apud concordos vincula caritatis, incitamenta irarum apud infensos sunt, ut idem Tacitus anal. lib. I. cap. 55. Hisce argumentis vir doctus abductus aliud intestatae successionis principium expectandum existimat, quod in iure communis domini reperiri credit: idque non tantum sectatos fuisse decemuiros, verum etiam Iustinianum, adfirmat. Quamvis enim imperator adgnationis, & cognationis discrimen sustulerit; tamen hoc causam succedendi non mutare, ait, sed dumtaxat declarare, hodie cognatos, aequè ac adgnatos, ad familiam pertinere.*

Haec omnia viro ceteroquin doctissimo, optimeque de iurisprudencia merito, quo pacto excidere potuerint, plane non video. Nam quod de vxore profert leuissimum esse vel inde patet, quoniam, qui mulierem fortasse praefert, amor, is quo initio exardescit, eo magis deinceps tepescere solet: alioqui hic amor, utpote ad voluptatem pertinens, non ex ingenua sanguinis ratione proficiscitur. Parentes deinde,

ac

qui, illis omnibus deficientibus, in subsidium admittuntur. De liberorum primum successione agendum. Potior in successione ratio liberorum

est,

ac liberos non raro languidam sonere benevolentiam, ac fratres, ceterosque cognatos aliquando apertas ini-  
re inimicitias, ultro fatemur. Sed qui liberorum, & parentum benevolentiam languidam ut plurimum esse defendit, propugnatque cognatos ordinarie mutuo se prosequi odio solere, is communi experientiae ad-  
versatur. Quum vero haec cognatorum dissidia non adeo, uti Bynkershoekius iactat, frequentia sint, quumque ius in iis versetur, quae plerumque contingunt, *οὐκ ἔστιν ἁπλοῦς*, ut ait Theophrastus apud Paul-  
lum in L. 3. *D. de legib.*; incongruum non est, ex ordinariae hominum voluntatis coniectura, una eademque regula, successiones ab intestato deferri: alinqui peculiarium in iis deferendis voluntatum in-  
dagines fac magnum in republica litium seminarium essent.

Atque hinc non aliam ob causam cognati ad suc-  
cessionem cum adgnatis admissi sunt, quam ut natu-  
ralis sanguinis ratio haberetur. Nam, & antequam Iustinianus adgnatos & cognatos exaequaret, praeto-  
res *naturalem aequitatem*, & *rationem sanguinis* se-  
quuti cognatis bonorum possessionem indulserunt, L. 2. *D. unde cognati*; quum veteri Romanorum iure hereditates ex mera civili ratione deferrentur. Quin-  
immo non adhuc inter adgnatos, & cognatos discrimine sublato, in successione ab intestato deferen-  
dis se naturalem rationem sectari imperator professus est, §. 5. *Instit. de hereditatib. quae ab intest.*, & §. 4. *Instit. de senatuscon. Tertyll.*; adeo ut non aliam ob causam adgnatorum, cognatorumque suc-  
cessionem exaequasse, nisi ut sanguinis, aequitatisque naturalis ratio haberetur, non leve praebuerit argu-  
mentum.

( XXVII )

est, a quibus omnes ex latere coniuncti, ipsique parentes excluduntur, quum parentum commune votum, naturalisque propensio, quasi lex tacita quaedam, hereditatem eis addicat. Sano Aristoteles *eth. ad Nicom. lib. VIII. cap. 12.* recte obseruauit, causam gignentem magis impelli erga genitum, quam genitum erga gignentem. Hinc filius Iuuenali dicitur *dulcis heres*; & Antoninus patrem, qui manu sua filium sibi scripserat heredem, *dulci officio functum* dixit, *L. 1. C. de his qui sibi adscrib.*; sollempnique Romae erat illa formula: *ita mihi constringat dulci herede filio mori*: teste Quintiliano *institution. oratoriar. lib. IX. cap. 2.* Porro id optant quam maxime parentes, ut ipsi longaeuam vitam transigant, ac post obitum, quasi ea ratione valeant ad immortalitatem contendere, liberos nominis, gloriae, ac rerum heredes habeant. Claudianus *de laudib. Stilicon. II.*

*Non uiuis adnexus amor meminisse sepultos*

*Desinit: in prolem transcurrit gloria patrum.*

Et Callistratus iuriconsultus in *L. 220. D. de verbor. significat.*: Idcirco filios, inquit, filiasque concipimus, atque edimus; ut ex prole eorum, earumque diuturnitatis nobis memoriam in acuum relinquamus. Atque hinc apud omnes vel ipsas efferas gentes prima ac praecipua liberorum in successionibus causa semper fuit (\*).

Athe-

---

(\*) *Leges*, inquit Procopius *Persicor. lib. I. cap. 21.*, quas ceterum inter omnes plurimis differentiis in-

( XXVIII )

Athenis potissimum quum Solon testandi facultatem indulgisset, statuit, cuilibet licere, quem optaret, heredem scribere; at liberis superstitionibus, nulla eo casu facta testandi copia, bona parentum ad eos confluere iussit, ne testamento liberis fortasse adimerentur, teste Demosthene *aduersus Liptiten pag. 314. edit. Gen.*

§. II. Liberorum non vna omnium est in legitimis successionibus conditio; pro cuiusque enim varia qualitate varie succedunt. Eorum vero multiplex genus est; nam vel ex iustis nuptiis, vel extra eas editi sunt: ex iustis nuptiis quæsitii vel ex iisdem progeniti sunt, vel ex diuersis: extra nuptias porro suscepti vel legitimi sunt, vel illegitimi. A successionem liberorum ex iustis, iisdemque nuptiis partorum exordiamur. Liberi, qui iisdem nuptiis suscepti sunt, succedunt omnes parentibus suis ab intestato mortuis, siue sub eorum potestate, siue

---

*inuicem pugnant, hæc in re tam apud barbaros, quam apud Romanos consentiunt, atque conspirant, ut liberos dominos pronuntient rerum a patre relictarum.*

Id ubique gentium & hodie in viridi est obseruantia, si Afros excipias, qui hac in re a communi gentium iure desciscunt. Apud eos namque bona fratribus potius, quam liberis relinquuntur, ratos, fratres ex sanguine esse defuncti certius, quam liberos, constare; quum his status controuersia facilius, quam fratribus, diuturno annorum cursu eorum natalibus probatis, moueri possit. Vide Bosmanum in *voyage de Guinée*.



( XXIX )

ve sui iuris inuenti fuerint tempore mortis, ac  
sue mares, siue feminae sint, *nouel. CXVIII. cap.*  
I. Iure XII. tabularum succedebant primo loco sui  
dumtaxat, illi scilicet, qui tempore mortis in  
potestate constituti, & proximum a patrefami-  
lias gradum obtinuisent. Hinc omnes omnino  
excluebantur emancipati, qui ad familiam non  
pertinebant. Lapso vero temporis, senescentibus  
veteris iuris principiis, praetor naturali motus  
aequitate, emancipatis siue solis, siue cum suis  
concurrentibus dedit bonorum possessionem *unde*  
*liberi*, quasi tempore mortis in potestate fuissent.  
At hodie nouissima Iustiniana iurisprudencia,  
qua fere omnia de intestatorum successione  
capita ad naturalem simplicitatem redacta sunt,  
emancipatorum, suorumque conditio prorsus ae-  
quata est, quum *naturalia iura ciuili ratio pe-*  
*rimere non possit, nec quia desinunt sui heredes*  
*esse, possint desinere filii, filiaeque, nepotes, ne-*  
*potesque esse*, vti perbelle inquit Tribonianus §.  
II. *In his, de hereditatib. quae ab intest.* Inde fit,  
vt nouissimo iure emancipati non amplius be-  
neficio praetoris indigeant, sintque iure ciuili  
heredes, non aliter ac sui (\*).

§. III.

(\*) Iacobus Cuiacius ad *nouel. CXVIII.* praetoriam  
bonorum possessionem emancipatis adhuc opus esse  
arbitratur. Nae vir praestantissimus aliquid humani-  
ter passus est. Nouissima namque Iustiniani consti-  
tutio neglecto prorsus discrimine inter suos & eman-  
cipatos, quoad successionem, olim intercedente, li-  
beris omnibus aequum succedendi ius impertiuit.

Vbi

§. III. Haud inficias tamen eundem est inter suos & emancipatos hoc vnum hodie superesse discrimen, quod illis quidem, non his, ut hereditatem sibi delatam adquirant, ad heredesque transmittant, aditio opus sit, ut recte Viglius ad §. 5. *Instit. de exheredat. liberor.* obseruat. Sane sui heredes a parente non distinguuntur, ac veluti vna cum eo persona censentur, *sola adiecta nota*, ut argute Paullus L. 11. *D. de liber. & postum.*, per quam distinguitur genitor ab eo, qui genitus est. Hinc donationes, obligationesque inter patrem, & filium intercedentes iure non subsistunt, L. 1. §. 1. *D. pro donato*, §. 6. *Instit. de inutilib. stipulationib.* Qua etiam de causa suus heres, patre adhuc viuo, rerum paternarum quodammodo habetur dominus (\*), ut non magis alteri, quam sibi ipse

Vbi autem ipso iure ciuili intestata defertur hereditas, praetoris beneficium superuacuum redditur, & nonnisi iuris ciuilis adiuuandi gratia conceditur. Confer Gudelinum *de iure nouiss. lib. II. cap. 13.*

(\*) Huc pertinet illud Lysitelis apud Plautum *Trinum. act. II. sc. 2.*, qui patri interroganti, num amico de suo vellet subuenire, respondit:

— de meo;  
*Nam quod tuum est meum est, omne meum est autem tuum.*

Et Chremes apud Terentium *Heaut. act. I. sc. 1.* ob filii fugam querulus ait:

— nihil mihi parcam  
*Donec saluus redierit meus particeps.*

Ausonius itidem *idyll. III.*:

*Iusta quidem series patri succedere: verum  
Esse simul dominos, gravior ordo piis.*

( XXXI )

ipse heres existere, ac post patris obitum non alienam sed propriam quodammodo hereditatem capere videatur, Graecis proinde dictus *αυτοκληρονομος*. Quinimmo non aliam ob causam videtur *suus heres* nuncupatus, nisi quod sit suus filius heres, cui aptari posset, quod Lætantius, vel quisquis sit auctor carminis *de phoenice*, cecinit de suo phoenice, qui ex suis reliquiis reviviscere dicitur:

*Ipsa sibi proles suus est pater, & suus heres.*  
Inde fit, ut sui heredes, post patris mortem, non tam novam hereditatem nancisci dicantur, quam liberio rem eis fini bonorum administrationem, in eosque dominium quasi continuari, *cis, L. 11. D. de liber. & postum.*; ac hereditas paterna minus iacere dicatur, notante Hotomano *observat. lib. IX. cap. 10.*; quippe quum sui heredes existant, nullum inter parentis obitum, sui que heredis existentiam temporis spatium intercedit, *L. 1. §. 7. D. si quis omissa causa testam. (\*)*. Ex eo etiam tandem est, ut ii, citra aditionem, vel pro herede gestionem, ipso iure heredes sint, *L. 14. D. de suis & legitim.*; ac parentum sibi delatam hereditatem vel sine vlla aditione ad heredes quoscumque transmittant.

§. IV.

---

(\*) Ita quum extranei hereditatem acquirere, adire, repudiare; sui heredes existere, retinere hereditatem, immiscere se hereditati, ac hereditate se abstinere dicuntur, *L. 12. §. ult. D. de bon. libertor., L. 11., L. 12., & L. 57. D. de adquirenda heredit.*

§. IV. Item iure nouissimo nullum est sexus discrimen, liberique omnes siue mares, siue feminae pro aequo veniunt. Nullum etiam sexus habitum discrimen iure XII. tabularum, quae indistincte suos heredes ad successionem vocarunt. At quum Romani postea experiundo didicissent, feminarum successionem non adeo conuenire familiarum, & gentium conseruationi, quae in primacua Urbis constitutione omnino requirebatur; lege Voconia, quam tulit Q. Voconius Saxa, Caepione, & Philippo coff. A. V. DCCCIV., coërcita est mulierum successio, qua inter alia cautum, ne mulieres ad vllam defunctorum hereditatem admitterentur. Ea lex omnes cuiusquam generis feminas, etiam suas heredes, & consanguineas respiciebat, adeo vt ne vnica quidem filia heres institui posset, vt ex Augustino *de ciuit. Dei lib. III. cap. 21.* constat: atque nec tantum ad testamenta pertinebat, verum etiam ad successiones legitimas, vt pluribus adstruit Iacobus Perizonius *differt. de lege Voconia*: quod & aliis quampluribus gentibus placuisse compertum est (\*).  
Non

---

(\*) Apud Graecos feminae a successionebus excludantur; nisi quod tam in descendentiis, quam in lateralium ordine, masculis demum deficientibus succedebant, teste Demosthene *orat. in Macartatum*. Confer Petiti comment. *ad leges Atticas lib. VI. tit. 6.* Hebraeis quoque feminas a successionebus excludi placuit, testis Philone in *vita Mosi*: atque, vt gentes alias mittam, de Assyriis hoc idem euincitur

( XXXIII )

Non diu tamen eiusmodi lex Romae viguit ; fortasse ob auctam ciuium Romanorum opulentiam, ceu Gellius *noct. Atticar. lib. XX. cap. 1.* arbitratur. Atque ita in integrum restituta feminarum ad bona parentum successio haud aliam amplius mutationem passa est, eademque manet adhuc iure nouissimo Iustiniano (\*).

§. V. Porro hodie liberi adscendentibus siue paternis, siue maternis indiscriminatim succedunt. Iure decemuirali mater, & filii mutua successione destituebantur ; non enim adgnati inter se, neque gentiles erant, sed cognati tantum ; & eo iure cognati non succedebant (\*\*).

C

Prae-

---

citur ex AELIANO *varior. hist. lib. IV. cap. 1.*, de-  
que BABYLONIIS ex HERODOTO *lib. I. cap. 196.*

(\*) Hinc quum Iustiniani tempestate apud Armenios, qui Romano suberant imperio, liberorum, parentum, fratrum, aliorumque successiones masculis tantum deferrentur, feminis penitus exclusis ; institutum hoc veluti *barbarum, ferox, & naturam exhorrens* ipse Iustinianus aboleuit, statuens, vt quae de virorum, ac mulierum successione Romanorum legibus constituta essent, haec etiam in Armenia obtinerent, *noyel. XXI. de Armeniis*, quum vterque sexus ab natura suam repetat originem, ac tam mares, quam feminae eodem generationis munere fungantur.

(\*\*) Succedebant tamen lege quoque decemuirali filii matri, si haec in manum viri conuenisset. Quippe mulier, quae olim in viri manum conueniebat illis adhibitis sollemnitatibus, quarum Seruius ad *Virgil. Georg. I. & Aeneid. IV.*, Vlpianus *fragment. tit. IX.*, aliique meminerunt, in domo viri ius filiae

( XXXIV )

Praetor deinceps naturali aequitate motus filios & matrem ad mutuam successionem vocauit, in ordine tamen cognatorum, quum mater & filii inter se naturaliter cognati sint. Senatusconsultum Tertyllianum deinde Romae conditum, quo matri legitima delata est filiorum successio; ac postea ad seruandam aequalitatem sub diui Marci temporibus conditum est senatusconsultum Orphitianum, Iuliano Rupho, & Gauio Orphito cons. (\*), quo cautum, ut quemadmodum ex senatusconsulto Tertylliano mater ad intestatorum filiorum hereditatem admissa fuerat, sic vicissim filii ad matris successionem, omnibus eius agnatis exclusis, admittere-

---

liae nanciscebatur, ac suorum heredum iuris particeps erat, quemadmodum ex eo matrimonio nati. Proinde tum mater, tum filii veluti sui heredes in potestate familiaeque eius erant. Ergo & illa filius veluti consanguinea erat, & vicissim hi matri loco consanguineorum habebantur: quod & citati auctores diserte tradunt, & Gellius *nostr. Atticar. lib. XVIII.* Atque ita iure consanguinitatis, quae est species agnationis, vel ipso iure XII. tabularum filii & mater inuicem sibi succedebant.

(\*) Alius senatusconsulti mentio, quod non Orphitianum, sed Orficianum pronunciandum videtur, occurrit apud Paullum *lib. IV. sententiar. tit. 14. §. 1.* Et nullum certe fundamentum habet opinio Guilielmi Ranchini *de successione. ab intest. §. 5.* haec senatusconsulta prorsus confundentis. Quid enim vetat diuersa fuisse? Illud scire, de quo Paulus, in manumissionibus, non successione verbat. Vide Schultingium *ad cit. Pauli loc.*

( XXXV )

terentur. Verum enimvero quemadmodum senatusconsultum Tertullianum ad filiorum hereditatem matrem tantum, non aviam vocavit; sic etiam Orphitianum solos filios, non vero nepotes, ceterosque ad aviae hereditatem admisit: & hoc vel inde patet, quod apud iurisperitos veteres, in primis Paullum *L. 7. D. de capite minut.*, & Vlpianum *fragmentor. tit. XXVI. §. 7.*, qui de hoc senatusconsulto loquuntur, *filiorum* quidem, non *liberorum* adpellatio occurrat. Sane filii in iure sunt primi dumtaxat gradus descendentes, §. 5. *Instit. qui testam. tut.*, *L. 6. D. de testam. tut.* (\*). Iam quod mirum videri posset, illud est, serius de matris hereditate filiis, quorum potior conditio esse debet ob naturae, & parentum commune votum, quam de filiorum successione matri deferenda Romano iure actum esse. Arnoldus Vinnius ad *tit. Instit. de senatuscon. Orphit. pr.* de huius rei causa sibi non constare aperte fatetur. Sed iam Schultingius *not. ad Vlp. fragm. tit. XXVI. §. 1.* rem acu tetigisse videtur, hanc reddens causam;

C 2

---

(\*) Quod si ita est, quid Gaius in *L. 9. D. ad senatusc. Tertyll.* de Orphitiano senatusconsulto differens *liberorum* adpellatione utitur? Sed Gaius sub hac adpellatione non nepotes, & deinceps liberos, sed filium, & filiam, utut improprie, intellexisse videtur. Quod si haec interpretatio non placeat, dixerim simplicius, hunc Gaii locum a Triboniano fuisse interpolatum, ut iuri novo concineret: quod frequentissime factitatum in libris iuris nostri, cuiusque notum est.

sam ; quia mater filiis per testamentum consue-  
lere non vetabatur , quod saepe ob aetatem fi-  
liis condere haud permissum : atque ita , quo-  
niam mater saepius a filiorum hereditate , quam  
filii ab hereditate matris exciderent , iure me-  
rito amplissimum ordinem prius matri , quam  
filiis prospexisse .

§. VI. Multo minus iure XII. tabularum  
auo , proauo materno , auiae , proauiae siue ma-  
ternae , siue paternae , ac deinceps , succedi po-  
terat . Lex enim decemuiralis , quum suos tan-  
tum ad successionem vocasset , ex filia nepotes ,  
neptefue , ceterosque ex ea descendentes a suc-  
cessione aui , vel proau maternos exclusit ; hi  
namque aui tantum , vel proau paternos potesta-  
ti suberant , iisque succedebant (\*) : qua etiam  
de causa nepotes auiae , vel proauiae siue pa-  
ternae , siue maternae successionem destituebantur :  
nec porro tamquam adgnati , vel gentiles veni-

re

---

(\*) Falluntur equidem Giphanius , Minsingerus ,  
ac quotquot sunt , qui opinantur , ex lege XII. ta-  
bularum natos tam ex maribus , quam ex feminis  
indiscriminatim ad successionem vocatos fuisse . Con-  
stat enim iure decemuirali , eos dumtaxat ad succe-  
sionem fuisse admissos , qui sui heredes essent , hisque  
deficientibus adgnatos , & gentiles , cognatos num-  
quam ; quum decemuiris pro fundamento successionis  
intestatae familiarum , ac gentium conseruatio fuerit :  
ex filia vero descendentes auo materno nec sui he-  
redes sunt , nec adgnati , neque etiam gentiles , sed  
cognati tantum ; femina quippe non suam , sed ma-  
riti sui familiam propagat , L. 193. §. ult. D. de  
verbor. significat.



( XXXVII )

re poterant, quia his omnibus cognati tantum erant. Praetori autem aequum est visum ex feminis descendentes saltem veluti cognatos ad successionem admittere tam aui, vel proaui materni, quam auiae, vel proauiae siue paternae, siue maternae, deficientibus scilicet suis heredibus, & iis, qui tamquam sui heredes a praetore censebantur, quales emancipati, itemque adgnatis, §. 15. *Instit. de hereditatib. quae ab intest.* Postea imperatores Valentinianus, Theodosius, & Arcadius in *L. 4. C. Tb. de legitim. hereditat.* eos quoque tamquam suos vocari iusserunt, sed, si cum suis concurrerent, ut tertia parte minus acciperent, quam mater eorum acceptura fuisset. Sic auo materno ab intestato mortuo, filio, & ex filia praemortua nepote superstitibus, filius besslem, nepos trientem hereditatis ferebat. Quod si soli exstiterent, cum defuncti quoque adgnatis succedebant, diuersa tamen forma; quippe ab iisdem Caesaribus in *cit. L. 4.* cautum, ut liberi, suis heredibus deficientibus, cum adgnatis eius, de cuius successione quaestio est, succedant; ita vero, ut illi in dodrantem, adgnati in trientem succederent. Atque ita, quotiens auiae, proauiae siue paternae, siue maternae, quae filios sua in potestate habere haud poterant, succedendum erat, adgnati etiam vocari debebant. Tandem Iustinianus in *L. ult. C. de suis & legitim. descendentes* pari iure omnes succedere statuit: ita tamen, ut si vltiores descendentes cum liberis primi gradus concurrant, illi in stirpes, hi in capita vo-

( XXXVIII )

centur: quae succedendi forma, quoad liberos non suos heredes, non dilerte in imperatoria constitutione proposita, sed ex interpretatione a Triboniano inculcata in §. *ult. Instit. de hereditatib. quae ab intest.* Eadem lege cautum, ut liberi parentibus, agnatis prorsus exclusis, succederent, ne ullo pacto ii, qui ex descendantium numero sunt, & quibus proprie sunt parentum bona deferenda, successione defraudarentur. Iure quoque nouissimo liberi adscendentibus omnibus siue paternis, siue maternis succedunt, agnatosque, ut omnes ex latere iunctos, prorsus excludunt, *novel. CXVIII. cap. 1.*

§. VII. Verum nonnihil interest, quoad hereditatis acquisitionem, inter eos, qui paternis adscendentibus, quorum in potestate sint, & eos, qui adscendentibus paternis feminis, vel maternis siue maribus, siue feminis succedunt. Liberos in sacris paternis constitutos ipso iure heredes existere, neque aditione iis opus esse, ut hereditatem adquirant, eamque ad heredes quoscumque transmittant, superius obseruatum est. Sed non secus ac emancipati, liberi, qui maternis adscendentibus, vel paternis feminis succedunt, quum eorum potestati obnoxii non sint, ut hereditatem adquirant, eam adire debent (\*): quod ex veteris iurisprudentiae regulis

---

(\*) Huic sententiae grauitate ob stare videntur *lex penult. C. de suis & legitim.*, & *lex vn. C. de his qui ante apert. tab.* In prima Theodosius, & Valen-

( XXXIX )

lis fuit . *Filius* , ait Paullus *lib. IV. sententiar.*  
*tit. 10. §. ult. , maternam hereditatem, eandemque*

C 4

le-

lentinianus imperatores sanxerunt , ut *filiis matri suae ipso iure succederent* . Si ipso iure : ergo & sine aditione ; quemadmodum quum dicitur , suos heredes ipso iure succedere , tantidem est ac sine aditione heredes esse . Altera vero , quae longè grauius obitare videtur , habet , filios , filiatue , nepotes , neptisue , ceterosque a patre , vel a matre , auo , vel auia heredes institutos , etiam ante apertas tabulas obeuntes , quod tantumdem valet , ac hereditate non adita , derelictam sibi hereditariam portionem ad successores transmittere . Si ergo quum adscendentibus siue paternis , siue maternis ex testamento succedunt , hereditatem etiam non aditam ad heredes transmittunt , nihil vetare videtur , quominus id etiam obtineat , quum de intestata hereditate agitur .

Verumtamen leges istas haud obitare , nihilque in contrarium ex eis erui posse , eandem sedulo inspicienti facile constabit . Sententia *legis penult. C. de suis & legit.* haec est : filios matri ipso iure succedere , non quidem citra aditionem , vel gestionem pro herede , sed eos ad maternam hereditatem venire sine cretionis , quae olim obtinebat , sollemnibus , ac sine praetoria bonorum possessione , fierique heredes iure civili ex senatusconsulto Orphitiano , sola hereditatis aditione , vel gestione pro herede . Atque hoc sensu heredes legitimi , ac testamentarii ferme omnes , quibus praetoris beneficium opus non est , ipso iure succedere dici possent . In suis tantum heredibus ipso iure succedere idem est , ac sine aditione heredes existerere .

Porro dubitatio omnis ex *lege un. C. de his qui ante apert. tab.* suborta protigabitur , si consideretur , quum illic de successione testamentariis agatur ,

iu-

*legitimam, nisi adeundo, quaerere non potest.* Qua de caussa hereditatem maternorum adscendentium, vel paternarum non aditam ad successores transmitti non posse constat, sed deficientium portionem ceteris coheredibus, qui hereditatem adierunt, adcresci; vel si liberi omnes, hereditate non adita, decesserint, ad proximum succedentium ordinem eam redire. Itaque quum liberi, qui parentibus eius generis succedunt, quoad hereditatis acquisitionem, nihil ab extraneis differant; inde sequitur, ut ii ius deliberandi dumtaxat ad successores transmittant ex constitutione Iustiniani in *L. 19. C. de iure deliberandi*, si moriantur intra annum a die numerandum, ex quo legitimam matris, vel maternorum, paternarumue adscendentium hereditatem sibi delatam esse sciuerint; ac si post annum elapsum obierint, ne hoc quidem ius deliberandi ad successores transmittere possint; quinimmo, si successionem hanc sibi iam delatam esse ignorantes fato fungantur suo, ut intra annum, ex quo ea delata est, nec etiam idem ius transmittere, quum imperatoris constitutio certam quoque delationis scientiam requirat, ut hereditatis adeundae ius ad  
suc-

---

iuris rationem minus ferre, ut, quod statutum est in testamentariis, ad legitimas quoque successiones extendatur. Quippe eiusmodi lex iuris regulae advertatur, ex qua nemo, nisi suus, hereditatem non aditam ad successores transmittere potest; proinde ea accipienda sic est, ut a specie expressa ad omissam non producat. Vide Cuiacium, & Perezium in *it. C. ad senatuscons. Orphis.*

( XLI )

successores transmitti queat. Vide Cuiacium in  
*siv. C. ad senatusconsult. Orphitian.*

§. VIII. Iam etsi liberi omnes siue primi,  
siue vltioris gradus ad legitimam parentum  
successionem vocentur; tamen diuersa ratione  
succedunt liberi primi gradus, ac ii, qui vlt-  
rioris sunt. Nam filii, qui sunt primi gradus  
liberi, ex propria persona veniunt; nepotes ve-  
ro, pronepotes, ceterique descendentes, siue cum  
illis, siue soli existant, ex persona semper patris  
sui, quem repraesentant, vocantur: quod non  
aliquo expresso legum XII. tabularum capite ef-  
fectum est, vti delirauit Hotomanus, sed pia  
prudentum interpretatione inductum (\*), ceu lu-  
culenter euincitur ex Gaio apud *pariat. legum*  
*Mosaicar., & Romanar. tit. XVI. §. 2., & vt*  
*praeferunt dictiones placuit, aequum esse vide-*  
*tur, quibus vtitur Tribonianus §. 6. Instit. de*  
*hereditatib. quae ab intest.:* quae sane dictiones  
prudentum interpretationes post fori disputatio-  
nem vsu receptas indigitant. Vide *L. 10. §.*  
*1. D. de pactis, L. 11. §. 1. D. de usur., L.*  
*7. §. 14. D. de administr. & peric. tutor., L.*  
*55. §. 1. D. de legat. 2.* Hinc duplex orta  
succedendi forma *in capita, & in stirpes.* In  
ca-

---

(\*) Quum decemviri ad successionem suos genera-  
tim vocassent, neque distinxissent, cuius gradus esse  
deberent; eam fuisse decemviris mentem prudentes  
interpretati sunt, vt non solum filii, filiaeque succe-  
derent, sed cum iis nepotes quoque, ceterique de-  
scendentes ex filius praemortuis nati.

capita succeditur, quum hereditas in tot partes dispescitur, quot sunt succedentium capita, siue personae; in stirpes, quum pro numero stirpium, vt, qui ex vna sunt stirpe, partem vnā, qui vero ex altera, etsi plures, vel pauciores, portionem hereditatis alteram accipiant. Capita audiunt stirpium origines, stirpes vero origines generis. Sic filius origo est nepotum; nepotes vero pronepotum, aliorumque descenduntium, qui genus efformant, origines sunt. Vel distinctius: in capita succedi dicimus, vbi secundum heredum numerum hereditas viritim diuiditur; iure autem repraesentationis succeditur in stirpes, quum subeundo proximioris liberi defuncti locum, eiusque personam iuris fictione repraesentando, eius tantum portio accipitur. Ita si auo supersint filii duo, & ex tertio praemortuo nepotes tres: filii in capita succedentes singuli trientem hereditatis accipient, ex tertio vero praemortuo nepotes trientem reliquum fereant, inter ipsos ex aequo diuidendum, quoniam fictione iuris patrem repraesentant, & pater, si inter viuos esset, pro sua virili portionem hanc obtinuisset. Ita etiam, si nulli filii sint, sed nepotes tantum supersint, ex vno filio puta duo, ex altero quatuor: tantum illi duo, quantum hi quatuor accipient, quum vltiores descendentes semper in stirpes succedant (\*). Haec autem in stirpes successio non

---

(\*) Sunt qui opinantur, nepotes, ceterosque descendentes

( XLIII )

non aliquo limite includitur, sed in ipsos vel remotissimos liberorum gradus protenditur, adeo ut nullo umquam casu descendentes ultra primum gradum possint in capita succedere (\*).

§. IX.

scendentes eo tantum casu, ubi cum liberis gradu proximioribus concurrunt, in stirpes succedere. At eos in stirpes etiam quum soli in eodem gradu constituti inveniuntur, succedere, certo certius est. Item si ex duobus filiis, sunt verba Triboniani in §. 6. *Instit. de hereditatib. quae ab intest.*, nepotes, nepotesque existant, ex altero unus forte, aut duo, ex altero tres, aut quatuor: ad unum, aut ad duos dimidia pars pertineat, ad tres, vel quatuor altera dimidia. Haec de nepotibus ex duobus filiis patris solis existentibus loquitur Tribonianus, alioqui qui dimidia ad unum, aut ad duos, altera dimidia ad tres vel quatuor pertineret? In eandem sententiam rescripserunt imperatores Diocletianus & Maximianus L. 2. *C. de suis & legitim.*: *Nepotes ex diuersis filiis varii numeri aucto succedentes ab intestato, non pro virilibus portionibus, sed ex stirpibus succedunt.* Et quamuis ipsi, quum soli existant, ad successionem ex propria persona venire possent, ac ideo in capita vocari, quum eo casu, ut succedere possint, patris sui repraesentatione minus egeant, quoniam cum iis concurritur, qui eodem a defuncto gradu abunt; eos tamen hoc etiam casu in stirpes succedere placuit: quippe quod filii rerum paternarum, vel viuente patre, quodammodo habentur domini, ut aucto proinde inter viuos agente, eius bona ad patrem pertinere videantur, patrisque portio ad nepotes ex se genitos. Confer Antonium Contium opusc. de hereditatib. & bonor. possessionib.

(\*) Bartolus ad L. 1. §. 1. *D. de suis & legitim.* putat, successionem in stirpes ultra pronepotes non ex-

( XLIV )

§. IX. Ceterum nepotes, alique descendentes iure repraesentationis ad successionem vocati, in primum gradum succedunt, eundem scilicet gradum subeundo, qui filiis proprius est. Sui enim heredes, quorum proprie in stirpes successio est, & ad quorum exemplum, ut mox dicetur, ad liberos producta est omnes, ii sunt, qui proximum a patrefamilias gradum tempore mortis

---

extendi, ea ratione, quod in §. 6. *Instit. de hereditatib. quae ab intest.*, ubi de successione in stirpes agitur, de nepotum, ac pronepotum tantum successione fit mentio. Huius sententiae consectaneum est, ut si quis dimiserit filium, & abnepotes duos, quorum pater & avus decesserint, abnepotes cum filio pro aequo succedant ( nam verosimile non videtur, ut Bartolus, eos a successione penitus excludi, sibi persuaserit ). Sed eum turpissime labi vel Themidi recens initiatus intelligit. Nam primo in *cit.* §. 6. *Instit.* nepotum, ac pronepotum mentio iniicitur exempli tantum causa, non ut ulteriores liberos in stirpes haud succedere inde deprehenderetur: quod recte observat Ioannes a Someren *de iure repraesentat. cap. V. §. 3. & 4.* Deinde loci iuris apertissimi obstant quam maxime. Nam in §. *ult. Instit. eod.* inter omnes nepotes & neptes, & inter pronepotes & proneptes, & **ALIAS DEINCEPS PERSONAS** hereditatis distributionem in stirpes fieri statuitur. Et in *novel. CXXVIII. cap. 1.* Iustinianus generatim cavit, ut *filiis, aut filiae, aut ALII DESCENDENTES* in proprii parentis locum succedant, continuo subdens: *in hoc ordine GRADUM QVAERI NOLVMVS*: quae loquutiones eam fuisse imperatori mentem arguunt procul dubio, ut liberi citra ullam gradus limitationem in stirpes succederent.



( XLV )

tis obtinent. Nepotes autem, ac ceteri ex praemortuis filiis orti auctori sui heredes sunt, eique tales esse nequirent, nisi defuncti patris subirent locum, & gradum: quod manifeste liquet ex §. 2. *Instit. de hered. qualit. & different.* Sed ut nepos, neptisue sui heredes sint, non sufficit, eum, eamue in potestate auctoris mortis tempore fuisse; sed opus est, ut pater eius, viuo patre suo, defieris suus heres esse, aut morte interceptus, aut qualibet alia ratione liberatus a patris potestate; tunc enim nepos, neptisue in locum patris sui succedat. Itaque si defuncto auctore filium superesse ponatur, & ex altero filio & nepote itidem defunctis pronepotes tres: pronepotes isti non patris modo sui, qui auctor nepos erat, in locum & gradum succedunt, sed etiam in auctoris filii, hoc est proprii auctoris, locum veniunt; atque ita cum patruis magnis ad successionem vocantur. Vide Contium *opuscul. de hereditatib. & bonor. possessionib.*

§. X. In stirpes liberi omnes tam ex maribus, quam ex feminis progenerati succedunt. Iure autem veteri sui tantum heredes hoc pacto succedebant. Siquidem antiquitus in stirpes ii tantum vocabantur, qui ex filiis, vel nepotibus in auctore, de cuius successione ageretur, potestate reuerentis editi, proximi in familia gradu inuenti fuissent, filiis forte, nepotibusue emancipatis, vel praemortuis. *Vlpianus fragmentor. tit. XXVI. §. 1. & 2., Gaius institution. lib. II. tit. 8. §. 3.* Fundamentum enim & ratio huiusce successionis nihil aliud est, quam quod filiis familias, vel  
vi-

viuente patre, rerum paternarum domini habeantur quodammodo: filio proinde e medio sublato vel emancipatione, vel morte, nepotes ex eo statim suum locum subeunt, & gradum, iuraque eius omnia adipiscuntur, & potissimum ius sui heredis, quasi personam eius repraesentando, *L. 1. §. 4. D. de suis & legitim.* Quo fit, vt nepotes, & deinceps per masculos suos heredes descendentes ad aui intestati successionem ita vocentur, vt non amplius, quam fuisset eorum pater laturus, si uiueret, accipiant; ac proinde vt, qui ex vna stirpe sunt, partem vnā, qui vero ex altera, licet plures, paucioresue, alteram ferant hereditatis partem. Ceterum quum liberis emancipatis per mares descendantibus paterna fuisset successio delata, atque natis ex feminis matris, maternorumque parentum successionem diu Caesares indulgissent, tandemque nouissime omnium liberorum siue emancipatorum, siue suorum, vt & siue per mares, siue per feminas descendantium conditio fuisset aequata; eadem successionis forma liberis tributa est omnibus, *§. ult. Instit. de hereditatib. quae ab intest.*, *L. 9. C. de suis & legitim.*, *novel. CXVIII. cap. 1.* Vide Vinnium ad *§. 6. Instit. de hereditatib. quae ab intest.*

*§. XI.* Iam filios, vt & nepotes, ceterosque, parentibus, qui supersunt, itemque omnibus ex se prognatis exclusis, succedere certum est. Parentes enim cum liberis ad successionem vocari, omnino verat illa naturalis affectio, quae magis erga liberos fertur, quam erga parentes, ceu  
su-

( XLVII )

supra monuimus (\*); quumque ratione proximitatis deferenda sit hereditas, filio praecedente, ex eo certe nepos debet excludi. Etsi vero in suis heredibus olim, §. 6. *Instit. de hereditatib. quae ab intest.*, hodie in liberis cuiuslibet generis gradus praerogativa haud servari dicatur; hoc tamen haudquaquam de filiis, deque nepotibus ex iis genitis accipiendum, sed de filiis utriusque, & nepotibus, qui sunt ex praemortuis filiis orti. Quid si filius fuerit emancipatus, ne-

---

(\*) Nihilominus duobus in casibus parens superstes una cum liberis quodammodo succedit. (I) Si matri succedendum sit. Scilicet si viva matre filii emancipati sint omnes, ac postea mater decesserit, pater in praemium veluti emancipationis, ad virilis portionis usumfructum vocatur, penes filios proprietate remanente, L. 3. §. 1. C. de bonis matern. At si ea decesserit, filiis omnibus in sacris paternis constitutis, pater omnium rerum maternarum usumfructum habet; is enim in res filiorum familias adventitias, ut sunt res quaesitae per matris successionem, usufructu gaudet. Quod si quidam emancipati, quidam in potestate manserint, successionis maternae filiis in potestate retentis quaesitae pater solidum consequetur usumfructum; cum emancipatis vero in usumfructum portionis virilis vocabitur, cit. L. 3. §. 3.: quod in nepotibus quoque, deincepsque liberis obtinet. (II) Si patri succedendum sit, & mater superstes inopia laboret; eo namque casu una cum liberis pro eorum vario numero in quartam, aut virilem viro locupleti succedit: qua de successionem fuisse agemus suo loco. Adde quoque successionem concubinae cum filiis ex concubinato progeneris in hereditatis paternae sextantem, si iusti liberi desint, & vxor.

• nepotes vero ex eo in aui defuncti potestate retenti? Iure quidem XII. tabularum inspecto filius emancipatus, utpote ad familiam patris sui amplius non pertinens, a nepotibus excludebatur. At quum praetor emancipatos cum suis vocasset, filium quoque emancipatum edicto: *de coniungendis cum emancipato liberis eius*: cum nepotibus ex eo prognatis vocare pensum, iustumque habuit. Is enim virilis portionis dimidium unum patri, alterum nepotibus ipsis detulit, *L. 1. D. de coniungend. cum emancip.*, siue nepotes omnes succederent, siue quidam eorum se abstinere: quo casu deficiens nepotis portio ad reliquos fratres abibat, non ad patrem, *cit. L. 1.* Sed an abrogatum id sit iure nouissimo, in utramque partem a doctis disputatur. Gude-  
linus *de iure nouiss. lib. II. cap. 13.*, Wesembecius in *cit. tit. D.*, Vinnius ad *tit. Instit. de success. cognator.*, aliique tenent, hodie filium tantum succedere, nepotibus prorsus exclusis. Contra Cuiacius ad *noel. CXVIII.*, Hotomanus ad *tit. Instit. de hereditatib. quae ab intest.*, Ioannes Voët ad *cit. tit. D. pro veteri* stant iure. Quid ego? Primis ut ipse adstipuler recta ratio postulare videtur. Iure namque nouissimo omni suos inter & emancipatos discrimine sublato, quod de suorum heredum successionem ius obtinet, idem et in emancipatis debet admitti, ut scilicet filii emancipati praeferrantur nepotibus in potestate retentis, patrique plene succedant. At haec ex eadem nouissima iurisprudentia intestatorum successiones secundum naturalem

( XLIX )

propensionem, caritatemque, quae sane intensior erga filios est, quam erga nepotes, deferuntur.

§. XII. De postumis pauca nunc delibemus. Postumos ad intestatam parentum hereditatem admitti, explorati iuris est; ipsi enim, quum de propria vtilitate agitur, pro iam natis habentur, *L. 7. D. de statu homin.* Refert autem plurimum in tempus inquirere, quo postumus editus est, ut certo ac liquido pernoscat, quoniam is sit ex concubitu natus, ne soboles adulterina ad alienas successiones vocetur, in exclusionem illorum, quibus plenum legitimumque succedendi ius est. Hinc ius extremum parienti tempus definiit, unde cognosceretur, an paritus defuncto iam marito natus, ex eo esset conceptus, an ex alieno potius concubitu, cuius foeditatem sub transacti matrimonii umbra tegat fortasse mulier. Decemuiro non ultra decimum mensem iustum parienti tempus produxerunt. *Si quis ei* (cauit lex decemuiralis) *in decem mensibus proximis postumus natus esset, iustus esset.* Gothofredus ad *leges XII. tabular. tab. IV.* At omnino oportebat, decemuiros ad insolitos etiam casus animum intendisse, quum de hominum existimatione agitur. Nam aliquando mulieres ordinarium gestationis tempus excedere, ac in XI., & ultra, mense parere, experiundo compertum est. Atque ita ex Graecis Aristoteles *hystor. animal. lib. VII. cap. 4.*, & Diocles philosophus; ex Latinis vero M. Varro, extremum parienti tempus in XI. mensem coniecerunt. Ipse quoque medicorum princeps

D

Hip-

- Hippocrates in libro περί οὐκισμῶν nat. V. & VI. docuit, oportere mulierem aliquoties in XI. mense parere, ut fetus ad ultimum suae perfectionis gradum perveniat. Reapse Gellius *noct. Atticar. lib. III. cap. 16.* refert, mulierem quamdam honestis moribus viventem, & non suspectae pudicitiae in XI. mense post viri obitum peperisse; quumque ab legitimis heredibus ei obiectaretur, mortuo demum marito propter inusitatum temporis rationem debuisse concipere, eandem adiisse imperatorem Hadrianum, qui requisitis philosophorum, ac medicorum sententiis decrevit, in XI. quoque mense partum edi posse. Quinimmo, Plinio teste *histor. natural. lib. VII. cap. 5.*, mirum, quod Masurius tradebat, L. Papyrium praetorem, filium patum XIII. mense post patris mortem ad bonorum possessionem admisisse tamquam legitimum (\*). At veteres iurisperiti medicorum,

(\*) In mendo cubare Plinii locum putat Cuiacius ad *novell. XXXIX.*, qui pro XIII. mensibus ex veterum codicum, ut ipse ait, auctoritate reponit X. At is aperte fallitur. Gellius enim *noct. Atticar. lib. III. cap. 16.* idem exemplum narrans, eademque Plinii verba referens, XIII. habet, non X. An potuit Cuiacius codicem reperire Gellio antiquiorem, qui sub Antoninorum imperio floruit? Praeterea si pro XIII. X. legendum esset, quid Plinius, quaeſo, communius, ac vulgatius retulisset, quam mulierem X. mense peperisse, quum tamen illic habeat, se velle exemplum aliquod referre, ut rem inusitam, praeter ordinariam, & communem nascendi rationem?

( LI )

ac philosophorum sententiis posthabitis, ipsoque Hadriani decreto neglecto, quaestionem hanc sola XII. tabularum auctoritate definire sunt rati. Vnde Paullus *sententiar. lib. IV. tit. 9.* *Septimo mense natus matri prodest. Ratio enim Pythagorei numeri hoc videtur admittere, ut aut septimo pleno, aut decimo mense partus maturior videatur.* Et Ulpianus *L. 3. §. 11. D. de suis & legitim.:* *Post decem menses mortis ( patris ) natus non admittetur ad legitimam hereditatem.* In eandem sententiam rescripsit imperator Iustinianus *novel. XXXIX.*, qui omnino partum XI. mense pleno editum tamquam illegitimum improbavit, ideoque mulierem, quae talem partum edidit, poenis secundarum nuptiarum subiecit. Dici tamen posset, iurisperitos, & imperatorem Iustinianum haud fuisse forsitan negaturos, partum XI. mense incepto natum pro-

P 2

le-

---

Franciscus Balduinus praetoris erga mulierem indulgentiam, eiusdemque mulieris pudicitiam suspectam habendam esse duxit. Sed oportebat, utrumque scivisse, naturam aliquando ab opinione forsitan nostra ex eo nobis parva, quod communiter contingere solet, ab ordine tamen suo numquam, aberrare, & ita humanae cognitionis septa transilire. Aliud nostris temporibus exemplum congeffit Dionysius Gothofredus *not. ad novel. XXXIX. de muliere*, quae non XI., nec XIII., sed XIV. mense post viri mortem pepererat, cuius mulieris quum indubitata foret pudicitia, honestique mores, quod vidua apud mariti heredes semper spectata vixisset, nec ab eorum latere discessisset umquam, partus legitimus est habitus.

legitimo habendum esse. Ceterum eiusmodi in exemplis maximam iudices prudentiam adhibere debent, seduloque feminae mores, ac pudicitiam expendere, ut inde possint elicere, an ei cum alio post viri obitum rem habuisse facile fuerit, necne.

§. XIII. Quod si de aui postumo, hoc est de nepote ex filio concepto agatur, tunc is ad legitimam aui successionem admittetur, quum viuo aui conceptus fuerit. Nam si post eius mortem conceptus, natusque sit, ait Tribonianus in §. 8. *Instit. de hereditatib. quae ab intest.* ex Vlpiano *L. 1. §. 8. D. de suis & legitim.*, hunc neque iure civili, neque praetorio ad hereditatem aui sui vocari posse. Et ius quidem civile, lex scilicet XII. tabularum, ad successionem suos tantum vocauit; suos vero non est nepos, qui tempore mortis aui nec natus, neque conceptus erat. Et praetor quamuis nullo habito discrimine emancipatos cum suis vocasset; huiusmodi tamen postumum vocare noluit edicto suo, quia nulla cognationis iure patrem patris sui attigit, ac proinde quantum ad hereditatem (\*) nec pro libero habetur, neque pro cognato, *cis. §. 8. Instit.* Id vero intelligi de-

---

(\*) Consulto Tribonianus ait quantum ad hereditatem; nam in ceteris omnibus, ut in privilegiis, in nuptiis contrahendis, ac iure patronatus, nepotes post aui obitum concepti pro liberis habentur, & iunguntur omnibus, qui fuerunt aui iuncti, quique ab eo descendunt, *L. 1. §. 10. D. de suis & legitim.*, *L. 47. §. 3. D. de bonis libertor.*



( LIII )

debet de propria eius persona; nam ex persona patris sui, cui delata est aui hereditas, ei transmissionis iure succedit. At si hereditas ad patrem non peruenerit, puta, si pater suorum numero sit, & aperte ab hereditate se abstinuerit, vel emancipatus & hereditate nondum adita decesserit; postumus iste omnino excludetur. Primum enim non vocatur, quum nullo cognationis iure patrem patris sui attingat; deinde ne per ius quidem transmissionis, quum hereditas patri non fuerit acquisita. Anne iure novissimo id abrogatum est, ac nepos ex propria persona aui succedere potest? Discors de hac re interpretum iudicium exstat. At veri speciem praesferre videtur sententia, quae habet, cum ex propria persona aui succedere posse. Quum enim Iustinianus sibi proposuerit in *novel. CXVIII.* ad naturalem simplicitatem omnia ferme de legitimis successionibus capita redigere, remotis vetustatis ambagibus; consuetaneum est, ut hoc quoque ad suam simplicitatem redigere voluerit, quum naturalis ratio quasi lex tacita quaedam tali nepoti, aequae ac aliis descendens, parentum addicat hereditatem.

§. XIV. Venio ad liberos diuersis ex nuptiis susceptos. Liberi, qui ex diuerso matrimonio orti sunt, communi parenti aequae omnes, proprio separatim succedunt. Sed bona omnia, quae communi parenti titulo lucratio per defuncti coniugis liberalitatem obuenerunt, liberis tantum ex illo matrimonio susceptis debentur, *L. 3. C. de secundis nuptiis.* Sane mulier, quae

( LIV )

transit ad secundas nuptias, vtut post anni  
luctum, quae ex prioris mariti liberalitate per-  
cepit, iure donationis propter nuptias, munere  
sponsalicio, iure institutionis, legati, fideicom-  
missi, aut quauis alia ratione, liberis cum eo  
susceptis tamquam bona paterna seruare tenetur,  
sibi tantum earum rerum, quoad vixerit, vsu-  
fructu retento: quod primi statuerunt imperato-  
res Gratianus, Valentinianus, & Theodosius in  
*L. 2. C. Tb. cod.*, a quibus insuper plenissi-  
mum mulieri datum est ea bona inter liberos  
dispertiendi arbitrium. Id vero quum durum  
nimium videretur, & ab naturali aequitate ab-  
horrens ( facta quippe mulieri de iis bonis in-  
ter liberos disponendi copia, credendum non  
erat, nullam propriis adfectibus captam esse fu-  
turam, qui ea forsitan abuteretur, indole potissi-  
mum perspecta feminarum pessima ); mutarunt  
constitutiones insequentium imperatorum. Nam  
*nouella Leonis & Maioriani de sanctimonialib. &*  
*viduis*, *nouella Leonis & Seueri de abrogatis*  
*capitib. iniustis*, quas cum aliis codici suo Theo-  
dosiano adtexuit Gothofredus, tandemque *nouella*  
*II.*, & *XXII.* Iustiniani hanc mulieri faculta-  
tem ademerunt, statuantes, vt bona ista liberis  
omnibus ex priori coniugio editis seruarentur  
ex aequo. Hodie itaque mulier de hisce bonis  
nihil quidquam diminuere potest, nihil aliena-  
re (\*), obligare, nihil extraneo, nihil liberis

po-

(\*) Quod ex lucris nuptialibus mulier alienauerit,  
post eius obitum, si id exstet, ex possessore vindica-  
bi-

posterioris matrimonii relinquere ; sed omnia prioris coniugii liberis seruare debet , nec plus vni , quam alteri , sed omnibus aequae.

§. XIV. Quod de muliere , idem obtinet de viro , qui ad secunda vota transierit , *L. 5. C. eod.* Olim ex constitutione imperatorum Gratiani , Valentiniani , & Theodosii in *cit. L. 2. C. Tb. eod.* aliter se res habuit . Quippe ea lex patribus nouercam inducentibus tantum suadet , vt quae acceperint ex dote prioris coniugis , vel quouis alio lucratiuo titulo , liberis cum ea procreatis relinquunt : suadet , non imperat . Legibus suaforiis admista non est vis obligationis , ac necessitas . (\*) Ita quod *nouella XXII.* parentibus suadet , vt bona sua aequa lance inter liberos tam primi , quam alterius matrimonii dispertiant , ne erga illos , qui ex posteriori coniugio oriuntur , prouiores sint , necessitatem haud implicat . Sic etiam quod vetus ius suadebat , ne in testamento officio testis heres institutus fungeretur , nullo erat ciuili vinculo astrictum , §. 10. *Instit. de testam. ordinand.* :

D 4

alia.

---

bitur ; si vero consumptum sit , aut tertius possessor praescriptione XXX. annorum muniatur , ex bonis eiusdem mulieris quasi tacitae hypothecae obnoxiiis repetendi ius est , *cit. L. 3. L. 5. pr. C. eod.* , ac *nouell. XXII.*

(\*) Romana iurisprudencia , exemplo philosophiae Stoicae , ex qua vtplurimum iurisperiti veteres sapiebant , dispertiebatur in *dogmaticam* , quae praeceptis constabat , & *paraeneticam* , vnde consilia fluebant . Vide Gerardum Noodt in *Julio Paulo cap. X.*

aliaque sexcenta eius rei exempla . Sic pariter quod *cit. L. 2.* suadebat, haud vlla adstringebat necessitate patres ad secundas nuptias conuolantes . Suasio tandem in necessitatem versa est a Theodosio iuniore senioris nepote in *novel. VII.*, ex qua desumpta est *cit. L. 5. C. Iustin.* ; ac proinde hodie si vir, priori defuncta vxore, ad secundas nuptias pergere voluerit, quae ipse ex defunctae coniugis liberalitate consequutus est, liberis cum ea susceptis cedere debent, penes ipsum usufructu remanente, sed omni adempta potestate ea alienandi, vel quoquo modo deteriorandi, *cit. L. 5., (\*)* . In eo tantum viri conditio ab illa mulieris diuersa est, quod haec dumtaxat, non ille usufructuariam cautionem praestare teneatur *L. 6. §. 1. C. eod.* ; quippe cautionis petitio a filiis aduersus patrem facta contra reuerentiam esset, quae magis patri, quam matri debetur (\*\*).

§. XV.

(\*) Hoc pacto bene prospectum est liberis prioris matrimonii, qui non raro a parentibus ad alia vota transmigrantibus negligi solent, praelatis secundarum nuptiarum liberis . Ad rem diuus Ambrosius *Hexameron VI.*: *Mutato concubitu*, inquit, *patres deprauantur, praelatis filiis posterioris copulae; neglectis autem his, qui ex priore progeniti sunt.*

(\*\*) Haec omnia obtinent, si superstes coniux secundo nupserit . Quod si ad secundas pergere nuptias noluerit, lucra nuptialia pleno iure sibi adquirat, ac ea libere administrare, vendere, alienare poterit, *cit. L. 5. §. 4.*, cui postea Iustinianus derogauit statuens, vt quod ex dote vir, vel mulier ex antenuptiali donatione lucrati forent, soluto matrimonio, in-

( LVII )

§. XV. Haecenus de liberorum ex iusto matrimonio editorum successione ediffertum est; nunc de successione eorum, qui sunt extra nuptias quaesiti, sermo instituendus. Liberi extra nuptias quaesiti varie pro varia eorum qualitate succedunt. si vel legitimi sunt, vel illegitimi: legitimi vel sunt adoptiui, vel legitimati: adoptiui vel adoptiui sunt sic stricte dicti, vel adrogati. De omnibus ordine suo nunc agendum, ac primum de adoptiuis, sic stricte dictis, de quibus exstat Iustiniani constitutio in *L. 10. C. de adoptionib.* Iure veteri adoptati in potestatem semper, familiamque adoptiui patris transibant, omnia liberorum suorumque iura in patris naturalis familia amittendo. Atque ita evenire poterat, ut naturalis patris successione iis adempta, successio etiam adoptiui patris adimeretur. Nam si filius post naturalis patris obitum ab adoptiuo patre fuisset emancipatus, hoc in casu utriusque parentis successione defraudabatur. Et adoptiui quidem patris successionem amittebat utpote emancipatione peremptam, qua plane extraneus ei factus erat; naturalis quoque patris, tum iure

re

---

indiscriminatim siue superstes coniux ad secunda vota transierit, siue in viduitate permanferit, liberis communibus, quoad proprietatem, cederent, usufructu penes coniugem superstitem remanente, *novel. XCVIII.*: quod imperator iterum mutavit, statuitque, ut superstes coniux, praeter integrum usufructum, virilis quoque portionis proprietatem lucraretur, *novel. CXXVII.*

( LVIII )

re ciuili, tum praetorio; iure scilicet ciuili, quia per emancipationem omnia patris etsi naturalis iura sublata erant; praetorio vero, quoniam praetori iniquum visum est, hereditatem aliis iam quaesitam auferri. Atque hoc erat maximum veteris iuris incommodum (\*). Ergo Iustinianus constitutione illa celeberrima in L. 10. *C. de adoptionib.* huic incommodo occurrens cauit, ut si quis in adoptionem fuerit extraneo datus, omnia patris naturalis iura, perinde ac si adoptio facta non fuisset, integra remaneant; si vero non extraneo, ut in familiam, ac iura patris adoptiui transeat, *cit. L. 10. §. 2. & 3.* Extranei dicuntur, qui ex adscendentium numero non sunt, etiamsi cognati sint ex latere; non extranei, qui inter adscendentes numerantur. Itaque si pater naturalis fratri suo, vel cuiusvis alii extraneo filium dederit in adoptionem, quum hoc in casu integra permaneant patris naturalis iura, ei semper tam ab intestato, quam ex testamento succedet, *cit. L. 10. §. 2.*; de bonis vero adoptiui patris nihil ex testamento sibi debetur, sed quidquid adoptius reliquerit ei pater, hoc liberalitatis est, & non legitimo vinculo adstrictum, *cit. L. 10. §. 4.* ac

---

(\*) Hac vna specie fuisse adoptiuos liberos vtriusque parentis tum naturalis, tum adoptiui successione defraudatos a viris doctis agnitum est. Errat igitur Tribonianus, qui §. 3. *Instit. de hereditatib. quas ab intest.*, se nonnullos, ait, inuenire casus, in quibus liberi & naturalium, & adoptiuorum parentum successione amittebant olim.

( LIX )

ac etiam si ex Sabiniano senatusconsulto (\*) tribus ex maribus fuerit adoptatus, neque ei quartam seruare necesse est, neque vlla actio ad illius persequutionem competit, §. 14. *Instit. de hereditatib. quae ab intest.*, cit. L. 10. §. 8. In eo tantummodo adoptionem eiusmodi filio prodesse voluit imperator, vt haudquaquam extranei patris adoptiui successionem defraudaretur; si non fuerit tamen emancipatus, cit. L. 10. §. 5. Quod si naturalis pater non extraneo, puta auo materno, vel si pater ipse fuerit emancipatus, etiam auo paterno, vel proauo filium dederit in adoptionem, praeter legitimam in adoptiui patris bonâ, testamentariam quoque contendere successionem poterit, quoad daret adoptio;

---

(\*) De huius senatusconsulti aetate ac nomine nihil certi habent adhuc peritissimi antiquitatum viri. Cautum eo videtur, vt si naturalis pater filium vnum ex tribus maribus dederit in adoptionem, adoptiui pater suorum bonorum quartam ei relinquere teneretur. Fauore quidem masculorum, non feminarum id statutum fuisse non inconsulto autumat Gothofredus ad L. 132. C. Th. de decurionib. Scilicet per masculos duntaxat, non per feminas, publica munera in republica geruntur, per eosque familiae propagantur, vt loco praemii fauore parentum, quod res publicae mares dederint, hoc cautum fuisse videatur: Itaque Iustinianus eiusmodi senatusconsultum abrogauit, statuitque, vt etiam si quis tribus ex maribus fuerit in adoptionem datus, nil quidquam ex testamento, ne ex Sabiniano quidem senatusconsulto bonorum quartam persequi possit.

ptio; quum in vnum eo casu vinculum ciuile & naturale coaleant: de bonis autem naturalis patris, si integra remanserit adoptio, persequi nil poterit; at si interuenerit emancipatio, *ne- cesse est iterum ad patrem naturalem cum reuerſi,* ait Iustinianus in *cit. L. 10. §. 3.*

§. XVI. Adrogati, quo nomine patresfamili-  
as in adoptionem dati intelliguntur, quum in  
familiam, potestatemque patris adrogatoris tranſ-  
eant, tum testamentaria, tum legitima ſucceſ-  
ſione gaudebunt, ſi integra perſtiterit adrogatio:  
quod non de bonis tantum in adrogatoris fami-  
liam translatis, quorum hodie eidem adrogatori  
vſusfructus dumtaxat acquiritur, *L. 6. C. de bonis quae  
liber.,* ius eſt, ſed & de patris adrogatoris bonis  
omnibus, *L. 10. §. vlt. C. de adopt.* Si quis au-  
tem a patre naturali emancipatus alicui ſe de-  
derit in adrogationem, nihil de bonis naturalis  
patris ei debetur, quum natura non patiatur,  
vt quis duos patres videatur habere, §. 10.  
*Inſtit. de hereditatib. quae ab inſteſt., L. vlt. D.  
vnde liberi;* niſi rurfus, viuo adhuc patre natu-  
rali, ab adrogatore fuerit emancipatus, *cit. §.  
10. Inſtit. De pupillis* in adrogationem datis  
amplius cautum eſt, vt ab adrogatoribus ſine  
iuſta cauſſa emancipari, vel exheredari nequeant,  
& ſi iuſte fuerint emancipati, bona omnia a  
pupillis in ſuas familias translatis eiſdem  
reſtituere teneantur. Quod ſi vero iniuſta ex  
cauſſa emancipati fuerint, vel exheredes in teſta-  
mento ſcripti, cum bonis ſuis quarta etiam bono-  
rum



rum (\*) patrum adrogatorum pars iis debetur ,  
 §. 3. *Insist. de adoptionib.* , L. 8. §. 5. *D. de  
 inoff. testam.* , L. 2. *C. de adoptionib.*

§. XVII. Pergamus iam ad liberos legitima-  
 tos. Liberi legitimated sunt , qui ex concubina  
 suscepti modis postea a lege probatis in iura  
 filiorum tamquam ex iusto concubitu suscepto-  
 rum adsciti sunt. Legitimated tales fiunt potis-  
 simum vel per *subsequens matrimonium* , si paren-  
 tes concubinatum conuertant in nuptias , vel  
 per *rescriptum principis* , a patre impetratum ,  
 quo princeps naturales filios legitimos esse iu-  
 bet , vel per *oblationem curiae* , si pater filium  
 conditioni curiali ( perquam olim asperae ) sub-  
 ſiciat. Legitimated per *subsequens matrimonium*  
 potiori censentur iure ; quippe plenissimum legi-  
 timationis effectum , ius familiae , cognationis ,  
 no-

---

(\*) Haec quarta , quae *Antoniniana* , & *quarta di-  
 vi Pii* ex eiusdem diui Pii constitutione dicta est ,  
 num quarta sit omnium bonorum adrogatoris , an por-  
 tius portionis ab intestato debitae , seu legitimae , non  
 satis constat. Complures , & nominatim Perezius ad  
*tit. C. de adoptionib.* num. 10. quartam esse por-  
 tionis ab intestato debitae arbitrantur . Sed quarta  
 bonorum omnium adrogatoris mihi videtur esse vero-  
 similis : quod vel ex vna L. 2. *C. de adoptionib.*  
 eruitur . Impuberem , quem ad vicem naturalis sobolis  
 adrogare desideras , si hi , qui sanguinis necessitudine  
 sibi iunguntur , id ei expedire apud praesidem provin-  
 ciae confirmauerint , filium habebis , ita ut **BONO-  
 RVM TVORVM QVARTA PARS** tam in postremo  
 iudicio tuo , quam quod si a te emancipatus fuerit , ei  
 praestetur .

fuertit subsequuta , nullo modo legitimated ad paternam successione vocari possunt ; quoniam ea quum statim post mortem aliis sit delata , iniquum videtur , successione iis auferri , quibus delata iam est . Ceterum legitimated per rescriptum principis ad successione etiam adscendentium omnium vocantur , & cognatorum , vt ex iis , quae mox laudauimus , nouel. LXXXIX. verbis , liquet satis superque .

§. XIX. Legitimated tandem per oblationem curiae patri tantum legitimi fiunt , non eius cognatis , *L. 9. C. de naturalib. liber. :* proinde ad patris tantum , non vero ad aliorum adscendentium successione admittuntur , nouel. LXXXIX. cap. 4. Sed hoc hodiernis temporibus omnino non obtinet , quum legitimandi modus per oblationem curiae cum iplis curiis in desuetudinem abierit .

§. XX. Videamus modo de liberorum illegitimorum successione . Liberi illegitimi , Graece *νόδοι* (\*), vel naturales sunt , vel spurii , vel su-

---

net ; & alias nouum non esse ea quae semel constituta sunt vtiliter , non vitari , vtut in eum peruenerint casum , a quo incipere non poterant , dacente Papiniano in *L. 85. §. 1. D. de reg. iur. ,* vt videre est in *L. 18. D. qui testam. facere , §. 1. Instit. quib. non est permissum facere testam. , §. 14. Instit. de legat. ,* & alibi passim .

(\*) Qui legitimus non est νόδος generatim Graecis appellatur . Festus : *Nōthum* , inquit , *Graeci natum ex uxore non legitima vocant , qui apud nos spurio patre*

( LXV )

suscepti ex damnato coitu, Naturales liberi ii sunt, qui ex concubinato nascuntur, quamuis generali naturalium adpellatione omnes illegitimi veniant: quo sensu naturales iustis liberis opponuntur, vt in *L. ult. C. quando mulier tut. offic.*, *L. ult. C. qui petant tutor.*, & alibi. Decemuirale ius de liberis ex concubinato susceptis vtpote extraneis nihil habet, deque his nil quidquam constitutum inuenio ad Constantini vsque tempora, prout neque de aliis, qui extranei sunt, quique nobis nullo cognationis vinculo sociantur, oportuit constitui. Hinc recte Iustinianus *nouell. LXXXIX.* obseruat, naturalium nomen Romanorum legibus vsque ad Constantini tempus neglectum fuisse: Palam ergo est, antiquitus eiusmodi filios intestata patris successione caruisse. Primus itaque Constantinus imperator multa de naturalium successione sanxit; quid vero constituerit, in tanta monumentorum inopia difficillimum est persequi. Illud certum videtur, Constantinum de intestata patris successione liberis naturalibus deferenda cauisse nihil,

E

iii.

---

*tre natus dicitur. Et Quintilianus institution. lib. III. cap. 8.:* *Νόθος qui non sit legitimus Graeci vocant. Latinum rei nomen, vt Cato quoque in oratione quadam testatus est, non habemus, ideoque utimur peregrino.* Ignorantiam itaque suam produunt, qui *νόθος* vocabulum filio tantum ex concubinato exorto tribuunt, quum id generatim filio, qui non sit legitimus, ex Graeci sermonis proprietate conueniat, quamuis hanc vocem Iustinianus *nouel. LXXXIX.* in eundem sensum detorqueat.

iisque ius tantum ex hereditate patris capiendi perquam accisum tribuisse. Hic enim imperator, qui concubinis quum esset infestus ob Graecorum forsitan ecclesiae patrum hortatu, concubinatum suscepit occultis veluti cuniculis abolendum, nihil de intestata naturalium successione attingere, ut antehac; sed constitutionem tantum edere debuit, iuri ex testamento patris capiendi valde noxiam; ut obuiam tanto malo viis omnibus iretur. De Constantinianis legibus haec tantum se *temperare* aiunt imperatores Valentinianus, Valens, & Gratianus in *L. 1. C. Tb. de naturalib. liber.*, ut naturales filii tres hereditatis uncias ex patris testamento caperent, si iusti liberi, vel pater materue deesset, his vero exstantibus, unciam vnam. Sed nihil ab iis de successione intestata constitutum, neque vllum de ea verbum subsequuti imperatores habuerunt. Tandem iure Iustiniano sic transacta res est, ut si intestato patri iusta soboles, & vxor deesset, naturales filii in duas hereditatis uncias succederent, ex aequo cum concubina diuidendas; iustis vero liberis, vel vxore superstitibus, ut alimonia tantum boni viri arbitrato decernenda petere possent, *noyel. LXXXIX. cap. 12. § 4 (\*)*.  
 §. XXI.

---

(\*) Ita ius est, si pater intestatus obierit. At is si velit testamentum condere, naturales filios ex aequo instituere heredes poterit, nisi iusti liberi supersint. Quamvis enim Iustinianus in *noyel. LXXXIX. cap. 12.* filiis naturalibus legari ultra unciam prohibuerit, id tamen diserte statuit, si iusti liberi exstarent. Ceterum

( LXVII )

§. XXI. At diuersum plane ius, quoad matris successionem, obtinet. Quamuis enim veteri iure decemuirali naturales, non secus ac iusti filii, a successione materna exclusi forent; tamen quum praetor in ordine cognatorum matrem & filios vicissim ad mutuam vocasset successionem, subdubitari nequit, quin praetoris edictum ad filios quoque in concubinato susceptos pertinuerit: quod & de ipso senatusconsulto Orphitiano, ac Caesarum de materna successione constitutionibus intelligendum est; quum filii ratione matris neque naturales, neque spurii sint, nihilque eos inter & iustos filios intersit. Novissimo quoque iure qui ex concubinato nascuntur matri, adscendentibusque maternis ex aequo succedunt cum liberis ex iusto matrimonio procreatis, *L. 2. §. 8. D. unde cognati, L. 5. C. ad senatuscons. Orphit.* Quinimmo quoad matris, maternorumque adscendentium successionem, in iis ius repraesentationis admitti arbitror, eadem mox allata ratione, quia ratione matris, & maternorum adscendentium nihil inter legitimos & naturales, imo & spurios intersit, *cit. L. 2. §. 8.* Confer Ioannem a Someren *de iure repraesentation. cap. II. §. 6.*

E 2

§. XXII.

---

terum pro duabus vnciis ab intestato debitis persequendis, quas pater testamento suo relinquere omiserit, naturales querelam nequeunt instituere. Iis enim haec hereditatis pars tribuitur, quum pater ab intestato moritur. Id vero, quod ab intestato debetur, ex testamento contendere non posse, notum est.

§. XXII. Quamvis autem naturales liberi non primi tantum gradus matri, sed & vltioris iure repraesentationis maternis adscendentibus succedant; id tamen quoad adscendentes paternos non admittitur; succedunt enim primi tantum gradus liberi, non vltioris, veluti nepotes pronepotes, qui licet iuste sint ex filio naturali suscepti, omnino ab aui, vel proavi successione repelluntur, *L. vlt. C. de naturalib. liber.* Porro quum successio in duas hereditatis vncias filiis tantum sit ex concubinato ortis indulta; inde fit, vt, quotiens viri & feminae consuetudo concubinae nequeat accenseri, filii ex ea suscepti minus patri succedant. Quum vero concubina ex animi destinatione fiat, *L. 4. D. de concubinis*, si vna eademque domo cum viro cohabitaret, ita vt domestica sit, & veluti focaria, ac maritali pene alatur adfectu; inde liquet, filios ex furtiuo coitu cum muliere habito susceptos, quacum constans, & domestica non fuerit consuetudo, pro spuris esse potius habendos. Qui ex *pellice* (\*) gignuntur, nec etiam

---

(\*) *Pellex* principio veteribus Romanis eadem erat ac concubina, vt ex auctoritate Massurii testatur. Paulus *L. 144. D. de verbor. significat.*: *Libro memorialium Massurius scribit, pellicem apud antiquos eam habitam, quae, quum uxor non esset, cum aliquo tamen vivebat, quam nunc vero nomine amicam, paulo honestiore concubinam adpellari.* At deinceps Romanae *pellex* mulier dicta est, quae viro uxorem habenti cohaeret, vt ex auctoritate Gracii Flacci subdit

( L X I X )

etiam patri succedunt, quoniam eo tempore, quo quis uxorem habet, concubinam habere non potest, ut ait Paullus *sententiar. lib. II. cap. 20.*: quod & ab imperatoribus passim confirmatum, *L. vii. C. de concubina.*, *L. vlt. C. commun. de manumissionib.*, *L. 18. C. ad L. Inf. de adulter.* Quumque plures vno eodemque tempore concubinas habere sit vetitum, quoniam uxoris vice concubina fungitur; si quis eodem tempore non vnam, sed plures habuerit concubinas, hoc etiam casu filios patri non succedere diserte statutum est, *novell. LXXXIX. cap. 12. §. 5.*

§. XXIII. Ad successionem nunc spuriorum, qui alteram liberorum illegitimorum speciem efformant, deveniamus. *Spurii* vox aliquando generalis est, eosque complectitur, qui ex illegitima, vel non probata consuetudine nascuntur. Atque ita qui oritur ex contubernio, utputa qui ex libera & seruo, velut *spurium haberi* rescripserunt imperatores Diocletianus & Maximianus in *L. 6. C. de suis & legitim.*, quoniam contubernium iustis nuptiis non accensetur, & quamvis certus sit pater, tamen is fuit, qui iustus esse non potuit. Apuleio me-

---

dit idem Paullus *cit. L. 144.*: *Granius Flaccus in libro de iure Papyriano scribit, pelicem nunc vulgo vocari, quae cum eo, cui uxor sit, corpus misceat.* Qui plura de hac voce cupit, adeat Brillonum de verbor. significat. hac voce, & Caluinum in *lexico lat. ead. voce.*

( LXX )

*tamorph. lib. VI.* filius natus ex matrimonio cum ancilla a filiofamilias inito sine parentis auctoritate, spurius dicitur: *Impares nuptiae*, inquit & praeterea in villa sine testibus, & patre non consentiente, factae, legitimae non possunt videri, ac per hoc *SPURIUS* ille nascetur. Et imperatores Constantinus & Constans in *L. 2. C. Th. de incestis nuptiis* filios ex incestis fratris cum sui fratris vxore, vel cum sorore vxoris suae nuptiis profectos legitimos haberi vetant districte; atque conuenire spurios esse qui nascuntur continuo subdunt. Qui igitur ex scortatu, stupro, adulterio, incestu, vel simili alia coniunctione eduntur, spurii generatim nuncupari possunt. At propria spuriorum adpellatione veniunt, qui ex meretricio suscepti sunt, quique alias *vulgo quaesiti* dicuntur, Senecae dicti *publici pueri* (\*). Incerto itaque patre ii eduntur, & non nisi matrem recognoscere possunt, iuribusque perfrui, quae ex illa manant (\*\*). Spurii vero sic

---

(\*) Spurios vulgo conceptos veteribus *faunos* etiam dictos prodit Iliodorus *etym. lib. IX. cap. 5.* Veteres enim putabant, quaedam animalia faunio spiritu hausto concipere, vt idem Iliodorus *cit. loc.*; vnde faunia oua, Graece *φαινια*, ea erant, quae sine initu maris ac sine patre concipi credebantur: ac proinde spurii faunio dicti, quasi sine patre. Quantum est in rebus inane!

(\*\*) Huc pertinet illud Solini *polyhist. cap. XXXIII.* de Aethiopis Garamanticis, quibus feminae communes erant: *Garamantici Aethiopes*, inquit, *matri-  
monia priuatim nesciunt; sed omnibus vulgo in vene-*



sic adpellantur *παρρητιν σπορην*, hoc est a *fatone*, vti putat Modestinus *L. 23. D. de statu homin.*. Haec autem originationis viris doctis non placet, vtpote generalis, quae liberis etiam conuenire potest ex legitimis coniunctionibus profectis: idcirco existimant nonnulli ita eos nuncupari, quasi *σπορην*, id est *sparsim*, vulgo, promiscue conceptos, vnde Sporades insulae dictae. Ita & opinatus est auctor libri *de nominibus & prae nominibus* a Iulio Paride epitomati, qui ad calcem Valerii Maximi edi solet: *Spurii patre incerto geniti quasi σπορην*: vt legendum ex emendatione Cuiacii: itemque Institutionum paraphrastes Theophilus: quae notatio optimis quibusque e iurisperitorum republica commendatur, praesertim Wesembecio, & Vinnio (\*).

§. XXIV. Iam spurii nulla prorsus ratione patri succedunt. Qui enim possunt patri suc-

E 4

ce-

*rem licet. Inde est, quod filii matres tantum recognoscant, nam paterni nominis nulla reuerentia est. Quis enim verum patrem nouerit in hac luxuria incesti lasciuientis? Expropter Garamantici Aethiopes inter omnes populos degeneres habentur: nec immerito; quia afflictis castitatis disciplina successus nominis notitiam ritu improbo perdiderunt.*

(\*) Sunt, qui spuriam dici contendunt a *spurio*, quo nomine Sabini muliebrem naturam adpellabant: quam originationem quidam praescae Latinitatis scriptores effluxerunt, eaque deinceps a doctis quibaldam adgnita & probata est, inter quos sunt doctissimus Turnebus *aduersar. lib. XXIX. cap. 13.*, & Iosephus Scaliger *ad Festum v. notibus*.

Alii

( LXXII )

cedere, quum incertus sit, eumque citre nequeant? Matri tantum succedunt ( matri spurii non sunt ), & quidem pro aequo vna cum liberis ex iusto matrimonio susceptis, L. 1. §. 2. *D. ad senatusconf. Tertyll.* quod ius certe manat ex senatusconsulto Orphitiano, a quo filii indiscriminatim omnes ad maternam successionem vocati sunt. Anne & reliquis succedunt adscendentibus maternis? Modestinus iurisperitus in L. 8. *D. unde cognati* respondet, spurios & auiae maternae succedere: quod ius, vt recte opinatur Cuiacius *observat. lib. XXVI. cap. 23.*, non ex senatusconsulto Orphitiano, sed ex prin-

---

Aliter huius vocis etymon tradit Plutarchus *question. Romanar. cap. XI.* Scribit is, à Romanis praenominà primis dumtaxat litteris verbi initialibus scribi solita, vna, duobus, vel tribus; veluti Titum T., Gneum GN., Seruium SER., eodemque modo praenomen Spurius SP. scribi consueuisse: quod praenomen plures legitimis ex nuptiis editi; & vel in maximis dignitatibus constituti homines ferebant. *Livius lib. II. cap. 5.*: *Duos tamen cum eo pudor tenuit, Spurius Lartium, ac Titum Herminium, ambos claros genere factisque.* Occurrunt etiam in historis Spurius Papyrius, Spurius Furius, Spurius Caruilus, alique maximis dignitatibus aucti. Iam vulgo concepti iisdem etiam notis designabantur, nisi quod illi SP., hi vero puncto interposito S. P., hoc est sine patre, non quod patre carerent, sed quia ex vulgiuaga venere concepti essent, eorumque pater esset incertus. Factum deinceps, ait Plutarchus, errore vel ioco est, vt, qui vulgo concepti forent, spuri quoque dicerentur.

( LXXIII )

principalibus constitutionibus deriuat, quum & ipsi legitime nati liberi auiae non succedant, nisi ex principum placitis. Sed an & auo materno succedunt? Non succedere putat idem Cuiacius *cit. loco*, ea de causa, quia Modestinus de auia materna tantum loquitur, non de auo materno; & quod nullibi constitutum inuenitur, spurios ad materni etiam aui successionem vocari. Cuiacii sententiam amplexus est clarissimus Bynkershoekius *quaest. iur. prim. lib. III. cap. II.*. At ex meliori sententia Antonius Matthaeus *de successionib. disputat. XIV. num. 16.* existimat, eos auo etiam materno succedere: Quamuis enim apud Modestinum in *cit. L. 8.* vnus auiae mentio occurrat; tamen quia ad auiae successionem admitti spurios tamquam cognatos iurisconsultus respondet, & auiae maternae aequae ac auo materno cognati sint, eos ad aui quoque materni successionem admitteudos esse colligitur.

§. XXV. Vno casu spurii nequeunt matri succedere; nimirum si mater sit illustris, cui non aliter succedent, quam si iusti filii non extiterint; quum in mulieribus ingenuis & illustribus ( quibus castitatis observatio praecipuum debitum est ) nominari spurios satis iniuriosum, satisque acerbum, & nostris temporibus indignum esse iudicamus, ait Iustinianus in *L. 5. C. ad senatuscons. Orphit.*: quo in textu verba ingenuis & illustribus coniunctim sunt accipienda, ut scilicet non quaelibet ingenuae, sed ingenuae illustres hoc gaudeant iure: quod scire observat

Vlricus Huberus ad *lib. III. Instit. de successio-  
ne ab intest. ex novel. CXVIII.* Mulieres illustres  
sunt filiae, & vxor eius, qui est aliqua di-  
gnitate auctus, veluti praefectus praetorio, prae-  
positus sacri cubiculi, praefectus Vrbi, comes  
sacrarum largitionum, similes (\*). Sed moribus  
hodiernis receptum est, vt mulieri etiam illu-  
stri spurii succedant, eam ob causam, quod re-  
spectu matris spurii non sunt. Confer *Lecuwen  
censur. forens. part. I. lib. 3. cap. 18.*, & *Groë-  
newegen in L. 5. C. ad senatuscons. Orphitian.*  
§. XXVI. Postremo loco de liberis ex da-  
mnato coitu susceptis edifferendum est. Qui ex  
damnata coniunctione manant, vel *adulterini*  
sunt, si fuerint ex adulterio concepti, vel *ince-  
sti*, si ex incestu, vel *sacrilegi*, si ex coitu  
cum personis Deo sacris habito, vel tandem  
*nefarii*, si ex nefaria, iureque tum naturali tum  
gentium prohibita adscendentium cum descenden-  
tibus

---

(\*) Sed quid est causae, vt soli spurii, non au-  
tem naturales, illustri matri, cui iusti non desint filii,  
succedere prohibeantur? Nimirum concubinatus mulie-  
ris splendori officere non videbatur, vtpote coniun-  
ctio, quae per leges nomen sumplerat, quaeque vel-  
vti *semimatrimonium* erat. Hinc concubina vxorem  
imitari dicitur Iuliano Constantinopolitano antecesso-  
ri, & in antiquis lapidibus *viceconiux* audit; vt  
etiam *semiconiux* adpellatur a Zonara in *Michae-  
le Paphlagone*, & in *Constantino Monomacho*. Qua  
etiam de causa concubinam, si fuerit in adulterio  
deprehensa, lege Iulia de adulteriis teneri, sicut ipsa  
vxor, iure statutum est, *L. 13. D. ad L. Iul. de  
adult.*

( LXXV )

tibus admiffione editi funt . Horum omnium  
conditio nouiffimo iure Romano milera nimis ,  
ac deplorabilis eff. Etta eft ; quippe Iuftinianus  
imperator odio plutquam Vatiniano fuccenfus  
eos ab omni fuccelfione repellit , etiam testa-  
mentaria , imo , quod maximum eft , alimentis  
ipfis priuat , vfuraque vitae in nouel. LXXXIX.  
cap. 15. *Omnis , qui ex complexibus ( funt eius  
verba ) aut nefariis , aut inceftis , aut damnatis  
procefferit ; ifte neque naturalis nominatur , neque  
alendus eft à parentibus , neque habebit quoddam  
ad praefentem legem participium . Sed , quaeſo ,  
alimenta quorſum illis denegantur , qui non  
propria voluntate , maleficioque , fed fola paren-  
tum fuorum improbitate tam foede nati funt ?  
Alimenta iure naturae debentur liberis (\*) , &  
qui alimenta denegat , necare videtur , vt docet  
Paul.*

---

(\*) Iure naturali liberis alimenta deberi pro com-  
perto eft . Qui enim filium gignit , quum eius existen-  
tiae cauſſa fit , conſulere ei tenetur de omnibus , quae  
neceſſaria reputantur ad humanam vitam tranſigendam ,  
hoc eft naturalem , & ſocialem : pro qua homo compara-  
tus a Deo eft . *Parentes , inquit Puffendorſius de  
iure nat. & gent. lib. IV. cap. 11. , generando vi-  
dentur ſeſe vltro obſtrinxiffe , quod quantum in ſe eſt ,  
operam velint dare , vt , quam dederunt , vita conſer-  
uaretur : quod & ipſe nouit Iuftinianus in L. ult. §.  
5. C. de bonis quae liber. dum ait : Ipſum autem  
filium vel filiam , filios , vel filias , & deinceps , ale-  
re patri neceſſe eſt , non propter hereditates , fed propter  
ipſam naturam . Et Euripides in Piciſſe tragodia apud  
Stobaeum de alendis liberis legem eſſe ait , quae omni-  
bus*

( LXXXVI )

Paullus *L. 4. D. de agnoscend. & alend. liber.* Hinc non defuere viri docti, qui tales liberos vel ipsis alimentis priuari aegre ferentes, Iustinianeam constitutionem emollire sategerunt. Sunt qui opinantur, eius sensum ita esse coangustandum, ut alimenta, viuis tantum parentibus, non ipsis mortuis ex eorum bonis, deneganda sint. Aliter istius causae defensionem adgreditur Vlrucus Huberus ad *lib. III. Instit. de success. ab intest. ex nouel. CXVIII.* Putat vir doctus, verosimile non videri rem adeo atrocem ita obiter decernere, ac crudele supplicium in infantes paruulos irrogare eum, qui parentes tantum punire cupit, quique semper fuit mansuetudinis & clementiae laudis appetentissimus. Atque hanc ob rationem opinatur, imperatorem esse *emphaticae* loquutum; ac plus, quam senserit, scripsisse. Quippe hereditas, inquit, naturaliter liberis debetur, quia debentur eis alimenta. Qui autem hereditate sunt indigni, nec iis alimonia deberi quodammodo videtur. Ex quo infert, legislatorem, qui de successionibus liberorum per-

---

una communis est, tam ad homines inter se, quam ad cetera animalia pertinens: cui concinit Diodorus Siculus *lib. II. cap. 50.*: *Optima magistra natura est cunctis animantibus, non tantum ad sui, sed & ad prolis suae conseruationem, ut cognata hac caritate continua successio ad aeternitatis circulum perueniat.* Atqui iura, quae ab ipsa natura manant, nulli mutationi sunt obnoxia, aeternumque stabunt, quum ius ciuile ciuilia quidem iura, non naturalia mutare possit, §. *vis. Instit. de caput. deminut.*

( LXXVII )

pertractans aliquos pronunciat alimentis indig-  
nos, nihil in eos sancire videri, nisi multam  
hereditatis. At is profecto pessime hanc tuetur  
causam; ut enim mittam imperatorem aperte  
fari, nec eius verba vllae subiici interpretatio-  
ni posse, quae ipse in medium proferre cona-  
tur, suo abutens ingenio, tam insulsa, ac ine-  
pta sunt, ut mihi respondendi modus desit &  
ratio: adeo difficillimum est, ut apud Cicero-  
nem me lectitasse memini, ineptiis respon-  
dere.

§. XXVII. Violenta & alia est interpretatio,  
qua idem Huberus explicari hanc constitutionem  
posse arbitratur. Etsi enim, ait, natis ex dam-  
nato coitu alimenta denegat Iustinianus, ne tam-  
quam legis beneficium petantur, prout ea idem  
imperator naturalibus liberis indulserat; tamen  
existimandum non est, eam Iustiniano fuisse  
mentem, ut ne iudicis quidem officio parentes  
ad alimenta illis praestanda adigi possint: quo  
quid ineptius, quaeso, poterit effingi? Officium  
namque magistratus non adeo late patet, ut le-  
gem mutare, vel corrigere possit arbitrato suo,  
quum eius sit in sententiis proferendis legum  
sectari tenorem, earumque obseruantiae consul-  
lere: qua ratione, *magistratum esse loquentem*  
*legem, legem autem mutum magistratum*, ait Ci-  
cero *de legib. lib. III. cap. 2.* Nec potest vm-  
quam iudex arbitrio uti suo, nisi quotiens lex  
ipsa eius religioni rem commiserit aestiman-  
dam.

§. XXVIII. Alii legem meridiana luce cla-  
rica

( LXXVIII )

riorem alicui subicere interpretationi desperantes, saltem ipsum Iustinianum ab inhumani, iulque naturale proterentis nota defendere latagunt, scilicet quod statutum id fuerit, vt homines metu poenarum ipsis filiis inflictarum perterriti ab hisce criminibus abstinerentur: quod, vt verum fateamur, ipse annuere non praeerit imperator in *noyel. LXXIV. : Qui semel ex odibilibus nobis, Et propterea prohibitis nuptiis procedunt, neque naturales vocari, neque participanda eis ulla clementia est, sed sit supplicium etiam hoc patrum, vt agnoscant, quia nec quidquam peccatricis concupiscentiae eorum habebunt filii.* At Iustinianum hoc non absoluere vel inde patet, quod tantum abest, vt, hac poena terminata, ab hisce flagitiis amoueantur homines, vt potius praecipiti lapsu in ea irrumpendi facilius detur occasio. Qui enim homines possunt a damnatis concubitibus auerti, onere sublato alimenta praestandi filiis inde susceptis? Praeterea quid isthuc rei est, parentum scelera, quibus tantum poena esset infligenda, in eorum filios criminis omnino expertes vindicare? *Peccata suos tenere auctores, nec ulterius progredi metum (poenae), quam reperiatur delictum,* summo quidem iure imperatores Arcadius et Honorius rescripserunt in *L. 22. C. de poenis.* Ergo iure merito canones ab iure ciuili descuerunt, statueruntque filiis etiam ex damnato coitu editis alimonia deberi, *cap. 5. extr. de ea qui duxit in matrim.* quod  
iur.



( LXXIX )

iuris canonici, naturalisque decretum, vbiq̃ue  
fori vltus probauit.

§. XXIX. Ceterum Iustiniani constitutio vtriuf-  
que parentis conscientiam requirit, adeo vt, si  
fuerit ex coeuntibus vnus facti compos, filii  
ab eius tantum successione arceantur. Nec por-  
ro interest, quoad adulterium, vtrum coierint  
ligatus, & ligata, an solutus & ligata: acque  
enim adulterium est, quum adulterium *alienae*  
*matrisfamilias* corruptio sit, & cum nupta com-  
mittatur, L. 6. §. 1. D. ad L. Iul. de adulter.  
Num autem isthaec constitutio ad illos quoque  
producenda, qui matrimonium contra legum  
praecepta bona fide inierint, nullius impedimenti  
conscientiae compotes, quaeritur. Meo quidem  
iudicio, sedulo matureque perpensis iuris Ro-  
mani principiis, filii inde quaesiti ab intestata  
parentum hereditate quā legitimi arcendi viden-  
tur, potiusque tamquam spurii ad solam posse  
matris successionem vocari. Sane sine vlla di-  
stinctione statuitur, vt inter eos, qui contra  
legum praecepta coierint, nuptiae nullo modo  
subsistere intelligantur, filiique ex talibus con-  
iunctionibus suscepti patriae potestati non sub-  
sint, sed his, qui vulgo concipiuntur, admi-  
lentur, §. penult. Inst. de nuptiis; lex rata, er-  
rantes grauiori poena excusari, & leuius puniri;  
sicque vetitas nuptias contrahentes grauioribus  
non esse poenis afficiendos, sed leuioribus tan-  
tum, qualis est nullitas nuptiarum, dotis, si-  
milium, cit. §. penult. Canones in hac etiam  
caussa ab iuris ciuilibus principiis descierunt,

sta

( LXXX )

statueruntque , vt filii in vetitis nuptiis bona fide initis quaesiti , vtilitate publica luadente , pro legitimis habeantur , ac proinde cum illis ad successionem vocentur , *cap. penult. & ult. extr. qui filii sint legitimi.*

---

## C A P V T IV.

### *De legitima parentum successionē .*

§. I. **Q**Voniam in successioneibus ab intestato deferendis hominum voluntates conuicere Iustiniano placuit; hinc is ad successionem liberorum sine suis descendantibus praedefunctorum *parentes* (\*), siue adscendentes vocat, *novel. CXVIII. cap. 2.* Sane quum nobis post liberos sint parentes carissimi , communis hominum voluntas eo fertur , vt , sine prole ex hac vita decessuri , velint , bona sua omnia ad parentes abeant superstitēs : quod exigit quoque gratus animus , vt a quibus vitam rebus omni-

---

(\*) *Parentum* adpellationem ruentis Latinitatis scriptores ad omnes sanguine iunctos produxere : cuius rei exempla plura congeffit Casaubonus *not. ad Capitolin. & Trebell. Pollion.* ex Capitolino , Lampridio , ac Trebellio Pollione desumpta . Sed iurisperiti hac voce semper adscendentes intellexerunt : qua significatione vsurpatur ab Iustiniano in *novella CXVIII. cap. 2.* , vbi Graeca dictio *γονοι* occurrit , quae proprie adscendentibus conuenit .

( LXXXI )

omnibus praestantiorē, alimenta ab incunabilis, educationēque homini bene comparando perneceſſariam acceperimus, eis hereditatem, liberis noſtris deficientibus, relinquamus: atque pietatis, miſerationiſque ratio ob maximum ex liberorum obitu moerorem, quo vehementer parentes afficiuntur, hoc quale quale ſolatium expoſcit. Diuine Papinianus L. 15. D. de inoff. teſtam.: *Etſi parentibus non debeatur filiorum hereditas propter votum parentum, & naturalem erga filios caritatem; turbato tamen ordine mortalitatis, non minus parentibus, quam liberis pie relinqui debet. Triſtis haec parentum ſucceſſio paſſim audit, luſtuosa hereditas, ac triſte lucrum, §. 2. Inſtit. de ſenatuſconf. Tertyll., L. ult. C. de inſtitutionib., L. ult. C. comm. de ſucceſſionibus, quum parentes ordine mortalitatis inueſto contra commune votum ſuccedant; quoniam in eorum ſemper votis eſt, vt liberi ſibi ſuperſtites exſtent. Penelope apud Ouidium ep. I. Heroid.*

*Di, precor, hoc iubeant, ut euntibus ordine fatiſ,*

*Ille meos oculos comprimat, ille tuos.*

Et auctor declamationum declamat. VI. haec moerentis patris ob filii mortem querimonias aſſert: *Ille eſt filius noſter, cuius ſpes ipſas amauimus, quem apud omnia templa, & ſurdos votis Deos ſuperſtitem precati ſumus, a quo ſepeliri optauimus. Hinc Plinius panegy. cap. XXXVIII.: Abunde, inquit, miſera res eſt, pater filio ſolus heres.*

F

§. II.

§. II. Iam antiquitus parentes ad bona defunctorum liberorum, qui in sacris essent paternis constituti, iure quidem patriae potestatis, non vero successionis, vocabantur; nec emancipatis succedebant, nisi foret emancipatio contracta fiducia peracta. Nam inde usque a primis Romae temporibus, si liberi in patria potestate constituti obissent, parentes bona eorum omnia iure patriae potestatis, siue peculii, occupabant; ac ita nec parentes habuerunt proprie successores, nec alios: quippe olim filiisfamilias, siue mares siue feminae, quidquid adquirebant, indistincte patri adquirebant suo, quum ex antiquo Romuli instituto essent in dominio patris Quiritorio, teste Halicarnasseo *antiquit. Romanar. lib. VIII.* Et quamvis postea peculium castrense & quasi castrense sibi adquiri filiisfamilias datum sit; tamen, si intestati obissent, & ea peculia parentes adhuc iure occupationis retinere pergebant: quod luculenter ex Ulpiano in *L. 2. & 9. D. de castrensi peculio* constat (\*). At constitutione tandem imperatorum

---

(\*) Errat dubio procul Hieronymus Tréutlerus *disputat. de success. ab intest.*, qui tenet, parentes bona filiorumfamilias occupasse omnia, exceptis castrensibus, & quasi, ad quae iure successionis ipsos parentes, statim ac ea filiis adquiri datum est, venisse. Nam id primo falsum arguitur ex *cit. L. 2. & 9.*; nec porro, quia filiis peculium castrense & quasi adquiri datum est, deque us supremum elogium condere, inde sequitur, ut successores sibi legitimos habuerint.

( LXXXIII )

rum Leonis & Anthemii in *L. 4. C. de bonis quae liberis* filiifamilias coeperunt in quaedam bona parentes habere successores, quamvis post liberos demum & fratres. Siquidem praefati Augusti in *cis. L. 4.* statuunt (I), ut bonorum, quae matrimonii causa quaesiuisset filius filiae familias, usufructus patri daretur, proprietate penes ipsum ipsamque manente; (II), ut iis sine testamento defunctis, in iisdem bonis primo liberi, deinde fratres, tandemque parentes succederent: quod iuris de maternis, maternique generis bonis statutum quoque fuisse conicitur, ut inferius suo loco dicemus. Quod autem imperatores Iustiniano antiquiores de lueris nuptialibus, bonisque mater-

F 2

nis,

---

huerint: quippe vivere dicebantur, quoad peculia isthaec, prout patresfamilias, sed prout filiifamilias decedere.

Iamvero in hac re veteres Hebraei cum Romanis conuenisse videntur. Apud eos enim omnia filiorumfamilias bona patrem occupasse conici potest, quoniam Hebraei patria in liberos potestate, uti Romani, pollebant. Vide Grotium *de iure belli & pac. lib. II. cap. 5.* Indicia sane non obscura reperiuntur de hac patria potestate in sacris veterum Hebraecorum libris. Vnde colligi pronum est, omnia mortuorum filiorum bona penes familiam, & patrem, qui familiae caput erat, mansisse. Ex quo facile reddideris rationem, cur nihil inueniatur de parentum successione in Hebraeorum legibus cautum, nimirum quia filiorum bona ex patriae potestatis principio patri debebantur omnia.

nis, & materni generis sanxerunt, id ipse Iustinianus in *L. 6. C. eod.* ad bona omnia adventitia porrexit: qua de re sermo redibit inferius.

§. III. Quod si liberi emancipati obiissent, parentes eis vno tantum casu succedebant, quamvis non tamquam parentes, sed potius tamquam patroni suis libertis, nimirum si *contracta fiducia* facta emancipatio esset. Nam ut quis sui iuris fieri posset, tres mancipationes, siue imaginariae venditiones, totidemque manumissiones singulis mancipationibus adiectae adhibebantur, quae variis formulis, ac sollemnitatibus coram eo magistratu, penes quem erat actio legis, erant expediendae. In postrema mancipatione naturalis pater fiduciae contractum adiciebat, ut pater emptor filium tertia vice non manumitteret, sed statim sibi remanciparet: quo fiduciae contractu inito pater emptor, dictus proinde fiduciarius, in ea erat causa, ut illum teneretur remancipare patri naturali, qui tandem eundem manumittebat. Vide Schultingium ad *Gaii institution. lib. I. tit. 6.*, & Heineccium *antiquitat. Romanar. lib. I. tit. 12.* Et quoniam Romano iure manumissor iura patronatus opima satis in manumissum retinebat, inter isthaec autem iura intestata etiam successio recensebatur; hinc naturalis pater emancipati filii successionem adipiscebatur veluti patronus. Quod si in emancipatione additus non esset fiduciae contractus, nullo pacto iure civili pater ad filii successionem vocari poterat, quoniam ex eo iure ad-

gna

( LXXXV )

gnati, hisque deficientibus, gentiles succedebant; pater autem neque adgnatus emancipato filio est, neque gentilis: ac proinde a patre emptore, qui filium manumiserat, quique ei tamquam patronus succedebat, excludebatur. Id autem quum nimis durum, & ab omni pietate alienum videretur, placuit, ad filii tametsi sine fiducia contracta manumissi successionem patrem naturalem vocari: quod iure honorario effectum est capite *unde decem personae*, quo praetor, si in emancipatione fiduciae contractus foret omisus, patri fiduciario, cui ius successionis eo casu competebat, decem personas praefere ratus est, puta patrem matrem, avum aviam, tam paternos, quam maternos, filium filiam, nepotem neptem tam ex filio, quam ex filia, fratrem ac sororem, tam consanguineos, quam vterinos. Vlpianus apud *patriator. leg. Mosuicar. & Romanar. tit. XVI. §. 9., §. 1. Instit. de bonor. possessionib.* At beneficium hoc praetorium nullius vltus evasit postquam Iustinianus in *L. vlt. C. de emancipationib. liberor.* sollemnitatibus, ac formulis illis emancipationis Tabularis, statuit, ut in emancipatione semper intelligeretur fiduciae contractum intercessisse, hoc est, ut pater adhuc ad legitimam filii hereditatem vocaretur, ac cetera patroni iura, perinde ac si contractu fiduciae inito eum emancipasset, consequeretur, §. *vlt. Instit. de legit. adgnator. success.*

§. IV. Hac olim ratione liberi parentes sibi successores habuerunt. Sed nouo plane intestatae successionis fundamento ab imperatore Iulinia-

( LXXXVI )

no iactō, prorsus immutata res est, aliamque faciem induit. Siquidem is in *nouel. CXVIII.* ad intestatam liberorum successionem proximioris gradus parentes vocauit, ita ut vltiores omnino excluderentur. Et quemadmodum ad liberos parentum hereditatem sine vllō discrimine siue suos siue emancipatos deuolui iussit idem imperator; sic etiam parentibus liberorum successionem praecoci fato praemortuorum deferri voluit, tam si ipsi parentes sui iuris essent, siue in potestate, quam si liberi in eorum, vel in parentum gradu remotiorum potestate constituti inuenirentur, vel emancipati. Idem sicut liberos nulla ratione sexus habita parentibus succedere iussit; ita etiam ad eorum successionem parentes vocauit, siue mares essent, siue feminae. Ergo primo loco ad legitimam liberorum successionem pater ac mater ex aequo vocantur hodie. Iure XII. tabularum mater nullo ferme modo ad filiorum successionem vocata est. Lex namque decemuiralis vel eos, qui ex defuncti familia essent, vel agnatos, vel gentiles vocauit; mater autem neque ex familia erat, neque agnata; nisi foret matrimonium per in manum conuentionem initum: quo casu filiis iure agnationis adligabatur. Postea quoniam id ab naturali aequitate pietateque alienum visum est, praetor more suo naturali ratione motus matrem & filios ad mutuam successionem admisit tamquam cognatos edicto *vnde cognati*, quum sint mater & filii inter se naturaliter cognati, *L. 2. D. vnde cognati*. Deinde Claudius  
im.



( LXXXVII )

imperator matri in solatium liberorum amissorum legitimam eorum detulit hereditatem, §. 1. *Instit. de senatusconf. Tertyll.* (\*). Successit postea senatusconsultum Tertyllianum, sub diui Hadriani tempore conditum, teste Triboniano §. 2. *Instit. eod.*, ita dictum a Tertyllo, siue Tertullo consule. Et quamuis in fastis sub Hadriano nullus Tertyllus consul occurrat; potuit is tamen esse consul suffectus, quum suffectorum consulum mentio in fastis raro consignetur. Confer Heineccium *antiquit. Romanar. lib. III. tit. 3. §. 3.* Cautum hoc senatusconsulto, ut si mater ingenua trium, libertina quatuor liberorum ius haberet, ad bona filii ab intestato mortui admitteretur, licet in parentis esset potestate, modo eo casu hereditatem iussu suo adiret, *cit. §. 2. Instit.* Quoniam vero amplissimus ordo matrem ad legitimam filiorum successio-

F 4 nem

---

(\*) Cuiacius not. posteriorib. ad §. 1. *Instit. de senatusconf. Tertyll.*, ianus a Costa, alique opinantur, hoc Claudii beneficium personale fuisse, non omnibus matribus generaliter indultum, eam ob rationem, quia si generalis constitutio fuisset, paullo post opus non fuisset senatusconsulto Tertylliano: Sententia isthaec, ut nullo idoneo argumeto freta, prorsus est explodenda. Nam reponi poterit, Claudianam constitutionem statim exoletam senatusconsulto Tertylliano fuisse restitutam: vel potius, ex ea constitutione citra ullam adstrictionem matri legitimam filiorum successionem fuisse delatam, ac postea ob arcanas politices, ut ciuitas hominum copia abundaret, id ad eum casum senatusconsulto Tertylliano coangustatum, si mater liberorum ius habuisset.

( LXXXVIII )

nem vocavit, vt, spe successionis alleſta, ad  
prolis procreationem inuitaretur, ac ita ciuitas  
hominibus adflueret (\*) ; hinc tum ius libero-  
rum

(\*) Conditum Romae ſenatuſconſultum Tertyllia-  
num, vt mulieres perfidum genus hominum ad  
prolis procreationem hereditatis acquirendae obtentu  
allicerentur. Nam tunc temporis mulieres abortioni-  
bus operam frequentiffime dabant, variis adhibitis  
medicamentis, vel ob viri odium, vel ob timorem  
ne partus formam deueniſſaret : quod impune factum  
videtur ex Stoicorum ſententia, quam iuriſconſulti  
adoptarunt, ſetum, dum in vtero eſt, hominem non  
eſſe, ſed viſcerum maternorum partem, L. 9. §. 1.  
D. ad L. Falſcid., L. 1. §. 1. D. de inſpiciendo  
ventre. Romanas vero mulieres ſetum in odium vi-  
ri abegiſſe liquet ex L. 4. D. de extraordinar. crimi-  
nib., & L. 39. D. de poenis ; ac frequentiffime me-  
tu abreptas, ne partus venuſtatem deturparet, teſtes  
nobis ſunt auctores locupletiffimi. Quidius de nuce  
v. 23 :

*Nunc vterum vitiat, quae vult formoſa vi-  
deri ;*

*Raque in hoc aeno eſt, quae velit eſſe  
parens.*

Et Iuuenalis ſat. VI. v. 594. :

*Sed iacet aurato vix vlla puerpera lecto :*

*Tantum artes huius, tantum medicamina poſ-  
ſunt,*

*Quae ſteriles facit, atque homines in ventre  
necandos*

*Conducit.*

Itidem Seneca de conſolat. ad Helu. matr. cap. XVI. :  
*Numquam te ſuccunditatis tuae, quaſi exprobraret ae-  
tatem, puduit : numquam more aliarum, quibus o-  
mnis commendatio ex forma petitur, tumefcentem vte-  
runt*

( LXXXIX )

rum habere mater intelligebatur, si viui filii ;  
& iuxta humanam formam editi forent . Nam  
*contra formam humani generis* nati, hoc est mon-  
strosi, aut prodigiosi, qui potius ciuitatem con-  
spurare videbantur, matri non proderant, teste  
Paullo *sententiar. lib. IV. tit. 9. §. 1.* : neque  
ei proderat *aborfus*, vel *abactus venter*, siue fe-  
tus ventre abactus, vt idem Paullus *loc. cit.*  
*§. 3. & 6.* Porro senatusconsulto mater ad  
successionem primo loco non vocata est ; nam  
ei praeferebantur liberi defuncti filii, de cu-  
ius successione ageretur, tam primi quam vl-  
terioris gradus ; quum hereditas magis debea-  
tur liberis, quam parentibus, quia illi ob  
naturae & parentum commune votum, *L.*  
*15. D. de inoff. testam.*, hi vero sola misera-  
tionis ratione ad hereditates admittuntur. Fra-  
tres quoque consanguinei, & adoptiui praefere-  
bantur, vti plenius infra loco suo dicitur ; ac  
pater naturalis, non item adoptiuus, siue heres  
sue bonorum possessor, & iure quidem patriae  
potestatis, si filius in sacris paternis constitutus  
obiisset, *§. 3. Instit. de senatusconf. Tertyll.*,  
*L. 2. §. 15.*, *L. 3. D. eod.* Quod si mater iu-  
re liberorum caruisset, tunc senatusconsultum  
Tertyllianum cessabat omnino, & locus dabatur  
edicto praetoris *unde cognati*. At Constantinus  
M. matrem tale ius non habentem cum adgna-  
tis

---

*rum abscondisti, quasi indecens onus ; nec intra vi-  
scera tua conceptas spes liberorum elisisti.* Conter  
Noode in *Julio Paulo cap. XI.*

tis defuncto proximioribus vocavit in tertiam partem hereditatis; ac ad seruandam aequalitatem idem imperator adgnatos etiam usque ad patruī nepotes cum matre, quamvis ius habente liberorum, admisit, *L. 1. & 2. C. Tb. de legitim. heredit.* Atque hae sunt constitutiones illae, quarum meminit Tribonianus §. 5. *Instit. de senatuscons. Tertyll.*, quae matrem in successione filii partim adiuuabant, partim praegravabant. Demum Iustinianus in *L. 2. C. de iure liberor.* plenissimum succedendi ius matribus impertiuit, licet non ter quaterue peperissent; quoniam mors ex partu non raro ipsis illata plene eisdem consuli suadebat; unde Medea apud Varonem *de ling. Lat. lib. VI.* aiebat, se velle potius ter sub armis vitae periculo subiici, quam semel parere; itemque, quod si ingenua ter, vel libertina quater non peperisset, immerito filiorum suorum successione defraudabantur, quum nullum peccatum esset, si non ter, quaterue essent enixae, §. 4. *Instit. de senatuscons. Tertyll.*, cit. *L. 2. C. de iure liberor.* Quum vero hac constitutione nihil mutatum de eo esset, quod pater naturalis semper in filii successione praefendus matri foret, nouissimo iure statuit imperator, ut pater materque peraeque succederent, siue soli, siue simul concurrentes.

§. V. Fatendum tamen est, matrem ita succedere, si a secundis nuptiis se abstinerit, quippe si secundo nubere maluerit, eius successio aliquam recipit variationem. Distingui autem debet, utrum vivo adhuc filio, an eo tandem

dem e viuis discesso, mulier iterum nupserit. Nam si, viuo adhuc filio, ad secunda vota conuolauerit, in bonis filii omnibus tantum vsumfructum eius portionis, in quam succedit, habet, proprietate fratribus sororibusque defuncti seruata, *L. 3. C. de secund. nuptiis*. Sed si post filii obitum secundo nupserit, rursus distinguendum est inter bona eiusdem filii profectitia, & aduentitia. In bonis quidem aduentitiis, hoc est aliunde quaesitis, quam a patre, mater pleno iure & in proprietatem, & in vsumfructum succedit, pro sua parte tamen; non enim sola succedit, sed cum fratribus, & sororibus defuncti ex imperatoriis constitutionibus, qua de re inferius suo loco. In bonis vero profectitiis, hoc est a patre profectis, habet tantum vsumfructum, quum proprietas ad ipsos fratres, sororesque pertineat, *L. 5. C. ad senatuscons. Tertyll.* Discriminis ratio est, vt Cuiacius in *cit. tit. C. aduertit*, quia mater, quae filio viuo secundo nubit, maiorem ei iniuriam adferre videtur, quam si eodem inter viuos agente in viduitate permanferit, ac ad secundas nuptias, ipso tandem mortuo, abierit. Hanc autem temporis, & bonorum distinctionem, vt & ipsam viduitatis, & secundarum nuptiarum differentiam sustulit Iustinianus *nouell. II. cap. 3.*, qua statuit, vt mater indistincte ac pleno iure succederet defuncto filio cum fratribus, ac sororibus sine vlllo bonorum discrimine, siue in viduitate permanferit, siue ad secundas nuptias pergere voluerit. Ait enim: *Optimum est, atque laudabile, & dignum*

## ( XCII )

oratione, ut mulieres ita se honeste tractent, quatenus quae semel ad virum venerunt, seruent inviolatum morientium torum: & huiusmodi mulierem & miramur pariter, & laudamus, & non procul a virginitate ponimus. Sin autem non valuerit, ( quum forsitan & iuuenis hoc non patiatur ), nec possit contra fervorem naturae resistere, non est torquenda propter hoc, nec interdiciendae sunt ei communes leges: sed ad viri alterius veniat nuptias honeste, & omni luxuria abstineat, & fruatur successione filiorum. Hac autem constitutione quum se Iustinianus ulterius, quam par esset, processisse animaduertisset ( male enim per secundas nuptias filiorum personis, educationi, bonis consulitur ), rursus reduxit differentiam bonorum, ac viduitatis & secundarum nuptiarum in *novell. XXII. cap. 25.*, non tamen distinctionem temporis, utrum vivo filio, an eo tandem mortuo secundae nuptiae initae forent, cavique, ut mater, quae ad secundas nuptias transit, in bonis profectitiis tantum usufructum haberet, in adventitiis vero plenam portionis suae proprietatem. Haec in matre tantum, quae secundis fuerit nuptiis funestata, servantur: ad patrem, quum iura sileant, extendi nequeunt (\*).

## §. VI.

(\*) Plerique tenent, ius, quod in matre secundo nubente constitutum est, ad patrem quoque ad secundas nuptias conuolantem pertinere, hoc est, ut quemadmodum vivo iure mater in bonis a patre profectis portionis, quae ei contingit, usufructum habet, in illis

§. VI. Porro matri tamquam indignae successio penitus adimitur, puta si tutores filiis suis im-

illis vero aliunde quaesitis, quam a patre, plenam proprietatem; ita etiam patrem quoad bona a matre profecta in usufructum duntaxat, quoad alia omnia in plenam portionis suae proprietatem succedere. Huius sententiae praesidium constituunt in *L. 5. C. de secundis nuptiis*, & in *novell. 11. cap. 2.* Prima sic habet: *Generaliter censemus, quocumque casu constitutiones ante hanc legem mulierem liberis communibus, morte mariti matrimonio dissoluto, quae de bonis mariti ad eam devoluta sunt, servare sanxerunt, iidem casibus maritum quoque, quae de bonis mulieris ad eum devoluta sunt, morte mulieris matrimonio dissoluto, communibus liberis servare.* In *novell.* autem haec sunt verba: *Quia vero contra binubos poenae communes sunt viri & mulieris, ille quidem in dote ad secundas veniens nuptias periculum sustinebit, haec autem in antenuptiali, seu propter nuptias donatione,*

Sed utraque profecto constitutio nihil ad rem. Nam in *cit. L. 5.* non agitur de successione patris, vel matris in illa filiorum bona, quae essent ab alterutro profecta, sed de successione in ea quidem bona, quae coniux alter ab altero *quous* acceperit, & quorum proprietatem, si coniux superstes secundo nuperit, filiis communibus servandam lex iubet. Deinde quod in *novell. 11.* dicitur, poenas contra binubos communes esse, id constitutio non ad successionem in bona filii protendit, sed restringit ad lucra tantum nuptialia. Alioqui in hac ipsa *novell. cap. 3.* aperte declaratur, nulla lege fuisse filiorum successione defraudatos patres: *Sicut enim, ait, patres, si ad secundas veniant nuptias, non fraudamus filiorum suorum successione, NEQ. ALIQUA EST LEX TALE ALIQUID DICENS;*

impuberibus non petierit, vel in locum reiecto-  
rum, & excusatorum aliorum nomina dare ne-  
glexerit: quod primum constitutum est epistola  
diui Seueri, quam describit Modestinus in *L. 2.*  
*§. 1. D. qui petant tutor.* Tutores autem, vt a  
successione excludi non possit, debet *confestim* ma-  
ter nominare, vt est in eadem epistola, ac apud  
Vlpianum in *L. 2. §. 23. D. ad senatusconsult.*  
*Tertyll. (\*)*. Merito vero filii sui hereditate  
mater multatur, quae tutorem illi non petiit,  
quoniam ea tutorem non petendo officium ma-  
ternæ pietati maxime conueniens deseruit. Id  
tamen iura restringunt ad eum casum, si mater  
non

---

*CENS*; sic neque matres &c. Et quamuis quoad  
matris successionem aliter statuerit Iustinianus in no-  
vel. *XXII. cap. 25.*; de patre tamen, quum sit nihil  
ianouatum, vetus ius adhuc viget.

(\*) Huic diui Seueri epistolæ, ac Vlpiano in *cit.*  
*L. 2. §. 23.* obitare nonnihil videntur Theodosius  
*L. 10. C. de legitim. heredib.*, & Tribonianus *§. 6.*  
*Instit. de senatuscons. Tertyll.*, qui aiunt, matrem  
a filiorum suorum hereditate repelli, si *intra annum*  
tutores ptere neglexerit. Iam vt Theodosio & Tri-  
boniano conueniat cum Vlpiano & Seuero, id sic  
intelligendum est, debere matrem, si nulla iusta  
caussa impediatur, tutores filiis suis nominare *statim*,  
hoc est vt primum potest, & *praetoris copiam habet*  
*huic rei sedentis*, siue, vt Haloander legere mauult,  
*se dantis*, *cit. L. 2. §. 43.*; *intra annum* vero, si  
sit infirmitate praepedita, vel alia magna causa,  
quæ etiam mandare eam ad petendos tutores impe-  
diret, vt ipse Vlpianus *ibidem* docet: quo an-  
no elapso, & tutoribus non adhuc constitutis, ma-  
trem excusationem mereri nullam.



non petierit tutorem filio, qui impubes mortuus sit. Nam si pubes factus obierit, eo casu succedit, ut Constantinus in *L. 3. C. eod.* habet; quum sit pie credendum, puberem, qui testari poterat, ac testamento hereditatem matri adimere, ab intestato decedentem eidem matri dissimulatione remisisse iniuriam. Id iuris non a Constantino primum, ut opinatur Hotomanus, sed antea inuectum esse, argumento est dictio *certum est*, qua utitur idem Constantinus in *cit. L. 3.*, ut scite Bachovius ad §. 6. *Instit. de senatusconf. Tertyll.* obseruat (\*). Hodie mater filiorum suorum legi-

---

(\*) Nonnulla adhuc ad Seueri constitutionem pertinentia cum Vlpiano adnotanda supersunt. Mater, quae tutores filiis penitus egenis non petierit, in hanc poenam non incidet, quia eo casu superuacui tutores erant, *cit. L. 2. §. 23.* Matri insuper ignoscendum, si non petierit tutorem filio, qui soluendo non erat, ut a creditoribus quasi indefensus minus inquietaretur, *cit. L. 2. §. 45.* Quid si quia absens a libertis, vel cognatis in petendis tutoribus praeuenera est? In poenam nec incidet, nisi quum animo frustrandi absens fuerit, *cit. L. 2. §. 27.* Quod idem erit, si quum petere cunctaretur, a libertis, vel cognatis admonita libenter petierit, non vero si *compulsa*, hoc est coacta, *cit. L. 2. §. 24.* Quod si forte quis uxorem suam communis filii matrem heredem instituerit, eamque rogauerit, remissa etiam satisfactio, ut hereditatem filio puberi facto restitueret, nec ullus quoque Seuerianae constitutioni locus erit, si filio tutores dari non curauerit: quoniam filio, qui nihil habet, tutores inutiles sunt. At contra erit, si satisfactio non fuerit remissa, quia vel pro-

legitima tutrix est *ausb. matri C. quando mulier*,  
ac proinde si tutrix esse nolit, aliam sua vice  
tuto-

propter hoc erant petendi tutores, *cit. L. 2. §. 46.* Praeterea si pater in testamento vetuerit tutores petere, ac rerum filiorum procuracionem vni matri iunxerit, mater ab eorum successione non excludetur, si ipsa legitime tutelam administrandam susceperit; quod secus erit, si nec ipsa tutelam gesserit, nec alios petierit tutores, *cit. L. 2. §. 25.* Quid si pupillo amplum legatum relictum sit ea conditione, si tutores non habuerit, & ne conditio deficeret, mater tutores petere omiserit, an in eandem poenam incidit? Et quidem non incidere videri posset, si damnum, quod ex omiſſa tutorum petitione redundat, minus sit legati emolumento; sed magis est, ut vel conditio isthaec quasi publicae utilitati contraria remittenda sit, *L. 7. D. de conditionib. institution.*, vel, quum tutores prohibiti sint, mater conditionis verbis tantum innixa, curatores petat, *cit. L. 2. §. 44.*

Iamvero Severiani rescripti verba de tutoribus sunt; ac proinde matrem puberibus curatores constituere non teneri certum est. At quum impuberes aliquando curatoribus indigeant, ut in casibus, qui in §. 5. *Instit. de curatorib.* enunciantur, tunc & curatores per matrem petendos esse ait Vlpianus in *cit. L. 2. §. 29.* Curatores quoque mater petere debet, ac nisi petierit hereditatis multa punietur, si sit praegrans, ut desit qui ventris bona administret; si apud hostes impubes filius sit: si filius furore laboret, *cit. L. 2. §. 29. 30. & 31.*

Porro a successione mater excluditur, si tutorem privilegio munitum, vel oneratum tribus puta tutelis nominaverit, ita vero si id data opera fecerit, qui tamen si tutelam susceperint, matri non officiant,

*cit.*

( XCVII )

tutorem petere debet. Quod si tutelam ipsa suscipiat, quam suscipere nequit, nisi iuret se iterum non nupturam, & peierarit, iterumque nupsit, non autem prius suae tutelae rationibus redditis, neque ordinato alio sua vice tutore, itidem ei tamquam indignae filii successio non defertur, *L. penult. C. ad senatusconf. Tertyll.*, *L. penult. C. in quibus causis pignus*. Quod de matre diximus idem & de avia intelligendum est, *cit. L. 2. §. 28. D. ad senatusconf. Tertyll.*, ac nouissimo potissimum iure, ex quo successio inter legitimos ei delata est: quinimmo id generatim ad heredes legitimos omnes productum est a Theodosio in *novella V. de tutoribus*, ex qua desumpta *L. 10. C. de legit. heredi.*

G

§. VII.

---

*cit. L. 2. §. 32. & 33.* Itidem si indignos, hoc est minus habiles ad tutelam petierit, sciens praetorem eos non daturum, qui tamen matris petitionem sequutus eos dederit, quamvis sit praetoris delictum, matris tamen puniendum consilium est, *cit. L. 2. §. 34.*, nisi aliorum, qui idonei fuerint, nomina edere. Et si illi fortasse excusati sint, vel hi improbari, debet quoque alios nominare, *cit. L. 2. §. 35.* Quid si non fuerint omnes excusati, vel non reiecti omnes? In excusati vel reiecti locum alium potere tenetur, *cit. L. 2. §. 39.*, nisi qui reliqui sufficient administrationi, *L. 4. D. qui petant tutor.* Iam idonei tutores qui sint, utrum facultatibus, an & moribus, quaerit Ulpianus in *cit. L. 2. §. 37.* Et generatim is ait, *se putare matri facile ignosci, si locupletes sint ii, quos petiit.* Reiecti vero dicuntur siue a praetore non dati, siue suspecti fuerint remoti, siue etiam ob negligentiam, vel ignaviam repulsi.

( XCVIII )

§. VII. Patre ac matre deficientibus , auo  
auiae , proauo proauiae , tam paternis quam ma-  
ternis , ceterisque adscendentibus legitima libero-  
rum successio iure nouissimo defertur , gradus  
tamen praerogatiua seruata , *nouell. CXVIII. cap. 2.*  
Ergo liberos inter & parentes nonnihil distat in  
hac causa , Vidimus superiori capite , quod si  
diuersarum stirpium liberi hinc inde existant  
proximiores in altera stirpe remotiores in altera  
haud excludunt . At secus est in successione pa-  
rentum . Nam si plures , & inaequalis gradus  
parentes inueniantur , ceteris praeferruntur , qui  
proximiores gradu sunt , siue mares siue feminae  
sint , siue paterni siue materni (\*). Vt ecce : si  
defuncto pater superuiuat , ex parte autem ma-  
tris praemortuae auus & auia materni , vel po-  
tius mater existat , ex parte autem patris defun-  
cti auus paternus & auia : illo casu pater tan-  
tum succedit , auo & auia maternis penitus ex-  
clusis ;

---

(\*) In successione parentum patris praemortui lo-  
cum auus & auia paterni subire nequeunt , nec auus  
& auia materni defunctae matris locum . In succe-  
ssione vero liberorum in filii praemortui locum nepo-  
tes neptescue ex eo geniti veniunt , In descendantibus  
enim locus representationi datur , quae nullo modo  
in adscendentibus locum sibi vindicare potest , quo-  
niam vt remotior in illis a proximiori , ita contra  
in his proximior a remotiori gignitur . Atque haec  
vna causa est , cur liberi proximiores ex vna stir-  
pe cum liberis ex altera , vtut gradu remotioribus ,  
succedant , non item parentes proximiores ex vna li-  
nea cum parentibus ex altera linea remotioribus ,

## ( XCIX )

ausis; hoc vero mater, submotis aucto & aui paternis. Item si aucto paternus existeret, vel aui paterna, ex parte aui materni defuncti, ac aui maternae, proauus et proauia; aucto paternus vel aui omnibus in successione praefertur: vel si aucto aut aui materni superstit, & ex parte aui, auique paternorum proauus & proauia, qui in utroque casu numerum quaternarium exaequant; vnus aucto maternus vel aui materna proauis proauiaque ex parte patris praepontur. Vides iam heic Iustinianum nonnulla a veteri iure aliena statuisse. Ex vetustissimi enim iuris principiis, si liberi in aui potestate fuissent, aucto iure potestatis bona eorum omnia occupabat, vti superius obseruauimus §. II. Deinde constitutione Theodosii & Valentiniani, in *L. 3. §. 2. C. de bon. quae liber.* bonorum maternorum, & materni generis proprietate ipsis liberis seruata, cautum est, vt si liberi, superstitibus tam aucto, in cuius potestate sint, quam patre, diem obierint suum, bona isthaec ad patrem, non iam ad auctum, perueniant, ipsi aucto tamen, dum supererit, usufructu seruato: Qua in re ius nouissimum aliquatenus cum vetem conuenit. Quod si liberi fuissent ab aucto contracta fiducia emancipati, iure manumissionis, aucto patrem excludere, non autem matrem, quam submouebat tantum pater siue manumissor, siue non manumissor bonorum possessione, *L. 10. D. de suis & legitim.*, *L. 2. §. 15. D. ad senatuscons. Tertull.* Quid si cum aucto & matre pater etiam concurrisset? Non leuis haec difficultas

( C )

tunc oriebatur, quoniam auus iure manumissionis patrem, pater matrem, mater avum excludebat: pro qua amolienda difficultate Paulus in *L. 5. §. 2. D. cod.* respondit: *rectius esse avo ius suum conservare*: & optimo sane consilio; avus enim eo causa matri praefereendus erat, non iure quidem proprio, sed propter patrem, quem excludebat, & a quo ipsa mater excludebatur. Praeterea non parentes modo primi gradus, sed & ulterioris sine discrimine sexus ad liberorum successionem hodie venire dictum est. Id autem iuris a veteri penitus abludit. Nam iure XII. tabularum quoniam mater nullo ferme modo ad filii sui hereditatem vocari poterat, eo magis avia & proavia tam paterna quam materna erant excludendae. Et quamvis deinceps senatusconsultum Tertullianum matrem ad legitimam filiorum suorum successionem admiserit; avia tamen non vocata est, ut diserte Tribonianus tradit §. 2. *Instit. de senatusconf. Tertyll.*; quemadmodum neque nepotes ex senatusconsulto Orphitiano ad aviae successionem vocati sunt, teste eodem Triboniano §. 1. *Instit. de senatusconf. Orphis.* Postea etsi imperatoris constitutionibus nepotibus aviae quoque successio delata fuerit; numquam tamen aviae delata nepotum successio, fortasse quod magis liberis ea debeatur, quam parentibus. Verum enimvero quod haec dicimus de iure veteri, aviam nepotibus non successisse, id de iure quidem civili intelligendum est, quum ea iure praetorio duplici ex capite succe-

( CI )

succederet. Nam bonorum possessione vel ex capite *unde cognati* in ordine cognatorum vocari poterat, quemadmodum mater vocabatur ante senatusconsultum Tertullianum, vel, si libero emancipato succedendum erat, & extraneus manumissor existeret, ex capite *unde decem personae* (\*). Ceterum nulla deinceps lata lege auiam ad legitimam liberorum successionem vocata est, nisi primum Iulianiani *novell. CXVIII.*, qua fere omnibus de re successoria ad naturalem simplicitatem reductis, in successione parentum omne quoque sexus discrimen sublatum est.

G 3

§. VIII.

(\*) Non defunt qui existimant, auiam iure civili, & quidem ex senatusconsulto Tertulliano olim successisse, argumento ducti *legis 2. §. 28. D. ad senatuscons. Tertull.*, ubi docet Ulpianus, auiam, quae nepotibus tutorem constituere neglexerit, ab eorum successione repelli. At ex ea lege nihil euincitur, quum queat intelligi de illa auiæ successione, quae iure praetorio fiebat olim, vel ex edicto *unde cognati*, vel *unde decem personae*. Alia prorsus ratione Contius in *opusc. de heredit. & bonor. possessionib.* modum hunc conatur extricare, quod scilicet illic Ulpianus id senserit, matrem non succedere filio, cuius filiis impuberibus tutores non petierit. Sed, hac posita interpretatione, fingendum esset, filium inter viuos fuisse eo tempore, quo erant nepotibus ex ipso genitis tutores dandi ( alias si defunctum esse dicatur, concipi non potest, auiam successione, quae tunc non ei deferretur, sed nepotibus ex filio, privari ). Viuo autem patre, si emancipati sint filii, is tutor legitimus est, ac auiæ proinde officium cessat; nisi quis dixerit, & id sensisse Contium, patrem vel dementem fuisse, vel furiosum.

§. VIII. De forma nunc successionis adscendentium differamus. Pater ac mater in capita succedere dici possunt, quum pro aequo veniant. Patre matreque deficientibus, quoniam hereditas ad reliquos adscendentes proximiores devoluenda est; hos autem inter nullum repraesentationis ius, nullaeque stirpes sunt; successionem fieri in *quasi stirpes*, siue in *lineas*, vel potius in *genera* dicemus. Haec parentum successio in *stirpes* fieri dicenda videretur; quum protritum in iure sit, succedi posse vel in capita, vel in stirpes, nec aliud vocabulum reperitur; neque tertium divisionis genus. Atque ita in *stirpes* interpretum plerique adpellant hanc vltiorum parentum successionem. At nequit id congrue dici, quum; quae successio fit in stirpes, ea fieri dicatur iure repraesentationis, quae suum in parentibus locum non inuenit (\*); ac proinde

---

(\*) Ioannes Faber ad §. 6. *Instit. de hereditatib. quae ab intest.*, aliique opinantur, in adscendentibus quoque iuri repraesentationis locum dari. Sed ii profecto in hoc dum errorem impingunt. Nam ius repraesentationis in successione descendantium admittitur: in successione collateralium, ubi filii defunctorum fratrum vel cum fratribus concurrunt, vel cum parentibus: in successione parentum numquam. Fundamentum enim & ratio repraesentationis est naturalis illa liberorum in locum parentum, ex quorum corpore manant, eorumque bona substitutio. Parentes vero in locum liberorum suorum substituere, contra naturam est. Hoc ipsum liquet etiam ex *novell.*  
CXVIII.



( CIII )

inde in stirpes succederetur, quin vlla esset repraesentatio. Magis ergo est, vt dicamus, hanc parentum successionem *in genera* fieri. Et vehementer sane miror, Donello, Balduino, aliiisque vel primi sublelli iuriconsultis eiusmodi successionem in stirpes adpellari. Iam in genera succeditur, quum bona tribuuntur partim adscendentibus paternis, partim maternis, scilicet vt semissem vnum adscendentes paternae lineae, semissem alterum adscendentes lineae maternae accipiant, quamuis in alterutra dispar personarum numerus inueniatur. Ita si in linea materna auus tantum, in paterna auus & auia existent; solus auus maternus semissem feret; auus autem auiaque paterni semissem alterum, qui inter eos ex aequo diuidetur, accipient, *nouell. CXVIII. cap. 2.*

§. IX. Num bonorum origo attendenda, vt paterna scilicet bona tantum paternis, materna maternis adscendentibus debeantur, disputant interpretes. Bartolus in *auth. itaque C. comm. de successionib.*, Castensis in *auth. post fratres C. de legitim. heredib.*, ac quotquot ex sacuimento illo Bartoli latice sapiunt, hac adhibita bonorum distinctione parentes succedere opinantur. Sed hac

G 4

---

*CXVIII. cap. 2.*, vbi ad successionem vocantur proximiores adscendentes, reuocationibus exclusis: quod fieri sequeretur, si esse inter eos repraesentatio. Finge enim ex hac parte exitare patrem, ex illa auum maternum, auus matrem repraesentando vna cum patre vocandus esset, a quo tamen excluditur.

( CIV )

hi turpissime labuntur. Quum enim e medio sublati tot tantisque veteris iuris ambagibus, nouam simplicemque succedendi rationem Iustinianus nouissima constitutione introduxerit, vbi eiusmodi distinctionis nec vola nec vestigium vllum occurrit; parentes hodie indiscriminatim ad omnia liberorum bona vocari ambigi nequit. Sane imperator in *praefat. ad nouel. CXVIII.* aperte fatetur, *se voluisse omnes simul ab intestato cognationum successiones per istam legem clara compendiosaque diuisione disponere.* Et continuo subdit: *Itaque prioribus legibus pro hac causa positis vacantiis, de cetero ea sola seruari, quae nunc constituimus.* Proinde omnis paternorum, maternorumque bonorum discretio explodenda est, quum ea ex hac constitutione possit nullatenus adstrui. Quinimmo haec bonorum distinctio maxime pugnat cum ipso Iustiniani placito, quo proximior siue in eadem, siue in diuersa linea remotiori praefertur, ac vtriusque lineae parentibus eiusdem gradus pro aequo addicitur hereditas: quae duo non subsisterent, si bona secundum eorum originem vel paternis, vel maternis adscendentibus cederent. Ita enim eueniret, vt in bonis paternis paternus remotior materno proximiori, & vicissim in maternis maternus remotior paterno proximiori praefendus foret; nec vero hereditas inter paternae maternaeque lineae eiusdem gradus adscendentes pro aequo secundum lineas diuideretur. Statuit autem imperator, *vt medietatem quidem accipiant omnes a patre adscendentes, quaticumque fuerint;*

( CV )

medietatem vero reliquam a matre adscendentes  
quantoscumque eos inueniri contingerit. Ex quibus  
vides, non illos ad paterna dumtaxat, hos ad  
materna, sed utrosque ad omnium bonorum me-  
diatatem indistincte vocari. Praeterea quos im-  
perator parentes ad intestatorum liberorum suc-  
cessionem vocat, heredes facit. Hæres in omne  
ius, quod defunctus habuit tempore mortis,  
succedit, L. 3. §. 2. D. de bonor. possessionib.,  
L. 24. D. de verbor. significat., L. 62. D. de reg.  
iur. Itaque quum omnia paterna & materna  
bona defuncti propria euaserint, postquam is he-  
reditatem adiit; consequens est, ut parentes in  
hæc bona sine ulla distinctione succedant, iique  
eiusdem potestatis iurisque sint, cuius suis defun-  
ctus, L. 59. D. eod. (\*).

§. X. Nec quidquam in contrarium faciunt,  
quæ ab aduersas sententiae patronis opponuntur.  
Aiunt, luculenter inueniri constitutum in L. 3.  
C. de bon. quæ liber. bona paternâ paternis ad-  
scendentibus, materna maternis deberi, idemque  
ad.

---

(\*) Distinctionem inter materna ac paterna bona in  
legitimis successioneibus seruandam, aliqua tamen limi-  
tatione, introduxerat Constantius imperator in L. 4.  
C. Th. de matern. bon., ubi cauit, ut, si filius fami-  
lias intra sextum suæ ætatis annum obiisset, bona  
materna maternique generis non ad patrem, sed ad  
proximos ex parte matris, unde erant ea bona pro-  
fecta, pertinerent; ac in bona itidem paterni gene-  
ris pater proximique ex parte patris succederent. Sed  
quum ea constitutio in Codice Iustiniano desit, aliud  
nostro iure seruatur.

## ( CVI )

adstrui ex §. 1. *Instit. per quas person. nob. adquirit.* Verba L. 3. haec sunt: *Sin autem idem nepos superstitibus tam patre, quam auo paterno diem suum sine liberis obierit; eorum dominium, quae ad ipsum a matre, vel ab eius linea pervenerint, non ad auum, sed ad patrem eius perveniat: quasi heic de auo materno ageretur, ad quem, si pater deficiat, materna bona abire debeant, quemadmodum patre exstante is excluditur, & in ea solus pater succedit. Tandemque ex eo quod in successione fratrum frater consanguineus succedat in bona, quae ex linea paterna ad defunctum fratrem pervenerunt, veterinus vero in ea, quae ex linea materna; non immerito, inquit, hanc eandem bonorum distinctionem ad successionem quoque parentum esse protrahendam. At haec potius sunt aegrorum deliramenta. Textus enim in L. 3. C. de bon. quae liber., & in §. 1. *Instit. per quas person. nob. adquirit.* inuiti procul dubio trahuntur. Profecto §. 3. perperam ab iis intellecta de patre & auo paterno loquitur, non iam materno, ut manifeste liquet ex illis verbis: *superstitibus tam patre, quam auo paterno.* Ut vero istius legis sensus rite intelligatur, in memoriam redigendum est, quod superius diximus, veteri iure patremfamilias omnia filiorum bona iure peculii occupasse, etiam castrensia & quasi; nec porro filiosfamilias ab intestato heredes habuisse ullos: quippe si pater, ac auus, cuius potestati nepos obnoxius fuisset, superstites inuenti forent, eo casu auus nepotis bona omnia occupabat, patre*

pe.

( CVII )

penitus excluso, quum in aui tantum potestate nepos esset constitutus. Quoniam vero bonorum maternorum proprietatem e dominio parentis, cui vsumfructum dumtaxat reliquit, subduxerat Constantinus M. in *L. 1. C. Tb. de matern. bon.*, atque in bonis itidem materni generis vsumfructum ei tantum deberi statuerant Gratianus & Valentinianus junior in *L. 6. C. Tb. eod.*, proprietate vt in illis bonis, sic etiam in his liberis seruata; hinc, nouum ius ad alias species protendendo, sanxerunt Theodosius & Valentinianus in *L. 10. C. Tb. eod.*, vt si filius obiisset, liberis superstitis ac patre, vsumfructus patri, proprietatis liberis seruaretur. Tandemque iidem imperatores in *cit. L. 3. C. Iustin. de bonis quae lib.*, quae ex eorum nouella VII. de paternis seu maternis bonis ex parte desumpta est, vtrius processerunt, statueruntque, vt si nepos in aui sacris constitutus sine liberis decessisset, patre superstite; hic bonorum maternorum maternique generis proprietatem perciperet, auus iure patriae potestatis vsumfructum caperet tantum. Atque hic est *cit. L. 3.* sensus, quae ab nouis constitutionibus multum correctæ est: qua de re paulo post agetur. Deinde nihil offendit §. 1. *Inst. per quas person. nob. acquirit.* Sane sermo illic est de bonis à patre profectis, nimirum quod talia bona ipsi patri, vel auo, qui filium, vel nepotem in potestate habuerit, cedere debeant: quod extra quaestionis aleam est; in haec enim bona successionem non dari, sed qui liberum in potestate habet, siue auus sit, siue pa-

( CVIII )

pater, ea iure peculii occupare certum est. Tandem argumentum a successione fratris consanguinei, & vterini desumptum ineptissimum est; nam praeterquamquod non eadem est ratio successione fratrum & parentum, neque proinde ex illa ad hanc trahere licet argumentum, sententia, quae habet, fratrem consanguineum in bona paterna, vterinum in materna succedere, omni sane veritatis specimine destituitur: quod sequenti capite probatum fuisse dabimus.

§. XI. Iam de bonis, in quae parentes succedant, modo differamus. Vt id recte intelligi queat, quadruplex filiorumfamilias peculium pernoscendum est. Nimirum peculium vel est *castrense*, quod militiae armatae occasione acquiritur, *L. 11. D. de castrensi peculio*, veluti si quid filio in militiam eunti pater donauerit, si hereditas a commilitone fuerit relicta, si captum quid ab hostibus fuerit, si quid ex pecunia castrensi emptum sit, *cit. L. 11., & L. 5. D., L. 4. C. cod.*: vel *quasi castrense*, quod militiae togatae occasione filius sibi familias acquirit, veluti patrocinio caussarum, aliarumque artium liberalium professione, *L. 4. C. de aduoc. diuers. iudic.*: vel *aduentitium*, quod ex matris, aut cuiuscumque alius liberalitate, artium fabrilium exercitatione, prospera fortuna, filius sibi parat, §. 1. *Instit. per quas person. nob. acquirit*: vel tandem peculium est *profectitium*, quod a patre proficitur, vel ab alio, sed patris contemplatione, *cit. §. 1. Instit.* Ex hisce peculiis castrense & quasi filiofamilias pleno iure cedunt, *cit. §. 1., L. 6.*

*L. 6. C. de bon. quae liber.* ; in aduentitio patri debetur tantum vsusfructus , *cit. §. 1. Instit.* , *cit. L. 6.* , & *L. ult. §. 5. C. de bon. quae liber.* , & profectitium pleno iure patri cedit , *cit. §. 1. Instit.* His in antecessum monitis, distinguendum nunc est, vtrum liberi, in quorum bona succedendum sit, emancipati fuerint, an in potestate tempore mortis. Primo casu parentes iure successionis ad omnia eorum bona indiscriminatim veniunt, etiam ad ea, quae alias si in potestate fuissent, peculio profectitio accensenda fuissent. At si liberi in sacris paternis inuenti fuerint tempore mortis, diuerse pro peculiorum diuersitate respondendum. In peculiiis enim dumtaxat castrensi, quasi castrensi, & aduentitio locus successioni datur: bona profectitia omnia patri debentur. Iure quidem veteri patremfamilias omnia filiorum cuiusque generis bona occupasse, etiam castrensia; vel vbi ea a rationibus paternis separata filios habere placuit, iam superius dictum est. At quum imperatorum Theodosii & Valentiniani III. constitutione, quae exstat in *L. vn. C. Th. de bon. quae filiisfam.*, & vnde desumpsit Tribonianus *legem 1. C. Instit. de bon. quae liber.*, effectum esset, vt lucra nuptialia, bona scilicet, quae matrimonii causa, puta ex dote, donatione antenuptiali, alterius coniugis legato, fideicommisso, aut simili alia ratione, quae fuissent filii, patri nullatenus acquirerentur, hoc est, vt iidem imperatores explicuere in *L. 2. C. eod.*, eorum bonorum proprietatem tantum, non vsusfructus;

Etus; quumque praefati Augusti in *L. 3. C. eod.*  
 hanc constitutionem hoc addito confirmassent,  
 ut si filii morerentur in potestate patris adhuc  
 constituri, ea bona ad eorum liberos iure hē-  
 reditario, non ad patres iure peculii, transmit-  
 terentur: hinc tandem Leo & Anthemius in *L.*  
*4. C. eod.* decessorum suorum placita protendentes  
 in eadem bona succedere statuerunt non filios  
 modo ex eodem matrimonio progenitos, verum  
 etiam ex alio; itemque ut, si eorum liberi  
 deficerent, fratres sororesque superstites, illi pri-  
 mo, qui ex eodem matrimonio nati forent, tum  
 qui ex alio, succederent; tandemque, his omni-  
 bus deficientibus, parentes ad successionem vo-  
 carentur: quod ius iidem imperatores porrexe-  
 runt ad sponfos in *L. 5. C. eod.* Id ipsum de  
 bonis maternis constituit Iustinianus in *L. ult.*  
*C. comm. de successionib.* Et paullo post idem im-  
 perator, quum bonorum omnium adventitiorum  
 proprietatem patri abiudicasset, eadem in iis  
 successionis iura observari sanxit, quae in nu-  
 ptialibus rebus & maternis erant constituta, *L.*  
*6. §. 1. C. de bon. quae liber.*, ubi cauit: *ut in*  
*successione quidem earundem rerum, quae extrin-*  
*secus filiisfamilias adquiruntur ( hoc est aduen-*  
*titiarum ) intra eadem observentur, quae in MA-*  
*TERNIS & NUPTIALIBUS REBUS statuta*  
*sunt.* Heic iura successionis in maternis & nu-  
 ptialibus rebus statuta ad res alias adventitias  
 producuntur. In res autem maternas & nuptia-  
 les liberi primum, deinde fratres ac de-  
 mum parentes succedere iussi sunt. Ex dictis  
 igitur habes, parentes successionis iure ad omnia  
 ad-



( CXI )

aduentitia filiorum in potestate decedentium bona vocari, quamvis nouissimo iure non post fratres ac sorores, sed utique cum illis: ut inferius.

§. XII. Quoad peculia castrense, & quasi, etsi iuriconsulti non pauci vel primi sublelli, & nominatim Cuiacius, Hotomanus, Pacius, ac Fabrotus, in ea haud successionis iure venire parentes opinentur, sed iure potius patriae potestatis eadem retinere; id tamen, pace tantorum virorum, verosimile omnino non videtur. Quamuis enim pater, vel auus diu ipsa castrensia bona, etiam post datam eorum bonorum filiis acquisitionem, post intestati filii obitum iure peculii occuparit; aliud ius tamen a veteri prorsus alienum posterioribus temporibus invaluisset ex ipso Iustiniano colligi pronum est. Is enim *pr. Instit. quib. non est permiss. facere testam.* aperte habet, filiis ab intestato mortuis, castrense peculium primum ad liberos, dein ad fratres, tandemque, nullis liberis & fratribus superstitibus, ad patrem *iure communi* pertinere, id est iure hereditario, quam principum constitutiones introduxerunt, ut perspecta Bachovius *ad Tract. disputat. de success. ab intest. lib. IV. lit. A.* & Vinnius *comment. ad cit. Instit. loc.* obseruant (\*).

Hoc

---

(\*) Viglius, & cum eo alii, qui contendit, parentes ad castrensia filiorum in potestate defunctorum bona vocari non iure successionis, sed iure patriae potestatis, praefata Tribonianum verba *iure communi* pro peculii iure interpretatur; & quamvis pater excludatur a defuncti libe-

Hoc idem & de quasi castrensi peculio adfirmandum nullus dubito. Si id enim de bonis adven-

liberis & fratribus, tamen ius patris, ait, quiescere, illis exstantibus, deficientibus vero integrum relinquit patri ius pristinum. Bachovius *loc. supra cit.*, qui tenet, ad bona ista patrem vocari iure successionis, respondet, iis verbis indigitari ius peculii minus posse, quoniam iure occupandi peculii omnes excluderet, omnemque praeuerteret successionis speciem, quum tamen ipse potius excludatur a defuncti liberis & fratribus. Sed neque Viglius opinionem recte ruitur, neque Bachovius pro sententia, quae vestitui magis accedit, bene pugnat. Nam primo in *cit. pr. Instit. communis iuris* nomine non ius peculii, sed ius vtrique succedendi venire principum constitutionibus introductum videri debet exploratum. Quippe quum principes iure successionis ad bona filiorumfamilias matrimonii causa quaesita, itemque materna & materni generis parentes post liberos & fratres vocassent; quumque in hoc Institutionum loco dicatur, castrense peculium ad parentes eodem, qui in illis bonis, ordine servato, post liberos scilicet & fratres, pertinere iure communi; hinc liquet parentes imperatoris quoque constitutionibus iuris communis appellacione designatis ad bona similiter castrensia fuisse vocatos iure successionis, Deinde novum non est, in successione filiorumfamilias parentibus personas aliquas praelatas fuisse, sub certi temporis conditione, quae si defecisset, illorum bona percepisse parentes non successionis sed peculii iure. Ita in *L. 4. C. Th. de matern. bon.* ad materna maternique generis filiofamilias bona vocantur proximi materni generis, si is intra sexum aetatis annum obiisset, si vero post eum annum, pater *iure patrio*, iure scilicet peculii, vocatur: quo casu, si verus esset Bachovius, ad ea bona patre vocari debuisset iure successionis.

ventitius in iure proditum, in quibus Iustinianus minus iuris, quam in quasi castrensis, reliquit; exploratum videri debet, ad haec quoque bona parentes vocari iure successionis. Quid quod peculia castrensis & quasi equiparantur, & eadem paene ratione reguntur (1) &c. Sed certe iure nouissimo liquida res est, quum omnia ique distincte bona filiorum familias ex nouell. CXLVII. siue castrensis, siue quasi castrensis, siue aduentitia parentibus iure hereditario deferantur, & eam sedulo perlegenti facile constabit.

§. XIII. Ceterum de peculio profectitio, votus ius adhuc viget, nihilque nouis constitutionibus mutatum est. Quum enim illud patri rerum & quoad usufructum, & quoad proprietatem adquiratur, inque eo filio nihil commutetur.

(\*) Peculium quasi castrense ad similitudinem castrensis peculii inductum est, quum professio artium liberalium militiae soleat exaequari, militia inde etiam a veteribus nuncupata. Cicero pro Murena cap. IX. Valerius Maximus lib. VIII. cap. 6. Vt enim militis armis rempublicam tuerentur, sic etiam quodammodo pro ipsa republica professores militiae videntur, ut Leo & Anthemius in L. 14. C. de aduoc. diuersor. aud. de aduocatis nimium eleganter aiunt. Hinc est, ut filii familias in bonis tam militum, quam artium liberalium professione partis aequo ferre iure censentur. Nam ut in illis, sic etiam in his pro patribus familias habeantur, L. 2. D. ad senatuscons. Macedoniam, & quemadmodum pleno iure ea possident, sic etiam super illdem testamentum condere valent, pr. Instit. quib. non est permisi. facere testam. L. ult. C. de testam.

## ( CXIV )

petat ; patrem non iure successionis peculium hoc ex nouo acquirere, sed potius iure patriae potestatis praecipuum retinere dicendum est, *arg. L. 2. D. de castrenf. peculio iunct. pr. Instit. quib. non est permisso, facere testam.* Quinimmo etiam dos multis sane aucta priuilegiis, si a patre profecta sit, soluto morte mulieris matrimonio, ad ipsum patrem iure peculii redit. Vt enim de iure sui temporis scribit Vlpianus *fragmentor. tit. VI. §. 4., mortua in matrimonio muliere, dos a patre profecta ad patrem reuertitur, quintis in singulos liberos in infinitum relictis penes virum.* Ex Iustiniani vero constitutione in *L. unic. §. 5. C. de rei uxoriae act.* nec eiusmodi quintae debentur liberis: a quo tamen iure hodie discessum, & est ubique receptum, dotem ad patrem non reuerti, si mulier liberos dimiserit (\*).

## §. XIV.

(\*) Ne quis putet ad meram hanc intellectionem exercitationem disputari, quae pater bona iure occupationis obtineat, quaeque iure successionis, sciendum est, longe equidem interesse, bona occupari iure patriae potestatis, ad eaque iure successionis admitti. Nam illo casu (I) adscendens remotior adscendenti proximiori praeferrere potest; si auus enim nepotem in potestate habuerit, eius bona post mortem praecipua retinere pergit, remoto prorsus patre; at hoc casu adscendens proximior semper remotiori adscendenti praefertur: (II) illo casu mater, maternique adscendentes, utpote potestate destituti, ad liberorum bona nullo pacto arcessiri possunt; quod in hoc casu secus est: (III) itidem primo casu apud patrem, vel auum bona remaneant, quasi ipsius semper fuerint, nec ea

§. XIV. Opportune nunc quaeri potest, si filio in sacris paternis ad mortem usque constituto pater, aut avus paternus una cum matre aut aucter materno in bona adventitia succedat, num praeter suam portionem, quam obtinet pleno iure, in matris vel aui materni parte integrum retinere pergausumfructum. Quaestio isthaec virorum doctorum ingenia multum exercet. Paulus Castrensis in *auth. defuncto C. ad senatuscons. Tertyll.*, Fauchineus *controuers. lib. VI. cap. 6.*, Bichouius a Treustl. *disput. de success. ab intest. th. IV. liss. B.* Scipio Gentilis *de bon. matern. & adventis. cap. VI.*, aliique avo vel patri usumfructum deberi opinantur. Ad textum provocant in *I ult. C. ad senatuscons. Tertyll.*, qui sic habet: *Sin vero defuncta persona in sacris paternis constituta decesserit, pater quidem usumfructum, quem & vivente filio habebat, teneat, donec vivat, is corruptum: mater autem, quia hunc usumfructum habere vivente patre non potest, totum apud patrem constitutum, una cum fratribus defunctae personae ad proprietatem vocetur.* Pro hac etiam sententia facit regula in *L. 3. C. de usufruct.*, usumfructum solius fructuarii morte perimi, non etiam proprietarii, Si ergo in adventitiorum bonis

H 2

no

adquirunt ex novo; secundo vero eadem neque adquiri, nec ad heredes transmitti queunt sine hereditatis additione: (IV) tandem primo casu pater vel avus liberorum creditoribus adstringitur peculio tenus; hoc, edita hereditate, in solidum.

norum portione, quae matri, vel auctori paterno contingit, usufructum patri vel auctori paterno minus deberi dicatur; eueniret profecto, ut sola filii morte, cuius est proprietas, non iam usufructuarii patris, vel auctoris, bonorum eiusmodi usufructus perimeretur.

§. XV. Verum enimvero haec alicuius momenti esse, semper ex ea parte conficere videntur, si haec quaestio ex alio, quam ex novissimo iure diiudicanda foret. Nam alia omnino res est ex *novel. CXVIII. cap. 2.*, ubi Iustinianus primo loco ad bona liberorum patrem & matrem pro aequo accessit. *Si autem pater*, inquit, *aut mater fuerint, diuidenda inter eos quippe hereditas secundum personarum numerum, ut* *et ASCENDENTIVM et fratrum SINGVLI aequalem habeant portionem.* Qui ergo eueniret, ut pro aequo succederent, si patri in aduentitiorum bonorum portione, quae matri confertur, perinde ac si filius in viuis esset, usufructus deberetur? Profecto id aequalitatis ratio hac in causa omnino obseruandae non patitur, quum patri plus quam matri obueniret. Praeterea si patri una cum germanis defuncti fratribus in potestate retentis concurrenti, inter quos, uti mox dicetur, hereditas est viritim diuidenda, usufructum ex suis portionibus vindicare verum est, & aias, ut cuique notum, in bonis eiusmodi veritate aduentitiis patri usufructum competere certum sit; potiori ratione ad de matre Iustinianum intellexisse dicendum est, potissimum cum in illis mulieris bonis, quae sunt extra dotem,

( CXVII )

dotem, leges nullo modo viro vsumfructum praebeant.

§. XVI. Porro quum ex variae praedilectionis ratione nouae successionis argumentum erupit imperator, quumque homines vulgo fratres, sororesque germanos pari cum parentibus amore prosequi soleant; hinc is cum proximis gradu adscendentibus fratres sororesque ex utroque latere defuncto coniunctos, quamuis in potestate patris essent, ad praedefuncti fratris vel sororis bona arcessit, vt secundum personarum numerum hereditas viritim diuidatur, singulique siue parentes siue fratres aequam ferant portionem, *nouel. CXVIII. cap. 2.* Olim frater & soror consanguinei, vt & adoptiui, qui consanguineorum loco sunt (\*), patrem excludebant, *L. 2. §. 8.*

H : 3 D. ad

---

(\*) Frater adoptiui *consanguineus* proprie dici debet; nam ex definitione Cassii in *L. 1. §. penult. D. de suis & legitim.* consanguinei sunt, qui sanguine inter se sunt copulati, hoc est qui eundem patrem sanguinis auctorem habeant; adoptiui autem, etsi cum liberis naturalibus patrem communem habeant, sanguinis tamen paterni nullum inter eos participium est. Recte igitur obseruat Tribonianus *§. 2. Instit. de legiti. adgnator. success.* adoptiuos *improprie consanguineos appellari*. Sed quamuis adoptiui consanguinei non sint, ius tamen consanguinitatis, siue fraternitatis habere intelliguntur, *cir. L. 1. §. ult.*, eoque iure patrem quoque olim, ac matrem excludebant, *L. 2. C. Th. de legitim. hereditat.*: non secus atque mulier, quae in viri manum contulerit, quia in eundem patrisfamilias potestate erat, siueque huius

( CXVIII )

*D. ad senatusconf. Tertyll., L. ult. C. commun. de successioneib.,* atque frater matri etiam praeferebatur ex constitutione imperatorum Valentiniani & Valentis in *L. 2. C. Th. de legitim. hereditatib.,* & quidem in totum, si non esset emancipatus, alioqui in trientem tantum veniebat, ad reliquam hereditatis matre arcessita. Fratres autem uterini, vel naturales, neque patrem, neque matrem defuncti remouebant. Vide Cuiacium in *tit. C. ad senatusconf. Tertyll.* Sorores vero consanguineae solae exstantes non permittantur cum fratribus vna cum matre succedebant, *cis. L. 2. §. 8. D. ad senatusconf. Tertyll., §. 3. Instit. eod.* Verum Iustinianus in *L. ult. C. eod.* hoc correxit, sanxitque, ut cum matre non solae sorores consanguineae, sed & uterinae concurrerent, matrique hereditatis semisses, sororibus alter semisses inter eas aequaliter diuidendus cederet. Quod si fratres soli, siue permitti cum sororibus existerent, cum matre is tribui hereditatem in capita iussit; *cis. L. ult.;* cum fratribus vero, sororibus, ac matre, patre quoque superstite, statuit, si quidem defuncta persona tempore mortis sui iuris fuerit, ut fratres tantum, ac sorores ad successionem totius proprietatis veniant, patri ac matri beffis usufructus aequa lance inter ipsos diuidendus cedat, reliqua usufructus parte apud fratres ac sorores reman-

---

ac filiae loco, liberis suis ex eo matrimonio genitis erat veluti consanguinea, eoque nomine cum illis ad viri successionem vocabatur.



## ( CXIX )

manente: sin vero defuncta persona in patria potestate constituta obiiſſet, vult idem imperator, vt pater vſumfructum, quem & viuente filio habebat, retineat; mater autem cum ſatribus, ac ſororibus concurrens ad proprietatem vocetur pro virili portione, vel pro dimidia, ſi ſolae ſorores exſtitiffent. At Iuſtinianus ab iure in *cit. L. vlt.* conſtituto ex parte diſceſſit in *nouell. XXII. cap. 47.*, vbi cauit, vt mater, quamuis cum ſolis ſororibus concurreret, non amplius in dimidiam, ſed in virilem portionem ſuccederet. Tandemque is in *nouell. CXVIII. cap. 2.* vltcrius proceſſit, ſtatuitque, vt ſi deſuncto fratres & ſorores, pater ac mater ſuperuixerint, omnes pleno iure citra vllam vſumfructus deductionem pro virili ſuccederent, licet fratres ac ſorores in patris potestate fuerint: & hoc amplius, vt cum patre ac matre, ceterisque adſcendentibus, dumtaxat ii fratres ſuccederent, qui vtroque latere deſuncto iunguntur, penitus exclusis ſatribus ex patre tantum, vel matre ipſo deſuncto cognatis (\*).

H 4

§. XVII.

(\*) Chaffinaeus in *conf. IX.*, & ad *confuetud. Burgund. rub. VII. §. 6.* opinatur, fratres ſororeſque ex vno tantum latere deſuncto coniunctos etiamnum cum adſcendentibus ſuccedere ob *L. vlt. C. ad ſenatusconf. Tertyll.* Nae is egregie toto caelo aberrat. Quod ibi enim de ſucceſſione fratrum conſanguineorum, & vterinorum, hoc eſt vel per patrem tantum vel per matrem coniunctorum, ſtatuitur, ab *nouell. CXVIII. cap. 2.* abrogatum eſſe, lippis atque conſoribus notum eſt.

§. XVII: Bona, quae ex successione ista fratribus ac sororibus contingunt, aduentitiis accensenda esse vides, ac proinde quemadmodum in aduentitio filiifamilias peculio pater usufructum retinet, seruata filio proprietate; sic etiam si fratres ac sorores in patria potestate constituti successuri sint, eorum portionis usufructus patri reseruari deberet. At imperator hunc capere usufructum, omnino patri interdixit in *cit. nouel. CXVIII. cap. 2.* Quorsum id? Magnus Cuius ad *cit. nouel.* id ea de causa constitutum opinatur, quoniam antiquitus etsi ex bonis hisce usufructum pater consequeretur, a fratribus tamen omnino excluderetur: hodie vero, quoniam patrem cum germanis defuncti fratribus admitti placet, ex eiusmodi bonis ei usufructum praecipuum retinere veratur, quia usufructum percipiendi ius cum proprietate ipsis fratribus debita rependere sat imperatori visum est. Plausibilis sane ratio: cui & aliam addere mihi liceat, scilicet quia idem imperator germanos fratres una cum patre ex aequo succedere voluit; nec pro aequo succederent, si pater, praeter virilem suam, ex portionibus, quae fratribus

---

*est. En tibi, quaeso, nouel. verba. Si igitur defunctus ascendentes quidem non relinquat heredes, pater autem aut mater, aut alii parentes ei supersint, omnibus ex latere cognatis hos praeferrere sancimus; exceptis filijs fratribus ex utroque parente coniunctis defuncto. Hic omnibus ex latere cognatis parentes praeferrere statuitur, exceptis dumtaxat fratribus ex utroque parente coniunctis defuncto, hoc est germanis.*

bus obuenirent, vsumfructum quoque ferret.

§. XVIII. Quid de fratribus fororumque germanorum filiis? Graeca lectio *nouellae CXVIII.* a Latina hac in re discrepat. Ex hac enim euincitur, fratrum filios cum parentibus non succedere: quippe de iis nulla in *cap. 2.* iniecta mentio; cum parentibus eisdem succedere in *cap. 3.* vetatur. Si autem ( sunt verba Latinae constitutionis ) cum fratribus defuncti etiam adscendentes ( sicut iam diximus ) ad hereditatem vocantur; nullo modo ad successionem ab intestato fratris, & sororis filios vocari permittimus. At omnino contrarium eruitur ex eadem Graeco sermone expressa constitutione. Siquidem *cap. 2.* post verba *exceptis solis fratribus* in Graeca constitutione continuo subnectitur: *καὶ ἀδελφοπαίδων*; & fratrum filii. Et vbi Latine legitur, si vero cum adscendentibus iniungantur fratres aut sorores, Graecis deest sororum mentio, qui tamen habent, *ἢ ἀδελφοπαίδες*, vel fratrum filii. Itidem post verba, & fratrum singuli aequalem habeant portionem, Graece sequitur: *ἀλλὰ καὶ οἱ ἀδελφοπαίδες τὴν μοίραν τῶν ἰδίων γονέων λαμβάνουσιν*, sed etiam fratrum filii sui parentis partem capiunt. In hoc igitur Graeco Latinoque *nouellae CXVIII.* conspectu an quis Graecam potius retinendam esse lectionem existimabit, quum constitutio isthaec Graece primum fuerit exarata, Latine post redita? Sed plana res est. Iustinianus anno XIV. post editos Pandectas, & V. post latam *nouellam CXVIII.* indictione XI. aliam edidit constitutionem, quae est *nouella CXXVII.*, eaque ca-

( CXXII )

vit, vt germanorum defunctorum filii cum parentibus ac patruis ad defuncti patris successionem iure repraesentationis vocarentur. Hac autem constitutione Graeci carent, quod eius sententiam partim *novellae CXVIII.* partim constitutioni sequenti interseruerint. Videsis Ferandum Adduenscm *explication. iur. lib. II. cap. 44.* Itaque, quidquid huius rei sit, certum est, germanorum filios iure repraesentationis cum parentibus ac patruis superstitibus succedere (\*). Ceterum, quod de filiis fratrum statuit Iustinianus ad eorum nepotes, pronepotes, ceterosque non

---

(\*) Filii fratrum quemadmodum cum adscendenti-  
bus, ac patruis concurrentes, ita etiam si cum ad-  
scendentibus tantum, patruis nullis superstitibus, con-  
currant, in stirpes an in capita succedent? an potius  
omnino a successione excludentur? Forsteros *de suc-  
cessionib. ab intest. lib. VII. cap. 7.*, & Rittershusius  
*iur. Iustin. part. VII. cap. 10.* in stirpes quoque  
vocandos esse autumant. At ex meliori sententia  
Cuiacius ad *novell. CXVIII.* tenet, eos in tali casu  
omnino non succedere. Hoc enim luculenter adstrui-  
tur ex ipsa *novel. CXXVII. cap. 1.*, vbi ait impe-  
rator: *Sancimus, vt si qui moriens relinquat adscen-  
dentium aliquem & fratres, qui possint cum paren-  
tibus vocari, & alterius praemortui fratris filios,  
cum adscendentibus & fratribus vocentur etiam praemortui fratris filii, & tantam accipiant portionem,  
quantam eorum futurus erat pater accipere, si vivisset.* Vides, haec germanorum filios ad successionem  
vocari eo dumtaxat casu, vbi defunctus cum adscen-  
dentium aliquo fratres superstitis reliquerit. Leges  
autem, quae corrigunt, a specie expressa ad omis-  
sam produci non posse, res nota dupondiis.

( CXXIII )

non producendum est. Ius namque repræsentationis in collateralibus ultra fratrum filios non extenditur.

§. XIX. Iam magnis animis ab interpretibus disputatum est, num patre, matreque deficientibus, ceteri adscendentes superstitibus cum fratribus germanis ad successionem admittendi, an omnino ab iis excludendi sint. Iacobus Beluifius, Schottanus, eosque sequuta magna iurisperitorum cohors pro germanis acerrime contendunt. Eorum præcipua argumenta huc redunt. (I) Imperator in *novell. CXVIII.* fratres ac sorores germanos cum *proximis gradu adscendentibus* vocari iussit; proximi vero gradus adscendentes pater ac mater sunt. Mentio namque proximorum gradu superflua esset, si non per gradu proximis pater ac mater intelligerentur, quum si id imperator de omnibus indiscriminatim adscendentibus intelligi voluisset, cum fratribus adscendentes succedere generatim dixisset. (II) Quoniam inter adscendentes nullum datur ius repræsentationis, fieri nequit, ut avus ceterique ulteriores adscendentes succedant cum fratribus ac sororibus, qui cum patre vel matre superstitibus, ceteris adscendentibus exclusis, admittuntur. (III) Quum hereditas secundum varias adscendentium ac fratrum personas diuidenda foret, sequeretur, ut ulteriores adscendentes, ob patris matrisque deficientiam, plus quam ipse pater ac mater fratribus nocituri essent: quod tamquam absurdum traducit clarissimus Voë: in *exposit. iur. novis. de success. ab intest. tit. D. ad sc.*

( CXXIV )

*senatus. Tertyl. adiecta.* Finge enim in vtraque linea paterna & materna auum & auiam superstites exstare, itemque duos fratres: hac in specie diuidenda est hereditas in sex partes, quarum duas tantum fratres accipient; dimidium autem hereditatis caperent, si cum patre ac matre succederent. (IV) Tandem textum vident in ipsa *noyel. CXVIII. cap. 3.*, vbi Iustinianus ad successionem vocat primum *fratres & sorores ex eodem patre & eadem matre natos*, quos etiam, subdit, *cum patribus ad hereditatem vocauimus*. Haec ferme sunt eorum potissima argumenta. Sed ii profecto Ioue non iudicant aequo. Fratres enim sororesque cum adscendentibus patre matreque vltioribus succedere tam certum est, quam certissimum: quippe in *els. noyel.* de omnibus generatim adscendentibus sermo instituitur. Si vero (sunt constitutionis verba) cum *ADSCENDENTIBUS* inueniantur *fratres aut sorores ex utrisque parentibus coniuncti defuncto*, eum *proximis gradu adscendentibus* vocabuntur.

§. XX. Allata in contrarium argumenta non obstant: Et primo quidem verba *cum proximis gradu adscendentibus* patrem ac matrem tantum cum fratribus esse vocandos non probant, sed proximiorum gradu adscendentem remotiorem excludere, nam proximus gradu est is, quem nemo antecedit, *L. 34. §. 1. D. de vulgar. & pupillar. subtit.*; *L. 1. §. 7. D. unde cognati, L. 92. D. de verbos. signific.* Porro tantum abest, ut dictum cum *proximis gradu adscendentibus* ostenderetur, si non proximorum gradu adscendentium appellatione

tione pater ac mater venirent, ut potius hec  
 si patrem ac matrem intelligere voluisset impe-  
 rator, fuisset illud procul dubio reponendum *si*  
*cum adscendentibus primi gradus*: quippe adscen-  
 dentes primi gradus solus, pater ac mater intel-  
 liguntur. Ex eo vero, quod secundo loco ad-  
 versantes obtrudunt, nullum eorum sententiae  
 robor accedit: Nihil enim vetat, quominus di-  
 catur, patre vel ayo deficiente, avus vel pro-  
 avus, quum eo ratu sit adscendens proximior  
 gradu, idem iuris habere ex propria persona, ac  
 sine ulla repraesentatione, quod pater vel avus  
 habuit, sicque a fratribus haud excludi posse.  
 Confer Fachineum *controversiar. lib. VI. cap. 6.*  
 Tertium deinde argumentum ineptissimum est.  
 Etenim verum est, quod si hereditas secundum  
 adscendentium & fratrum numerum partienda  
 foret, sequeretur, ut adscendentes patre ac ma-  
 tre superiores plus, quam pater ipse ac mater,  
 fratribus essent nocituri. Quid inde? Iurens  
 ignotum remotiores concursu suo ejusdem, non  
 alterius lineae concurrentibus officere? Profecto  
 quamvis id in ordine adscendentium observari  
 comperiat, non ideo tamen sequitur, ut idem  
 ius sit in adscendentium ordine servandum; di-  
 versa enim successione descendendum, diversa  
 adscendentium ratio est, nec utraque successio  
 vno eodemque iure censetur. Tandem nullum  
 facessit negotium *textus novel. CXVIII. cap. 3.*  
 Imperator hic ait, se germanos fratres ad  
 successorem cum patribus vocasse: Ex hoc au-  
 tem erit qui poterit, Iustinianum fratres adscen-  
 den-

dentibus patre superioribus praetulisse? Equidem verum est, imperatorem fratres cum patribus ad praedefuncti fratris successionem vocasse. Sed non ideo falsum, ceteros cum iis ascendentes succedere. Porro etsi quid allatus textus ex adversa parte conficere videretur, ex eo nouissimi iuris de hac re sententiam eruere recta ratio non patitur, quum ipsa ex illis quidem locis, ubi res ex professo pertractatur, non in quibus eius rei obiter mentio instituitur, deprehendenda sit. Ex *cap. vero 2. nouel. CXVIII.*, ubi fuse de fratrum cum parentibus concurrentium successionem agitur, parentes patre superiores a fratribus excludi non euincitur, quinimmo ex illo contrarium omnino liquet. Vide Huberum *ad lib. III. Instit. de success. ab intest. ex nouel. CXVIII. §. X.*

§. XXI. Parentes ita liberis ex iusto matrimonio quaelitis succedunt. Postremo agendum de successionem parentum in bona liberorum extra nuptias susceptorum. Quandoquidem nouissimo iure successionem ordinarie reciprocari compertissimum est; hinc parentes liberis ex concubitu editis, quos postea inter legitimos adsciscerunt, eodem, quo ipsi, modo succedunt. Et quoniam legitimati per subsequens matrimonium non tantum patri, sed & ceteris adscendentibus legitimi fiunt, eisque succedunt; hinc adscendentes siue primi siue vltioris gradus ad eorum successionem arcessiri nullus dubito. Inde quoque fit, vt quoniam legitimati per oblationem curiae sint patri tantum legitimi, atque ad



## ( CXXVII )

ad eius tantum successionem veniant; *novell. LXXXIX. cap. 4.*, pater dumtaxat, non ulteriores adscendentes, eis succedat. Quod si legitimati fuerint per principis rescriptum, adscendentes omnes servata gradus prerogativa *indiscriminatim* ad legitimatorum hereditatem vocabuntur: aio *indiscriminatim*, quia distinctiones illae, quae admittuntur in iis, qui hac ratione inter iustos liberos sunt adsciti, quasque praecedenti capite exposuimus, in successione parentum locum non inveniunt. Quid de parentibus adoptivis? Pater adoptivus ab hereditate filiorum, qui in eius potestatem transferunt, vtrique vocatur, non etiam is, qui filios in potestate non habet. Qua de re quum adoptati in familiam ac potestatem patris tantum non extranei transeant, *L. penult. C. de adoptionib.*, adoptivorum successionem vix pater non extraneus obtinebit; ideoque pater extraneus, itemque mater, cui adoptare aliquando permittitur, ad solatium scilicet filiorum amissorum, §. 10. *Instit. de adoptionib.*, non succedent, quamvis alias filii adoptivi eis ab intestato succedant: quippe a ratione alienum videtur, adoptivum patrem, ac matrem meri civilis actus obtentu vocari ad successionem, quae vix ipso naturali patri non aliam ob causam deferatur, nisi miserationis ergo. Adrogator filiis tantum puberibus succedit, non impuberibus, ceu liquet ex §. 3. *Instit. eod.*. Itidem quemadmodum filii ex concubina suscepti patri succedunt in duas tantum hereditatis vncias, iustis liberis, & iusta vxore non super-

stitis

( CXXVIII: )

fratribus; sic etiam pater naturalibus filiis tunc succedet, quum ipsi iustis liberis & vxore careant (\*), alioqui alimonia tantum boni viri arbitratu aestimanda petent. Ait enim Iustinianus in nouell. LXXXIX. cap. 13.: *In quibus autem casibus naturales filios vocauimus ad successionem, in iis quoque & ipsi decentem naturalibus patribus deuotionem seruent: eademque mensura, sicut parentes prospiciunt naturalibus filiis secundum nostram legem, & ipsi paucis compensent suae in successione sine in alimentis. Matrem vero filio naturali, cui iusti liberi desint, succedere non ambigitur: quinimmo fratres ex eodem concubitu prognatos ab ea penitus excludi arbitror. Quum enim naturales iure adgnationis in patris familia destituantur, quum id iuris proprium sit eorum, qui ex iustis nuptiis manant, hinc naturales fratres iure consanguinitatis, quae est species adgnationis, erunt expertes; ac proinde inter se non nisi uterini videri possunt; uterinis vero fratribus iure nouissimo matrem praeponi constat. Quoad spurios, sola mater maternique adscendentes eis succedunt; pater, quum*  
inccr-

---

(\*) Nonnulli, inter quos est Matthesianus tract. de successione membr. II. num. 89. docent, eo casu patri duas filii hereditatis uncias deberi, si alios ex iustis nuptiis filios vel vxorem ipse pater habuerit: atque ita naturalium liberorum & parentum successionem reciprocari contendunt. Male. Recte dixeris, patrem in sextantem succedere filiis naturalibus, quibus quidem sint liberi iusti, vel vxor & atque successionem hanc ita reciprocari.

incertus sit, vel si certus, ille est, quem habere non licet, excludetur. Quod si mater sit illustris, & ingenua, quemadmodum eo casu spurii a materna successione repelluntur, si mater iustos filios habuerit, sic vicissim & ipsa ad horum hereditatem non admittetur, si eis itidem iusti filii non defuerint, quum successio reciproca ut plurimum sit (\*). Ex damnato tandem coitu suscepti quemadmodum ex parentum hereditate ne alimonia quidem petere possunt, *novell. LXXXIX. cap. 15.*; sic quoque iure merito parentibus non modo successio, sed & alimenta ex eorum bonis deneganda sunt. At quum aequitate canonica istiusmodi filiis alimenta decernantur, sic parentes, si egeant, aequitate pietateque suadente (\*\*), a filiis sunt alendi.

(\*) *Matheſianus tra. t. de ſucceſſionib. ars. II. membr. 1. §. 4.*, putat, matrem illustrem ſemper ſpuriis ſuccedere, quamvis ipſi ſpurii non ſuccedant tali matri, ſi ei iuſti filii ſint, rati, id favore filiorum ex iuſtis nuptiis editorum fuiſſe ſtatutum: nam ex ſucceſſione matris in ſpuriorum bona certe iuſtorum filiorum manat utilitas. At a ſucceſſione matris illuſtris & ingenuae, cui iuſti filii ſint, ſpurios repelli, non ob allatam Matheſiani rationem, ſed quia in mulieribus illuſtribus & ingenuis, quibus caſtitatis obſervatio praecipuum debitum eſt, nominari ſpurios ſatis acerbum, ſatisque iniurioſum ſit, ſponſor ipſe Iuſtinianus eſt in *L. 5. C. ad ſenatuſc. Tertyll.*

(\*\*) Pietas illa humano pectore naturaliter inſculpta requirit, ut quemadmodum liberi a parentibus, ſic viciffim & ipſi parentes inopes a liberis ali debeant.

Hinc

## C A P V T V.

*De legitima collateralium successione.*

§. I. **S**I nec liberi, neque adscendentes defuncto superessent, ad successionem *collaterales* tandem, quod aiunt, siue ex latere coniunctos vocat imperator in *nouell. CXVIII. cap. 3.*, ubi tot veteris, nouique iuris in Digestis & Codice contenti ambages vna veluti litura sustulit. Iure XII. tabularum post suos heredes agnati proximi, hisque deficientibus, gentiles tandem vocabantur. Lex ait: *Adgnatus proximus familiam habeto: si adgnatus nec escit, gentilis familiam heres nancitor.* Adgnati sunt cognati per virilis sexus personam cognatione iuncti, quasi a patre connati, §. 1. *Instit. de legitim. adgnator. success.*, siue id vinculum naturale sit, siue civile, puta adoptiuum, ex quo etiam fluunt adgnationis iura. Hac autem definitione quamuis sui

---

Hinc Cicero ad *Attic. lib. IX. ep. 9.* parentes non alere nefarium esse dixit. Et auctor declamationum declamat. V.: Parentibus, liberi, non praestatis alimenta, sed redditus: quanto dii, deaeque! breuiora, quanto minora pro tot infantiae, tot puertitiae sumptibus tam variis vel abstinentissimae iuuentutis impendis? Iure Iuliano liberi obligatione aduinciuntur ad alimenta inopibus parentibus praestanda; L. 5. §. 16. D. de agnoscend. & alend. liber., L. 8. §. 5. C. de bon. quae liber.

( CXXXI )

fui heredes comprehendantur, quoniam filius patri proximus adgnatus est, *L. 12. D. de suis & legitim.*, tamen nomine adgnatorum proprie veniunt ex latere iuncti. Sic frater meus, qui eodem, ac ipse, patre genitus est, adgnatus mihi est: itemque patruus, & fratris filius inter se inuicem sunt adgnati: quo numero sunt quoque fratres patruales, hoc est duobus ex fratribus procreati, ceterique exinde orti in infinitum, *cit. §. 1. Instit.* Ergo quotquot sunt ex eadem familia inter se adgnati esse dicuntur. Gentiles vero dicebantur omnes eiusdem nominis (\*), eiusdemque gentis, quae pluribus familiis constabat. Festus: *Gentilis dicitur & ex eodem genere ortus, & is, qui simili nomine appellatur, ut ait Cincius: gentiles mihi sunt, qui meo nomine appellantur (\*\*).* Lex igitur decemuiralis e domo ad familiam, e familia ad gentem processit,

I 2

cessit,

---

(\*) Nomen proprie erat vniuersae gentis appellatio. Romani enim tribus ferme nominibus utebantur. Ex his primum denotabat peculiare familiarum personas, & *praenomen* dicebatur; secundum vniuersae genti commune erat, & *nomen* audiebat; tertium vnam ex gente familiam designabat, & *cognomen* vocabatur.

(\*\*) Ita gens Cornelia familias *Scipionum, Lentulorum, Sullarum, Cinnarum, Cossorum, Delabellarum* complectebatur. Omnes Scipiones, itemque Lentuli, alique ex aliis gentis Corneliae familiis, adgnati erant, quia ex eadem familia. Sed quisque Scipionum cum Lentulis, Sullis, ceterisque, vinculo tantum gentilitatis necessebatur.

( CXXXII )

effit, quo bona in ipsa gente conseruarentur ob communem reipublicae vtilitatem, ne familiae scilicet ad egestatem perducerentur. Etli verò gentes permultae, non secus ac Romani, in successioneibus ab intestato deferendis familiarum conseruationi studuerint, vnaquaeque tamen peculiarem succedendi formam sequuta est: cuius rei facile reddideris rationem, quoniam aliae familiarum conseruationi strictius haeserunt, aliae largius.

§. II. Iure decemuirali adgnati nullo sexus discrimine ad successionem vocati sunt. *Lex XII. tabularum*, ait Paullus *sententiar. lib. IV. tit. 8.*, *nulla discretionem sexus adgnatos (\*) admittit*. Postea placuit, vt feminae adgnatae ad successionem admittèrentur, si sorores essent, non vero si vltioris gradus: quod ias non aliam fortasse ob causam introductum est, nisi vt, quoad fieri posset, hereditates ad mares, qui familiarum fulcra sunt, & per quos familiae sustentur, confluerent. Id autem iuris Tribonianus §. 3. *Instit. de legitim. adgnator. success. mediae iurisprudentiae* addixit, qua dictione cum intellexisse leges, quae post XII. tabulas latae sunt, praesertim legem Voconiam, opinantur viri in iurisprudentia emeritissimi Cuiacius & Ho-

---

(\*) In hoc Paulli loco omnino legendum est *adgnatos*, non *cognatos*, vt vulgata lectio mendose habet. Constat enim iure decemuirali post suos heredes adgnatos & gentiles successisse, cognatis exclusis, qui praetoria tantum indulgentia vocati sunt.

( CXXXIII )

& Hotomanus (\*). Sed huic opinioni duarum maxime aduersantur. Primum est, quod lex Voconia iam priscis temporibus exoleuerat, teste Gellio *lib. XX. cap. 1.* Ius autem, quod media iurisprudencia introductum esse fertur, Paulli & Vlpiani aeuo maxime vigeat, Paulus *cir. loco*, Vlpianus *fragmentor. tit. XXVI. §. 6.*; quin in viridi fuit obseruantia ad tempora vsque Iustiniani. Alterum est, quod lex Voconia sanxerat, ne mulier, ac ne vnica quidem filia, heres institui posset, aut ab intestato succederet,

I 3

ret,

(\*) Duumuiros istos procul dubio transuersos egit locus Paulli *lib. IV. sententiar. tit. 8. §. 22. Feminae*, inquit Paullus, *ad hereditates legitimas ultra consanguineas successiones non admittuntur*: idque iure ciuili, vel Voconia rogatione, videtur effectum: vbi verbis Voconia rogatione legem Voconiam significari opinatur. Sed vulgata Paulli lectio in mendo cubat. Nam, praeterquam quod particula *vel* expungi omnino debet, ceu ex quibusdam antiquis codicibus eruitur, in quibus ea particula deest, teste ipso Cuiacio, pro verbis Voconia rogatione reponendum est Voconia ratione, ut ita legatur iure ciuili Voconia ratione: cuius lectio ita proficit apud *pariatior leg. Mosaisar. et Romanar. tit. XVI. §. 3.* Atque sic Paulli sententia est, feminas ultra consanguineas a successione excludas fuisse iure ciuili Voconia ratione, hoc est prudentum interpretatione ex legis Voconiae ratione, ne feminae opibus auctae detrimentum in rempublicam inferrent. Et quamuis lex Voconia in usu esse desisset, tamen quia ratio, qua feminas ad successionem admitti prohibita est, alicuius ponderis prudentibus est visa, placuit his, eam legem, quoad feminas saltem ultra consanguineas, in usum euocare.

( CXXXIV )

ret, ceu Iacobus Perizonius *dissert. de lege Vocon.* abunde demonstraui. Ergo quod de feminis ultra consanguineas dicitur nullo pacto ad legem Voconiam referri poterit. Nam quum lex Voconia feminas omnes a successione exclusisset, ius, quod mediae iurisprudentiae adpinxit Tribonianus, omnino diuersum ab ipsa lege Voconia esse debet. Satius itaque erit opinari, hoc ius, quod mediae iurisprudentiae adscribitur, inuectum esse *iure ciuili*, vt Paullus *cit. loco* habet, hoc est prudentum interpretatione, quae viris ciuili sapientiae additis ita passim adpellari solet, *L. 1. §. 5. D. de origine iuris*. Scilicet quum lex Voconia, quae feminas omnino a successione remotum iuerat, in desuetudinem abiisset, prudentes ex illius legis ratione, quae feminas opibus augeri non patiebatur, earum saltem successionem intra consanguinearum gradum coërcere e re fore publica duxerunt. Confer Schultingium ad *Paull. sententiar. lib. IV. tit. 8. §. 3.* At primus imperator Iustinianus seminarum impense fautor, suasionem fortasse Theodoraе vxoris, quam in consilium adhibere solitus fuit, vt ipsemet testatur in *novell. VIII. cap. 1.*, ius XII. tabularum de seminarum successione restituit, cauitque, vt omnes feminae adgnatae cum maribus indiscriminatim vocarentur, *L. penult. C. de legitim. heredib.* Vltcrius autem imperator processit; non enim feminis dantaxat fauere in deliciis habuit, sed earum quoque filiis prospicere. Nam in *cit. L. penult.* vnum in adgnatorum ordinem cognationis gradum transfudit,



tulit, statuitque, ut sororis consanguineae, veterinaeque filii, qui cognati sunt, ad auunculi successionem cum fratris filiis, si haud alii fratres sororesue defuncto superstites exstarent, concurrerent.

§. III. Gentilium successiones lapsu temporis ab usu tandem receperunt. Quum illarum adhuc meminerit Cicero *de orat. lib. I. cap. 38.*, ac de Caesare retulerit Suetonius, eum a Sulla & uxoris dote, & gentilitiis hereditatibus multatum; procul dubio colligitur, Ciceronis & Caesaris aetate gentilitias haece successiones nondum defuuisse. Sed Ulpianus *fragmentor. tit. XXVI. §. 1.*, & Gaius apud *pariat. leg. Moisaicar. & Romanar. tit. XVI. §. 2.* sua iam aetate defuuisse testantur; ac defuere fortasse, quia pleraeque gentium vel defecerant, vel erant cum plebeis confusae, ut Contius *not. ad tit. Instit. de success. cognator.* obseruat. Gentilitiis vero successionibus defunctis ad hereditates post adgnatos cognati vocari coeperunt, hoc est illi, qui *per feminam sexus personas* defuncto iunguntur (\*). Verum cognati non aliqua lege,

• I 4 •

---

(\*) *Cognatorum* nomen generale est; Omnes enim, qui solo iure sanguinis, vel sanguinis simul & familiae iure, vel solo familiae deuiuncuntur, cognati sunt inter se. Ergo & adgnati hoc nomine veniunt. Sed cognati quando opponuntur adgnatis, restringuntur ad eos, qui per feminas, ac solo sanguine copulantur, *L. 4. §. 2., L. ult. §. 1. & 2. D. de gradib. & affinit.*, more iuriconsultis quidem usitato, apud quos nomen generis speciei aptari solet quam saepissime.

( CXXXVI )

vel senatusconsulto, sed praetoris dumtaxat beneficio vocati sunt (\*). Naturali namque rationi consonum praetori visum est, ut, quum bona in familia conferuari non possent, ad reliquos sanguine iunctos deuoluerentur. Cognati ergo bonorum possessores erant, proprie heredes dici non poterant, quum heres lege fieri dicatur, non praetoris beneficio, qui merus erat magistratus, legumque seruator, non sanctior. Porro tamquam cognati vocabantur adgnati minimam capitis deminutionem passi; nam maxima, aut media capitis deminutione omne successionis ius adimebatur, *L. 1. C. de heredib. instituend.* Eiufmodi erant emancipati, & qui ex his alteri se in adrogationem dedissent, itemque liberi in adoptionem alteri dati. Emancipati quemadmodum ius adgnationis, ita quoque ius legitimae hereditatis amittebant. Vnde praetor non tamquam legitimos ad bonorum possessionem eos vocabat, sed veluti cognatos ex ea edicti parte, qua cognatis bonorum possessionem deferre pollicitus est. Anastasii postea constitutio, quae in §. 1. *Instit. de success. cognator.*, *L. ult. C. de legitim. heredib.*, ac alibi fortasse, memoratur, & quam frustra in Codice repetitae praelectionis quaesueris, fratribus ac sororibus emancipatis concessit, ut cum fratribus ac sororibus integri iuris succederent, ita tamen, ut fra-

---

(\*) Hinc bonorum possessio *vnde cognati*, qua cognati vocantur, *nudam indulgentiam praetoris habere* dicitur in *L. 1. D. vnde cognati*.

( CXXXVII )

fratres sororesque integri iuris duplo plus cape-  
rent, quam illi; soli autem exstantes omnibus  
adgnatis praeferrentur, *cis. §. 1. Instit. de succefs.  
cognator.*, ibique Theophilus. Tandemque Iusti-  
nianus eos sine vlla partis deminutione aequè  
cum fratribus, ac sororibus integri iuris succe-  
dere iussit in *cis. L. ult. C. de legitim. hereditib.*  
Liberi etiam in adoptionem ab naturali patre  
alteri dati, quousque in adoptiva familia per-  
mansissent, ad naturalis patris successionem non-  
nisi tertio demum loco inter cognatos veniebant,  
*§. 3. Instit. de succefs. cognator.* Nam quamvis  
ipsi in naturalis patris familia iura omnia ado-  
ptione amisissent, ius tamen cognationis & san-  
guinis, quod nullo iure civili dirimi potest,  
saluum eis erat, *L. 1. §. 4. D. unde cognati,  
L. 8. D. de reg. iur.*

§. IV. Hae vices successionis ex latere con-  
iunctorum defuncto inde usque a XII. tabulis  
ad Iustiniani *novellam CXVIII.*, quâ ius hoc  
multiplex, ac ita sane implicatum sublatum est,  
in eiusque locum aliud ius longe planius, ac  
ad simplicitatem exactius reductum. Iustinianus  
enim in *cis. novell.* quum omnium liberorum;  
omniumque parentum successionem sat iuris an-  
tiqui tricis involutam, vnam eandemque red-  
disisset, in omnibus ferme coniectura humanae  
voluntatis adscita; quod reliquum erat, coniun-  
cti quoque ex latere ex eadem hominum vo-  
luntatis coniectura, vna ac simplici humanae  
rationis regula, ad successionem vocandi erant.  
Quum vero quisque propinquos tam ex parte  
patris,

( CXXXVIII )

patris, quam matris peraeque soleat diligere; sicque post obitum utroque sibi successores optasse praelumatur; hinc imperator non sexus modo discrimen, quod media iurisprudencia inuexerat, sustulisse contentus, in hac constitutione ulterius procedens adgnatos cognatis exaequavit in successione: atque ita coniuncti ex latere hodie non tantum siue mares sint siue feminae, sed & siue adgnati siue cognati ad intestatam successionem admittuntur indiscriminatim. Nec vero amplius cognati, & qui cognatorum loco sunt, pro bonorum possessoribus, sed pro legitimis heredibus habentur. Vnus enim praetor bonorum possessorum facit, lex vero, senatusconsultum, aut constitutio principis, heredes.

§. V. Coniunctorum vero ex latere tres veluti ordines imperator constituit, quorum in primo sunt fratres ac sorores utrimque coniuncti defuncto, in altero fratres coniuncti ex vno latere, in tertio dentum ceteri deinceps. Propinquis omnibus ex transuerso potiores sunt fratres utrimque defuncto coniuncti, hoc est tam per patrem, quam per matrem, qui a Latinis vocari videntur *germani* (\*), Graecis vero *αυταδελφοι αυτακσιγγητοι*,  
ii que

---

(\*) Germani ita adpellantur a *germine*, quod Festus scribit: *Germen est, quod ex arborum surculis nascitur; unde & germani, quasi eadem stirpe geniti*. Hinc & *arbores germinales* apud Paullum in *L. 7. §. 12. D. soluto matrimonio*, ut ibi legendum. Atque hac attenta verbi etymologia fratres & sorores

iique ad successionem primi vocantur, fratribus ex vno latere coniunctis, hoc est vel consanguineis vel vterinis, ceterisque prorsus exclusis. Quippe quum erga germanos fratres ac sorores ob duplex vinculum maiorem benevolentiam defunctum fovisse praesumatur; iure merito isti fratribus ac sororibus vno ex latere coniunctis, ceterisque omnibus praeferruntur. Germanorum itidem filii alios omnes excludunt iure repraesentationis, quod imperatori ad obliquam quoque lineam producere placuit, quum id in linea tantum descendendum obtinuisset olim. Nam antiquitus in linea tantum descendendum, & quidem inter eos, qui sui heredes essent, locus repraesentationi dabatur. In obliqua linea haud ita erat. Atque ita defuncto fratre, soli fratres superstites  
ad

---

res ex vno tantum patre orti germani etiam possint adpellari. Reapse Theophilus ad §. 3. *Instit. de legitimat. success.* sororem ex eodem tantum patre natam germanam vocat. Vulgo tamen contenditur, germanos ita dici eos, qui utrumque parentem communem habent: quod probant ex Terentio in *Andr. act. I. sc. 5. v. 57.*, & in *Adelph. act. II. sc. 4. v. 5.*; magis vero probatur ex Cicrone pro *Milone cap. 27.* *Clodius cum sorore germana nefarium stuprum facit*: ubi sororem germanam dici videtur ad augendam delicti gravitatem, quum is, qui cum sorore ex utroque parente coniuncta rem habet, grandius sane peccatum admittat, quam qui cum sorore vel ex patre tantum, vel matre cognata coit. Sed, quidquid de vera germani significatione sit, iamdiu visus iuris invaluit apud interpretes, ut germani ii intelligerentur, qui essent ex utroque parente.

ad hereditatem vocabantur, non item praemortuorum fratrum filii (\*). At Iustinianus ius repraesentationis, ac proinde successionem in stirpes (\*\*), ad fratrum germanorum filios porrexit,

---

(\*) Quum ex lege decemvirali adgnatus proximior, excluso penitus remotiori, succederet, demortui fratris filii a superstite fratre utpote proximiori excluderentur: quod & disertis verbis tradit Gaius *instit. lib. II. tit. 8. §. 6. Si quis moriens dimittat germanum, & ex altero germano filios; germanus frater, quia gradu proximior est, solus succedit, fratris filii non succedunt.*

(\*\*) Franciscus Hotomanus *illustr. quaest. IV. & quaest. XIV.* docet, non ideo inter filios fratrum hereditatem esse in stirpes diuidendam, quia ad eos ius repraesentationis productum sit: quippe, ait, successio in stirpes locum habet, quum iis hereditas deferretur, qui ex defuncti stirpe, hoc est sobole ac progenie sunt, puta quum aui hereditas deferretur nepotibus vel pronepotibus. Atque ideo, subdit, in stirpes & ex stirpibus succedere idem est. Quumque filii fratrum ex stirpe ac progenie defuncti fratris non sint; inde colligit, hereditatem inter eos in stirpes partiri absurdum esse. Profecto sententia haec, quae apertam iuris auctoritatem subvertit, tantum virum omnino dedecet. Nam inter eos, qui iure repraesentationis succedunt, hereditatis divisionem in stirpes fieri debere vel ei, qui summi labiis iurisprudentiam degustarit, notum est. Repraesentatio idem est, ac in parentis locum ingressio; ideoque filii patrem repraesentando non aliam hereditatis portionem ferre possunt, quam quae patri suo contigisset: quod est succedere in stirpes. Porro absurdum non est, filios fratrum patrem repraesentando in stirpes, siue ex eius

( CXLI )

xit, qui tamen, ne omnino iuris antiqui maiestas neglecta videretur, ultra fratrum filios repraesentationem extendi vetuit. Is enim in *novell. CXVIII. cap. 3.* aperte habet, se privilegium huiusmodi (repraesentationis) in hoc ordine cognationis (ex transverso) solis praebere fratrum masculorum ac feminarum filiis, ac filiabus, ut in suorum parentum iura succedant, nec ulli alii omnino personae ex hoc ordine venienti hoc ius largiri. Filiis tantum privilegium hoc impertiuit Iustinianus; filiorum vero adpellatione nepotes, ceterique descendentes non comprehenduntur, §. *ult. Instit. qui testam. tutor. dari poss.* Quia vero germani, germanaeque, eorumque filii, fratres vel consanguineos vel vterinos excludunt, inde fit, ut in successione coniunctorum ex latere etiamnum adgnatus adgnato potior esse possit, & adgnatus cognato. Sic frater germanus fratrem consanguineum excludit, & tamen ambo sunt adgnati. Sic etiam germanus frater excludit fratrem vterinum: ille adgnatus est, hic cognatus. Fit quoque, ut par parem, immo remotior proximior excludat. Nam frater germanus fratrem vel consanguineum, vel

vet-

---

eius stirpe, patruo succedere. Quum enim repraesentatio, ac ideo in stirpes successio, quae suorum heredum olim propria erat, imperatoris constitutionibus ad omnes cuiusque generis liberos producta foret; nihil profecto vetat, quominus eandem in stirpes hereditatis divisionem princeps ad filios fratrum protrahat: quod ab nostro imperatore praestitum.

utrumque repellit, qui omnes a defuncto aequè distant. Item germani praemortui filius fratri ac sorori defuncto itidem ex vno latere coniuncto, hoc est suo patruo vel amita, auunculo vel matertera (\*) praefertur, qui tamen propius a defuncto absunt.

§. VI. Discrimen iam vides inter ius, quod nouissime Iustinianus introduxit, & id quod ante obtinuit, intercedens. Nam agnati eodem a defuncto gradu distantes aequè succedebant, siue alter succedentium ex vno tantum latere, alter ex ambobus lateribus defuncto iungeretur, siue ex ambobus vterque. Qui enim ex eodem patre, eademque matre, quique sunt ex vno tantum patre orti, aequè agnati sunt inter se, *L. 2. §. 1. D. de suis & legitimis*: non secus ac qui ex eadem matre, eodemque patre, iique, quibus vna mater communis est, aequè cognati sunt. Hinc patet, fratrem germanum haud exclusisse fratrem per patrem coniunctum tantum, sed vtrumque fuisse ad hereditatem vocatum (\*\*).

Quod

---

(\*) Patruus Latinis dicitur frater patris, amita patris soror; auunculus vero illis est frater matris, vti matertera matris soror. Patruus aequè ac auunculus Graece vocatur *Onos*; amita aequè atque matertera *Onia*. In antiqua & vulgata nouellae CXVIII. versione Graecum vocabulum breuitatis causa, Latina tamen inflexione, vsurpatur.

(\*\*) Constitutione tamen imperatorum Leonis & Anthemii in *L. 4. C. de bon. quae liber. in bonis ex matrimonio filiofamilias quaesitis*, ac Iustiniani con-

stituta-



( CXLIH )

Quod vero iure nouissimo viget, fratrem germanum excludere fratrem vterinum, id & antiquitus obtinebat. Hæc enim quia cognatus in ordine cognatorum vocabatur. Præterea numquam par parem excludebat, nisi quod germanus & frater coniunctus ex parte tantum patris, quia adgnati, fratri ex parte matris coniuncto præferebantur. Tandem quum iure veteri germani, ac consanguinei filius vterinum defuncti fratrem, vt & adgnati cognatos vel proximiores omnes, exclusisset, hoc casu potissimum dici potest, fuisse antiquitus proximiorum a remotiori exclusum, ac nouissimum ab iure veteri in eo diuersti, quia ex illo vnus germani filius potior vterino fratre sit.

§. VII. Quamuis autem filii fratrum cum patruis & auunculis vtroque ex latere coniunctis defuncto iure repræsentationis in stirpes vocentur, tamen si filii ex diuersis prædefunctis germanis fratribus orti soli exstent, in capitaneæ stirpes succedere debeant, disputant hinc inde interpretes. Quæstio hæc inter Accursium & Azonem acriter olim exarsit. Accursius in stirpes, Azo vero in capita eos vocandos existimauit. Vtraque sententia multos habuit propugnatores. Azonem sequuti sunt Odofredus, Albericus, Castrensis, alique; Accursii autem opinionem, præ ceteris, Ioannes Andreas, &

Bar-

stitutione in *L. 6. §. 1. pr. C. eod. in filiis familias bonis aduentitiis omnibus, germani fratres consanguineis euaserunt potiores, vt in bonis itidem maternis emancipati fratris eiusdem Iustiniani constitutione in *L. 13. C. de legitim. heredib.**

( CXLIV )

Bartolus amplexi sunt. Labentibus annis disputandi aestus nec deferuit, ac aliis Accursio, aliis Azoni placuit adstipulari. Nonnulli porro ingeniosae indolis iuriconsulti medios inter utramque lententiam se praebuerunt, veterum illorum iuriconsultorum, quos Cuiacius *eriscundos* adpellat, vestigia prementes. Isti opinati sunt, germanorum filios, si ad exclusionem aliorum vocentur, puta *Senon* qui ex vno latere coniuncti sunt, in stirpes vocandos esse, in capita vero, si nulli *Senon*, ne ex vno quidem latere coniuncti supersint. At Azonis lententia verissima est, & plerisque probatur iuriconsultis: quae non solum vbique plurimis rerum iudicatarum exemplis, sed ab ipso etiam Carolo V. comitiis Spiraë habitis anno Chr. MDXXIX. confirmata est, teste Gudelino *de iure nouiss. lib. II. cap. 15.* Sane quum olim ius repraesentationis in obliqua linea ignotum esset, fratrum praemortuorum filii a fratribus defuncto superstiribus omnino excludebantur, *L. 2. D. de suis & legitim.* Atque hinc eos, si soli existissent, ex propria persona, proindeque in capita, non iure repraesentationis in stirpes, quod nullum erat in hoc cognationis ordine, vocari oportebat: prout de iure Anteiustiniano aperte liquet ex Gaio & Vlpiano (\*),  
deque

---

(\*) Item si moriatur quis, inquit Gaius *instit. lib. II. tit. 8. §. 6.*, & de duobus germanis fratribus dimittat filios dumtaxat masculos, ex vno fratre dimiserit duos, &

( CXLV )

deque ipso Iustiniano iure ex *L. penult. in fin. C. de legitim. heredib.*: quod nouellis constitutionibus nulkam mutatum est. Nam Iustinianus in *nouell. CXVIII. cap. 3.* ius repraesentationis in obliqua linea ad fratrum filios produxit, si cum defuncti fratribus successuri forent (\*). Nostra

K  
vero

---

ex aliis quatuor similiter masculos: omnes quidem fratrum filii patre suo intestato succedunt, sed non in stirpes, sed in capita. Et Vlpianus fragmentor. tit. XXVI. §. 4.: *Adgnatorum hereditates in capita diuiduntur: velut, si sit fratris filius, & alterius fratris duo, pluresue liberi; quosquos sunt ab utraque parte personae, tot fiunt portiones, ut singuli singulas capiant.*

(\*) Si filii fratrum praemortuorum cum aliis defuncti fratribus concurrant, in stirpes succedere omnino debent. Quo enim casu ii cum suis diuisc concurrunt, in stirpes succedant necesse est, alioqui penitus excludi deberent. Quippe quum sint fratribus gradu remotiores, ex propria persona, hoc est in capita, cum ipsis fratribus vocari nequeunt, quin suisque deque proximitas habeatur. Conueniens ergo omnino est, ne vlla fratribus iniuria inferri videretur, ut iure repraesentationis succedant: quo quidem iure ab Iustiniano vocantur. Nam quum ii, qui iure repraesentationis in stirpes ad successionem admittuntur, patrem repraesentando eam serant portionem, quam ipse pater habiturus fuisset; nulla fratribus iniuria poterit inferri, quum si in viuis ille esset, & ipse succederet. At vbi fratres defunt, filiique ex diuersis praedefunctis fratribus soli exstant, quum omnes pari gradu sint, repraesentatione non indigent, ex propriaque ad hereditatem persona venire possunt; ac ideo singuli aequas capient partes. Protritum in iure est, legem cessare, vbi ipsa legis ratio cessat.

vero quaestio eos solos exstare ponit; nullis defuncti fratribus superstitibus. Ergo quo casu filii fratrum soli exstant, nullum debet ius repraesentationis admitti; ac proinde neque successio in stirpes, quae semper ius repraesentationis comitatur; atque antiquum ius vigere debet, quo in capita illi vocantur; quum quidquid noua lege specialiter non videtur expressum, id veterum legum, constitutionumque regulis ab omnibus relictum debeat intelligi, *L. 32. §. ult. C. de adpellationib.* Praeterea ius ab Iustiniano nouissime certis in personis introductum, earum personarum finibus coercendum ac restringendum est; quia illud diserte *privilegium* vocat imperator, hoc est beneficium, quod extra personas, quibus concessum est, non egreditur, *L. 1. D. de constitutionib. princip.* Quumque is non simpliciter ac indefinite filiis fratrum concesserit, ut patres suos repraesentarent, sed illis dumtaxat, qui cum aliis defuncti fratribus concurrunt, fieri nullo pacto potest, ut constitutionis fines excedentes successionem in stirpes ad filios fratrum solos exstantes protendamus.

§. VIII. Nunc ad Accursii opinionem, eiusque propagatores animum conuertamus. Quum iure veteri filios fratrum solos exstantes in capita successisse certum sit; id Accursius, eiusque sectatores nouissimo iure mutatum esse variis tuerentur rationibus, quarum praecipuae hae sunt. (1) Inter eos, qui iure repraesentationis succedunt, hereditas in stirpes diuidenda est, quum non amplius ferre possint, quam is, cuius

ius

( CXLVII )

iur personam repræsentant . Quum ergo filii fratrum iure repræsentationis succedant, eos in stirpes succedere necesse est. (II) Quum nepotes suo in stirpes succedant siue cum patris suis, siue soli concurrant, quumque soli concurrentes pari omnes gradu sint, ex propriaque persona succedere possint, & tamen in stirpes ad sui bona vocentur; a veri specie alienum non est, vt protracta iure nouissimo ad filios fratrum repræsentatione, quod de nepotibus suo, idem de filiis fratrum suis *Stirpis* succedentibus dicatur. (III) Tandem duos textus *novell. CXVIII. cap. 3.* vrgent, quorum in altero dicitur, post fratres, & fratrum filios, reliquos cognatos non in stirpes sed in capita succedere: cuius sententiam hanc esse aiunt, vt quemadmodum reliqui cognati in capita semper, ita fratrum filii semper in stirpes succedant: in altero vero postquam imperator statuit, vt filii fratrum *Stirpis* ex vno latere coniunctis præferantur, subdit: *sicut eorum parens præponeretur, si viueret:* quibus ex verbis colligunt, fratrum filios, *sicut eorum parens*, hoc est per patris personam, ideoque iure repræsentationis, succedere.

§. IX. At hæc argumenta sane leuissima sunt. Quod enim primo obijciunt, suo veluti pondere corrui. Nam Iustinianus eo dumtaxat casu filios fratrum iure repræsentationis succedere iubet, quando vna cum *Stirpis* concurrunt: quippe eo casu quum ex propria persona succedere nequeant, quia defuncti fratribus gradu remotiores sunt, ne aliqua eis iniuria interri

videretur, ad repraesentationis ius confugere opus est, ut patrem repraesentando cum *Deiis* vocari possint. At ubi soli exstant superstites, quia eodem a defuncto gradu distant, & ex propria persona vocari possunt, repraesentationis ius plane superfluum euadit. Neque nepotum exemplum quidquam conficiet. Duae enim inter se diuersissimae species hae sunt, nepotes auo, & filios fratrum *Deiis* succedere. In altera specie, quia de descendentium successione agitur, numquam proximitas spectatur, §. 6. & *ult. Instit. de hereditatib. quae ab intest.*; in altera vero, quia de successione transversae cognationis, maxime attendenda est, *pr. Instit. de legitim. adgnator. success.*, & *pr. Instit. de success. cognator.*; utut nouissimo iure ad filiorum fratrum personas ius repraesentationis productum sit (\*). Praeterea ex productis nouellae textibus nihil inde in contrariam sententiam euinci poterit. Ex primo enim, ubi Iustinianus scribit, post fratres ad fratrum filios reliquos cognatos in capita succedere, non aliud sane ostendi poterit, nisi quod fra-

---

(\*) In linea descendentium proximitas nunquam spectatur, ob iuris principium illud, quo liberi viuo parente rerum paternarum quodammodo habentur domini, §. 2. *Instit. de hered. qualis. & differt.*, L. 41. §. 4. *D. de legat. 3.*, adeo ut non tam ad aliena, quam ad propria veluti bona vocari videantur. Sed inter coniunctos ex latere hoc veluti condominium non datur, nec alterius fratris bona ad alterum pertinere fratrem videri possunt, multoque minus, alterutro fratre defuncto, ad alterius praemortui fratris filios.

( CXLIX )

ratrum filij cum fratribus, qui defuncto sup-  
persunt, concurrentes, in stirpes succedant: quod  
vltro fatemur, & ab nostra disputatione, quae  
illos exstare solos ponit, omnino alienum  
est. Nam, id si de iis quoque fratrum filiis,  
qui soli succedunt, erui posset, hoc idem & de  
fratribus solis exstantibus dicendum esset, qui  
vno cum illis sermone comprehenduntur. Iuris au-  
tem nouissimi tam ignarum esse puto nemi-  
nem, cui persuasum sit, fratres, qui soli exstant,  
non in capita, vt reliqui cognati, sed in stir-  
pes succedere. Quum ergo de fratribus separa-  
tim succedentibus id nulla prorsus ratione ad-  
strui queat, quod de filiis fratrum itidem sepa-  
ratim succedentibus, quos imperator cum illis  
vna oratione complexus est, colligi id poterit.  
Vide Donellum *commentar. de iure civil. lib. IX.*  
*cap. 4. §. 18. & seqq.* Alter allatus textus longe  
minus obstat. Ratio enim praelationis filiorum  
fratrum non ex iure quidem repraelentationis, sed  
ex duplici vinculo, quo defuncto iunguntur,  
deducenda est. Idcirco quemadmodum ipse frater  
germanus consanguineis & vterinis, quamuis  
eodem a defuncto gradu distantibus, praelatus  
fuisset, non alia quidem de causa, nisi ob vin-  
culum, quo pollebat, duplex; sic etiam eius fi-  
lios eandem ob causam *Deuis*, qui duplici de-  
stituuntur vinculo, iubet imperator praeferrī.  
Atque haec est vera textus sententia. En inte-  
grī textus verba: *Vnde consequens, vt si for-*  
*is mortuus frater, cuius filii viuunt, per vtrum-*  
*que parentem tunc defunctae personae iungeba-*  
*tur;*

tur ; superstites autem fratres per patrem solum forsitan, aut per matrem ei iungebantur : praeposantur istius filii propriis tibiis, licet in tertia sint gradu, sicut eorum parens praeponeretur, si viveret : quae postrema verba si sedulo expendantur, apparebit, istius praelationis rationem haud esse ex iure repraesentationis repetendam, sed ex duplici vinculo, quo filii fratrum, sicut eorum parens, defuncto coniuncti sunt.

§. X. Quod quum ita sit, procul dubio concidet & altera sententia, quam amplexi sunt Cuiacius parat. *C. de legitim. hereditib.*, Fachinus contravers. *lib. VI. cap. 3.*, Vinnius *selektar. quaestion. lib. II. cap. 30.*, aliique, quae habet, fratrum filios tum in stirpes succedere quum ad exclusionem veniunt earum personarum, quae vno ex latere defuncto iunguntur, in capita vero, quando soli omnino exstant. Huius opinionis praesidium est, imperatorem ius repraesentationis germanorum fratrum filiis impertivisse, non modo quo cum germanis defuncti fratribus concurrerent, a quibus alias utpote proximioribus excluderentur, verum etiam ut eiusdem defuncti *deus*, ex alterutro quidem latere ei coniunctos, excluderent, qui pari ab ipso defuncto gradu absunt, nimirum tertio, quique impedimento alias essent, quominus illi iure proximitatis soli succederent : itemque ut illos excluderent, a quibus alias quia proximioribus ipsi excluderentur, nimirum fratres defuncti vel consanguineos tantum, vel vterinos. Si enim, inquirunt, germanorum filiis ius repraesentationis



nia minus concessum foret, neque cum ipsis germanis fratribus succedere possent, neque *Deus* defuncti excludere, neque etiam fratres duplicis expertes vinculi repellere; quinimmo ab iis quia remotioribus excluderentur. Quae rationes quum eo tantum casu cessent, quando nulli omnino fratres, ac *Dei* superint, tunc germanorum filios in capita succedere opinantur. Nam si quando ad exclusionem eorum veniunt, qui alias cum iis successuri fuerint, vel a quibus, quia proximiores essent, excluderentur, iure repraesentationis indigent, ut patrem repraesentando eius locum & gradum subeant, eamque ferant portionem, quam ille habiturus fuisset, si vixisset; ita ubi soli omnino exstant, quum possint ex propria persona succedere, ius repraesentationis, quod numquam imperator ad propinquos ex transverso produxit, nisi necessitatis causa, superfluum est. Haec profecto sententia aequae est rejicienda. Sane germanorum fratrum filii non aliam ob causam fratribus, defuncto ex alterutro latere coniunctis praepo-  
nuntur, nisi ex duplici, quo illis praestant, cognationis vinculo; non secus ac olim adgnatus proximiori cognato, vel eodem in gradu constituto praeferebatur ob ius adgnationis, quod potius iure cognationis erat; itemque ipsiusmet defuncti *Deus* repellunt, vel quia illi cuique sunt aut per patrem tantum coniuncti, aut per matrem, vel etiam, quod magis aridet, quoniam quemadmodum in linea cognationis recta descendentes praeseruntur ascendentibus, viut

in eodem, vel propiori gradu positus, ita & in transversa linea potiores sint habendi qui descendunt loco sunt, ut fratrum filii, quam qui loco parentum esse videntur, quales sunt patrui, L. 39., L. 53. D. de ritu nuptiar.

§. XI. Post germanos fratres eorumque filios ad successionem fratres vocantur ex uno latere defuncto copulati, hoc est per patrem tantum ei coniuncti, vel per matrem, novell. CXVIII. cap. 3., quorum illi interpretibus dicuntur *consanguinei* (\*), Graece *συγγενεῖς*, hi interpretibus iti-

---

(\*) Consanguineorum appellatione in libris iuris fratres, vel sorores ex eodem patre prognati, progataeque intelliguntur, quod & Gaius habet *institution. lib. II. tit. 8. §. 3.*; siue ex eadem sint matre, siue ex diuersa. Ut fratres enim consanguinei sint non aliud leges requirunt, nisi ut eodem sint patre geniti. Hinc in successione, quae titulo *consanguinitatis* competit, tam fratres quam sorores pari iure esse, licet non ex eadem matre suscepti sint, reperiunt Alexander in L. 1. C. de legit. heredib. Atque ita longe inter se differunt *sanguis* & *consanguinitas*. Sanguis pro cognatione naturali sumitur, L. 23. D. de adoptionib., L. 2. D. unde cognati, L. 12. D. de manum. vindict.; consanguinitas vero est species agnationis, hoc est fraternitas: quam verbi proprietatem Graeci, Latinique scriptores seruant. Confer Cuiacium *observation. lib. XI. cap. 26.*, & Caluinem in *lex. iurid. voce consanguinitas*. Calvus autem consanguineos definit qui sanguine inter se sunt connexi, L. 1. §. penult. D. de suis & legitim.: quae definitio nimis lata videtur, quum & agnatos, cognatosque omnes comprehendat, qui sanguine

itidem, Latine tamen, *uterini* (\*), quasi quibus praeter eundem matris suae utrum nihil sit commune, Graecis dicti *ομογενεῖς* seu *ομογενεῖς*, a quibus insuper utriusque speciei fratres vno nomine adpellantur *ετερογενεῖς*. II autem si sint vel omnes consanguinei, vel uterini omnes, absque villa bonorum distinctione ex aequo succedere, inter omnes constat interpretes. At si quidam consanguinei, quidam uterini sint, acerrime disputatur, num facienda bonorum discretio, ut bona paterna consanguineis, materna uterinis cedant, bona vero ex nouo adquisita inter omnes aequaliter diuidantur? Communis quidem in hac controuersia sententia est, bona, quae ex linea paterna profecta sunt, solis consanguineis, quae autem ex materna, uterinis tribuenda esse: cui sententiae Cuiacius quoque ad *nouell. LXXXIV.*, Donellus *commentarior. de iure ciuili lib. IX. cap. 4.*, & Gude-

---

guine itidem copulantur. Tu ita interpretaberis Cassii definitionem, ut consanguinei dicti sint a sanguine, nomine aliquo communi, quoniam ii eundem sanguinis auctorem proxime habeant. Ceterum consanguinei in *auth. itaque C. comm. de successiōib.* in specie adpellantur, qui vnum patrem communem habent, & ita quoque interpretibus vulgo dicuntur.

(\*) Atque ita Hotomanus ad *tit. Instit. de legitimat. success.* necessitudinem, quae inter germanos fratres intercedit, *germanitatem*, quae inter fratres consanguineos, *consanguinitatem* adpellat, quam tandem inter uterinos, *uterinitatem*, veteribus Latinis quidem praecurrentibus, nam & apud Ciceronem *germanitas* occurrit, & apud Liuium *consanguinitas*,

( CLIV )

Gudelinus *de iure nouis. lib. II. cap. 15.* adfili-  
pulari sunt. Sed, vt verum fateamur, quum  
opinio haec prorsus falissima fit, nulloque ido-  
neo fundamento suffulta, horum hominum au-  
thoritas tantum valere non potest, vt rationem  
vincat, aut legem. Eos equidem transuersos  
egit *lex 13. C. de legitim. heredib.*, vbi Iusti-  
nianus quum fratres sororesque ad alterius  
emancipati fratris successionem indistincte vo-  
casset, ad bona materna eos tantum voca-  
ri iussit, qui ex eadem forent matre: *exce-  
ptis maternis rebus, ait, in quibus, si ex ea-  
dem matre, fratres, vel sorores sint, eos solos vo-  
cari oportet.* Sed verum huius legis sensum a  
nemine adhuc, quod sciamus, pro dignitate ex-  
positum, ageiam enucleemus. Quum pater olim  
iure patriae potestatis ex veteris iuris principiis  
mortui filiusfamilias bona omnia occuparet, ac  
vel ipsa castrensia & quasi, vti superius dictum  
capite IV., imperatoris tandem constitutionibus  
eo redacta res est, vt in bona materna, & lu-  
era nuptialia filiusfamilias heredes quidem ha-  
beret, ac vt primo succederent eius liberi, dein-  
de fratres vel sorores ex eodem matrimonio;  
tum qui ex alio, ac ipse demum parens, *L. ult.  
C. comm. de successiōib.* Quum vero dubitatio  
suborta fuisset, si filius emancipatus viuo patre  
obiret, bona eius vtrum ad patrem an etiam  
ad fratres, sororesque tamquam ad successores  
abirent; definitum est, emancipati filii bona  
omnia, ad exemplum bonorum matrimonii cauf-

sa quaestorum, itemque maternorum eius filii, qui obiret in potestate constitutus, ad fratres, sororesque iure successionis proxime post liberos, pertinere, *cit. L. 13. §. 2.* Quum autem ea lege ad emancipati successionem fratres, & sorores indistincte vocentur; prout velut alio fuit, eam fuisse Iustiniano mentem, ut fratres indiscriminatum siue ex eodem siue ex alio matrimonio nati ad successionem emancipati fratris venirent: *exceptis tamen maternis rebus, in quibus, si ex eadem matre fratres, vel sorores sint, eos solos vocari oportet:* hoc est, exceptis maternis rebus, in quas illi primum, qui sunt ex eodem matrimonio fratres, scilicet germani (\*), tum qui sunt

(\*) De fratribus germanis, quod heic de bonis maternis statuitur, intelligendum est, de uterinis non item, seu docte obferuat Fachineus *controuers. lib. VI. cap. 5.*, quod perperam Vinnio *scilicet. quaest. lib. II. cap. 31.* eo nomine improbat, quia id de fratribus germanis accipi verba legis non patiantur. Nam ut vtriusque admittebantur olim ad successionem in ordine cognatorum, non in ordine fratrum, quum primum in hoc fratrum ordine eos admiserit Iustinianus. in *L. 15. §. 2. C. eod.*, ubi ait: *Sed nec fratrem vel sororem uterinis concedimus in cognationis loco retingui:* quibus ex verbis manifestissime arguitur, eos adhuc in ordine cognatorum successisse. Lex autem illa tempore posterior est lege 13., quum illa edita fuerit Iustiniano IV. & Paulino V. cons., hoc est anno Chr. 1534., haec vero post consulatum Lampadii & Orestis anno II., hoc est anno Chr. 1536.

( CLVI )

sunt ex alio editi, succedant, non aliter, atque de bonis maternis filii familias, lucrisque nuptialibus fuerat cautum. Quae quum ita sint, iam vides, in allata lege minime omnium bona paterna a maternis secerni, sed materna dumtaxat a reliquis emancipati filii bonis, ut in illa primum frates & sorores ex eodem, tum ex diuerso matrimonio prognati, in haec vero indistincte siue ex iisdem siue ex diuersis nuptiis editi succederent.

§. XII. Iam si ex allata lege bona materna vterinis fratribus deberi ostendi posset, nec etiam inde vllum contrariae sententiae robur accederet. Nam quum bona materna vterinis tantum cederent, cetera bona, de quibus lex silet, fratribus nulla habita distinctione vel consanguineis vel vterinis dubio procul deberentur. Si omnia ergo bona, maternis exceptis, ad fratres indiscriminatim abirent, bona paterna indistincte quoque ad fratres tam ex eodem matrimonio, quam ex diuerso genitos pertinerent. Qua ergo ratione interpretes ex hac lege ostendunt, bona paterna consanguineis, materna vterinis cedere, quum vel ipsa paterna bona vterinis contingere possent? Sane foret necessarium, ut imperator, si heic bonorum distinctionem admitteret, bona paterna ad consanguineos tantum pertinere cauere: de quo ne verbum quidem vllum exstat. Ceterum res iure nouissimo explorata videri debet, quum hanc bonorum distinctionem explosam plane fuisse, ac abrogatam, si antea illa fortasse obtinuisset, certissimi.

tissimum sit. Quum enim constitutiones omnes de re successoria antea editas imperator cessare iusserit, atque ex sua tantum nouella successiones intestatas deferri; controuersia eiusmodi nostra ex ea certe dirimenda erit. In hac autem constitutione imperator, quum, liberis deficientibus, parentes cum germanis defuncti fratribus, eorumque filiis, vocasset, mox, si etiam adscendentes decissent, in collateralium classe primum vocasset eosdem germanos fratres, ac post illos indistincte ac simpliciter consanguineos & uterinos simul, nulla bonorum discretione facta; procul dubio colligitur, eos ad omnia defuncti bona vocari tam paterna quam materna; neque plus iuris tribui consanguineis in paternis, quam in maternis, & vicissim plus uterinis in maternis, quam in iis bonis, quae a patre profecta sunt. Quod si bonorum origo attendenda foret, sequeretur omnino, ut si in defuncti fratris hereditate bona paterna tantum exstarent, uterinus a consanguineo excluderetur, quemadmodum, si tantum materna, consanguineus ab uterino. Ad haec germani fratres vocari deberent cum fratribus consanguineis ad bona paterna, ad bona vero materna cum uterinis, quum si non ipsum ius succedendi, sed bonorum origo consideranda sit, vinculum duplex nullum peculiare ius pareat, notante Vinnio *selectar. quaest. lib. II. cap. 31.*: quae omnia ab Iulianiani mente penitus abhorrent.

§. XIII. Post fratres ex vno latere defuncto coniunctos ceteri omnes ex transuerso coniuncti pro-

( CLVIII )

proximiores(\*) vocantur, siue agnati, siue cognati  
sint, quum omne inter agnationem cognationem-  
que discrimen imperator sustulerit, *novel. CXVIII.*  
*cap. 4.* Ergo patri cum auunculis succedent, patrue-  
les cum consobrinis, & sic ceteri deinceps, quam-  
vis illi agnati, hi cognati sint. Cognati vero  
non tantum cum eiusdem gradus agnatis con-  
currunt, verum etiam, quum agnati cognatis  
potiores esse deserint, cognati proximiores ag-  
natis remotioribus praeferuntur. Atque ita in  
hoc ex transuerso coniunctorum ordine gradus dum-  
taxat

---

(\*) Sed quo tempore proximiores? Quum agitur  
de proximitate, semper spectatur tempus delatae ab  
intestato hereditatis: proinde si nullo testamento facto,  
aut non iure facto, aut facto quidem, sed per con-  
trariam voluntatem euerso, quisquam decesserit, pro-  
ximitas tempore, quo mortuus est is, cuius de he-  
reditate quaeritur, spectanda est, §. 6. *Instit. de le-  
gitim. agnator. success.*, quoniam eo casu post mor-  
tem hereditas continuo deseritur. Sed si quis testa-  
mento facto decesserit, non tempus mortis erit in-  
spiciendum, sed tempus quidem, quo constet, nemi-  
nem ex facto testamento heredem existurum, quia  
tum demum hereditas incipit ab intestato deferri,  
*L. 2. §. 5. & 6. D. de suis & legitim.*, *L. 1. §. 6. & 7.*  
*D. unde cognati.* Atque ita evenire potest, ut etiam  
quis mortis tempore proximus non fuerit, tamen suc-  
cedat; veluti: si quis quum patrum, & patri filium  
haberet, testamento alium heredem instituerit; here-  
de instituto deliberante, mortuus sit patrus; mox he-  
res hereditatem repudiauere, sique causa testati ad  
causam intestati redierit: succedet patri filius, quem  
patris tempore mortis gradu praecedebat, *L. 2. §. 5.*  
*D. de suis & legitim.*



taxat praerogativa spectatur, & simpliciter qui proximior est remotiorem excludit: ut ecce: primum ad successionem admittuntur patrum & avunculi, postea patruales & consobrini, ceterique omnes inde orti in infinitum, *autb. post fratres autem C. de legitim. heredib.* Neque amplius vllum ex duplici vinculo ius oritur; qui enim ex vno latere sunt cum iis succedunt, qui de facto ex ambobus lateribus copulantur, *autb. post fratres fratremque C. eod.* Nec porro successio post germanorum filios fit amplius in stirpes, sed omnes, qui sunt eiusdem gradus, in capita succedunt, *novell. CXVIII. cap. 3. in fine (\*)*.

§. XIV. Videamus modo quoto ex gradu ad successionem vocari ex transverso coniuncti debeant. Olim ob studium proprii forsitan nominis protendendi latius agnatorum successiones, quam illae cognatorum diffundebantur. Nam ait Tribonianus §. 5. *Instit. de success. cognator.*: Adgnationis iure admissi aliquem ad hereditatem, etsi decimo gradu sit, sine de iure XII. tabularum quaeratur, siue de edicto, quo praetor legitimis heredibus daturum se bonorum possessionem pollicetur. Cognatorum autem successiones non ultra sextum gradum porrectas a praetore constat, *eti. §. 5. Instit.*

(\*) Ita si ex altero fratre patrueli quatuor filii essent, ex altero tres aut pauciores, aequam omnes ferent hereditatis partem, & unus ex quatuor filiis tantum accipiet, quantum alter ex tribus aliis, cum in quadam simili specie respondit Iurisconsultus in L. 2. §. 2. *D. de suis & legitim.*

( CLX )

*Instit.* (\*). Verum hodie sublato omni inter adgnationem cognationemque discrimine, interpretes vno ore tradunt, si Hotomanum subduxeris, adgnatorum & cognatorum successiones ad eundem porrigi gradum. Nam qui inter eos differentiam sublata esse omnem dicemus, si adgnatio post hanc exaequationem adhuc propriis fulgeret iuribus? Sed & ipse Iustinianus *novell.*

CXVIII.

---

(\*) Quid praetorem impulerit, ut sexto potius, quam alio gradu, cognatorum successiones incluserit, quaeri posset. Paullus *sententiar. lib. IV. tit. 11.* putat, ea de causa id factum, quia cognatorum personae ad sextum usque gradum proprium nomen habent, & ultra eum propria cognationis nomina deficient. Sed ineptas iuris rationes effingere Paulo quidem non insolens est, quum *cit. loc. tit. 9.*, rationem quoque, cur partus septimestris maturus habeatur, ex numeris Pythagoreis, quos nec ipse sane intelligebat, derivavit. Hotomanus & Wesembecius tenent, praetorem non ultra sextum gradum cognatorum successiones produxisse, quia humanae vitae breuitas cognatos alicui superlites existere ultra sextum gradum non patitur. Vix integrum cuique est risum continere: Etenim si nemo cognatorum ob humanae vitae breuitatem ultra sextum gradum poterit reperiri, quid vero causae erit, ut adgnatorum successiones & ad decimum gradum productae sint? Praeterea haec non agitur de ascendentium & descendentium linea, sed utique de coniunctorum ex transuerso, quos vel longissimo posse gradu inter se distare nemo non videt. Si generatio enim per duos fratres protendatur, coniuncti ex transuerso vel vicissimo inter se gradu distantes reperiri queunt. Quid ego? Ingenue fateor mihi de hac re nondum liquere.

*CLXVIII. cap. 4.* non oblcure id innuit, dum ait, se velle *nullam esse differentiam* in quacunque successione masculorum, seminarum, agnatorum, & cognatorum, emnesque *sine qualibet differentia* ab intestato succedere.

§. XV. Illud excutiamus oportet, num ex decimo, & non ultra, gradu agnati vocari debeant, quemadmodum cognatorum successiones ultra sextum gradum extendi non placuit; an potius, in infinitum nulla gradus limitatione succedant? Atque hinc quum agnationis & cognationis discrimen hodie sublatum sit, ex huius quaestionis decisione & illud constabit, num iure nouissimo decimus omnium ex latere conjunctorum successioni gradus praefixus sit, an potius successio isthaec intra certum gradum non coërceatur, ac indefinita sit? Petrus Faber, Minsingerus, Welembecius, alii-que tuentur, agnatorum successiones decimo gradu finiri, easque ultra illum non extendi: quam ipsi sententiam vulgo receptam esse aiunt. Haec equidem opinio fundamento suo non destituitur. Primum enim Iustinianus, ait §. 5. *Instit. de success. cognator.* agnationis iure alii-que quem ad successionem venire posse, *etsi decimo gradu sit*. Certe congruentem non videtur reddi rationem posse, cur decimi gradus mentionem fecerit, nisi eo agnatorum successionem terminari dicatur. Deinde quum ibidem dixisset imperator, *praetorem bonorum possessionem iis promittere, qui usque ad sextum gradum cognationis sunt*, ubi finitam sexto gradu proponit co-

gnatorum successionem; communis dicendi ratio minus ferre videtur, ut cognatorum successio finita dicatur, non item illa adgnatorum, successioque vno numero circumscribatur, non altero. Tandem nisi adgnatorum successioni terminus aliquis praefixus esset, iique indefinite succederent, qui locus viro & uxori daretur, qui post adgnatos demum & cognatos ad successionem vocati sunt?

§. XVI. At magis est, ut cum Forstero de *successionib. lib. III. cap. 10.*, Gudelino de *iure nouiss. lib. II. cap. 15.*, Vinnio ad §. 5. *Instit. de success. cognator.*, aliisque serenioris famae interpretibus dicamus, adgnatorum successionem haud vlllo finiri gradu. Primo namque Tribonianus ait §. 3. *Instit. de legitim. adgnator. success.* inter masculos adgnationis iure hereditatem, *etiamsi longissimo gradu sint*, vltro citroque capi. Atque iterum §. vlt. *Instit. de seruilis cognat.* inquit, adgnatum, *etiamsi longissimo gradu sit*, haberi vt plurimum cognato potiore. Ratio certe loquendi vix patitur, ut pro *longissimo gradu* decimus intelligatur. Deinde Vlpianus *L. 2. pr. & §. 1. D. de suis & legitim.* scribit, post consanguineos adgnatos ad successionem admitti, si ipsi consanguinei non exstiterint; adgnatos autem definit cognatos virilis sexus ab eodem ortos, ut *patrum, deincepsque ceteros, si qui sunt, hinc ortos in infinitum*: qua in definitione succedendi ius ob oculos Vlpianum habuisse, vel ex eo euincitur, quod adgnatos definit cognatos virilis sexus, ut *ma-*

res

( CLXIII )

res tantum, non feminas, agnationis iure, consanguineis deficientibus, ad successionem venire deprehenderetur. Tandem argumentum late: maximum vel in ipso §. 5. *Instit. de success. cognator.*, ubi agnatos ad successionem vocari dicitur, etsi decimo gradu sint; sine de lege XII. tabularum, sine de edicto praetoris quaeratur. Legem autem XII. tabularum agnatorum successionem nullo gradu definiuisse, ac gentiles diemum vocasse, ubi nulus agnatus superstes esset, equem latet? Porro argumenta, quae in contrariam sententiam produximus facile diluuntur. Nam in §. 5. *Instit. de success. cognator.* exempli tantum causa decimi gradus iniicitur mentio. Neque Tribonianus de agnatis & cognatis eodem modo loquitur. De cognatis scribit, eos praecite succedere ad sextum usque gradum; non sic autem de agnatis, quos succedere ait non quidem praecise ad decimum gradum, sed *etsi decimo gradu sint*, ubi particula *etsi* momentosa est, ostenditque, hic decimum proprie gradum non accipi. Atque hinc mirum videri non debet, si dicatur, successionem vno quidem numero circumferibi, non altero (\*). Falsum de-

L 2

inde

(\*) Papinianus *L. penult. D. unde cognati non diff.* simili ratione habet: *Octavi gradus agnato iure legitimi heredis, etsi non existerit heres, possessionem deferri, ut proximo autem cognato, quamvis existerit heres, non deferri: ubi quum octavi gradus mentio occurrat exempli tantum causa, non ideo ex*

( CLXIV )

inde est, coniugum successioni locum dari non posse, si adgnatorum successio indefinita esset. Vtut enim indefinita sit adgnatorum successio, fieri potest, vt adgnati omnino deficiant, eo- que casu viri & vxoris, qui tantum in sub- sidium admittuntur, successioni locum dari.

§. XVII. Fratres, ceterique collaterales le- gitimati per subsequens matrimonium eadem ra- tione succedunt, qua iuste nati. Nam isthaec legitimatio plenissimum ius tribuit familiae, cognationis, nobilitatis, similibus, perinde ac si legitimati tales non facti, sed nati fuissent. Idem dicendum de legitimatis per rescriptum principis, qui non modo inter se inuicem suc- cedunt, sed & aliis cognatis legitime natis; quippe legitimatio per subsequens matrimo- nium, & per rescriptum principis effectus idem fere est. Iustinianus ait in *noell. LXXXIX. cap. 8. Semel enim eos legitimatos efficientes damus habere etiam illas successiones, quas ii ha- bent, qui ab initio legitimi sunt.* Id iuris obtinet, etsi patris cognati non consenserint le- gitimationi. Nulla enim ipsi afficiuntur iniu- ria, si legitimatos sibi successores habeant, quo- niam legitimatis sibi successuris spem legitimae successioneis adimere testamento possunt, heredes alios instituendo, vt docte obseruat Fridericus Pufendorfius *obs. iur. uniu. tom. I. obs. CCXLI.*

§. 4.

---

eo quisquam conficiet, adgnatos vltra octauum gra- dum non succedere, quum in *cit. §. 5. Instit. ad suc- cessionem* admitti dicantur, etiam si decimo gradu sint.

§. 4. Fratres legitimi tantum, hoc est adoptivi, si ab extraneo fuerint adoptati, nec sibi invicem, nec aliis succedunt, sed agnatis, cognatisque naturalis patris; quum eo casu in adoptivi patris familiam non transeant. Quod si ab non extranea persona facta adoptio sit, puta ab ascendentium aliquo; adoptati & invicem succedunt inter se, & patris quoque adoptivi agnatis iure adoptionis, non cognatis, L. 23. D. de adoptionib., L. 2. §. 3. D. de suis & legitim. (\*). Dixi iure adoptionis, quia in hac adoptionis specie, quum in vnum naturale & civile ius coaleant, naturali ex cognatione agnatis, cognatisque adoptivi patris ipsi succedere possunt; & praeterea iure adoptionis ad agnatorum parentis adoptivi hereditatem cum illis vocari possunt, a quibus alias si ex mero naturalis cognationis iure succederent, excluderentur omnino. Vt ecce. Finge auum habere fratrem, cui sint filii, filium insuper, itemque

L 3

cx

---

(\*) Ex adoptione naturali iure ignota prorsus, soloque iuris civilis fundamento nixa, civilia dumtaxat iura fluunt, non quae tantum a natura probantur. Quumque agnatio ex mero civili iure manet, cognatio ex iure naturali; hinc liquet, adoptionem sola agnationis iura tribuere, non cognationis. Nec quidquam refert, agnatos cognatosque hodie exaequatos esse. Quippe etiam post hanc exaequationem cognatos extra agnationem esse, exploratissimum est. Liberis vero adoptivis succellionem ius largitur non aliam ob causam, nisi quod in familiam, agnationemque adoptivi patris recensiti sint.

( CLXVI )

ex altero filio emancipato nepotes duos post emancipationem conceptos editosque, quos in numerum filiorum adoptione auus adsciverit. In hoc casu nepotes auo in adoptionem dati quinto naturalis cognationis gradu distantes a fratris aui filii, si erit de horum successione quaestio, iure adoptionis cum naturali eiusdem aui filio concurrent, a quo tamen iure naturalis cognationis, quia remotiores, essent excludendi. Ceterum quum adoptati ius cognationis in familia naturali retineant, L. 1. §. 4. D. unde cognati, inde patet, eos iure cognationis naturalis patris cognatis succedere, ad eorumque classem pertinere, qui sunt iuribus adgnationis per emancipationem destituti. Hodie tamen post adgnatorum & cognatorum exaequationem cum adgnatis aequae ac cognatis vocantur.

§ XVIII. Spurios adgnatione destitui constat, quoniam ea a patre manat, quem, qui vulgo quaeruntur, citre nequeunt, L. 4. D. unde cognati iunct. L. 19. & 23. D. de statu homin. Ergo si adgnatione carent, nec consanguinei inter se videri possunt; quippe consanguinitas species est adgnationis. Hinc liquet, spurios neque inter se, neque patris adgnatis succedere. At quum ipsi iure cognationis, quae a matre suam arcessit originem, non destituantur, hinc est, ut & tamquam cognati succedant inter se, & eodem illis iure, quibus per matrem ipsi copulantur, L. 2. D. unde cognati. Naturales filios naturali quidem cognatione patri, eiusque propinquis iungi vel inde constat, quod veritae  
inter



inter patrem & filiam, fratrem & sororem extra matrimonium quæsitos nuptiæ sint, *L. 14. l. 54. D. de ritu nuptiar.* At quum de successio- nibus agitur, naturalis ista cognatio negligitur; sicque filii ex concubinato editi nullo pacto pos- sunt adgnatis patris succedere, licet paternæ hereditatis duas vncias obtineant. Nam quam- vis ii patrem demonstrare possint, adgnationis tamen iure in patris familia destituuntur; quum id iuris pertineat ad eos, qui ex iusto matri- monio nascuntur, non ad naturales filios: quip- pe in iure proditum est, matrem sequi semper, qui ex matrimonio non oritur legitimo, *L. 24. D. de statu homin.*, Forsterus de *successionib. lib. VII. cap. 17.* Itaque naturales quum cognationis tantum iuribus fruuntur, & inuicem inter se, & matri tamquam cognati, maternisque succe- dunt. Quod si ex diuersis sint matribus geniti, vtut patre vnico, inter se non succedere palam est. Sicut enim naturali patri, per quem co- pulantur, non succedunt; ita longe minus in- ter se succedere ab intestato possunt, quum co- gnati non sint nec per patrem, neque etiam per matrem.

§. XIX. Adulterini, incesti, sacrilegi, nefa- rii num inter se, ceterisque ex latere coniun- ctis succedant, an a mutua, aliorumque suc- cessione amouendi sint, sicut ex illa parentum, foeda virorum doctorem discrepantia. Eos equi- quidem inter se, ceterisque ex transuerso coniun- ctis succedere non vno nomine defenditur. Pri- mum ob *L. 4. D. unde cognati*, vbi Vlpianus

ita: Si spurius intestato decesserit, iure consanguinitatis, aut adgnationis hereditas eius ad nulum pertinet, quia consanguinitatis, itenque adgnationis iura a patre oriuntur; proximitatis vero nomine mater eius, aut frater eadem matre natus, bonorum possessionem eius ex edicto petere potest. Iuriconsultus hic ait, fratrem spurio veluti cognato succedere: ergo & ipse spurius ad fratris, aliorumque ex transuerso coniunctorum successionem vocabitur. In eandem porro sententiam trahitur Gaius in L. 2. D. eod., in qua sic latetur: Itaque etiam vulgo quaesiti liberi matris, & mater talium liberorum, item ipsi fratres inter se ex hac parte bonorum possessionem petere possunt, quia sunt inuicem sibi cognati: usque adeo, ut praegnans quoque manumissa, si pepererit, & is, qui natus est, matri, & mater ipsi, & inter se quoque, & qui nascuntur cognati. Praeterea quoniam inter eos naturalis cognatio intercedit, nil vetare videtur, quominus succedant saltem quâ cognati. Denique etiam a successionibus adscendentium repellantur, nulla tamen lege a fratribus, aliorumque ex latere coniunctorum successionibus repelluntur, & in legibus correctioribus, ut aiunt, praesertim odiosis species expressa ad omissam, produci nequit. Nec vero Iustinianae constitutionis ratio patitur, ut a successionibus coniunctorum ex transuerso amoveantur, ut ab illa parentum, quum utique parentes, non coniuncti ex latere peccarint; illisque proinde haec irrogatur poena. Nouum autem non est in iure, ut licet quis parentibus non succedat, suc-

( CLXIX )

succedat ex latere iunctis. Nam si pater reus efficiatur perduellionis, minus ei filii succedunt, §. 5. *Iulit. de hereditat. quae ab intest.*, L. 1. §. 3. *D. de suis & legitim.*; agnatis vero patris, cognatisque succedere inficias iuerit nemo. Sic etiam nepos post obitum aui conceptus, editusque, et si aui hereditatis sit expertus, §. 8. *Ipsit. de hereditat. quae ab intest.*, L. 1. §. 8. *D. de suis & legitim.*, filio tamen aliisque omnibus succedit.

§. XX. Verum altera sententia, quae habet, eiusmodi liberos nec inter se, nec aliis coniunctis ex transverso succedere, iuris principii sedulo perpensis, veriori est: quam sententiam prae ceteris Forsterus de *successionib. lib. IV. cap. 50.*, Faber *Cod. lib. VI. tit. 33. defn. 3.*, Fachineus *controuers. lib. VI. cap. 10.* amplexi sunt. Nam ex eiusmodi coitu profectos exvulos haberi, nullamque eis participandam esse clementiam, ut & nec vocari naturales posse, statuit Iustinianus. Atque hinc inter se consanguinei & fratres neque per patrem, nec etiam per matrem videri possunt. *Eos enim*, inquit imperator *novell. LXXIV. cap. ult.*, *qui semel ex odibilibus nobis, & propterea prohibitis nuptiis procedunt, neque naturales vocari, neque participanda eis ulla clementia est; sed sit supplicium etiam hoc patrum, ut agnoscant, quia nec quidquam peccatricis concupiscentiae eorum habebunt filii. Et rursus novell. LXXXIX. cap. ult.*: *Primum quidem omnis, qui ex complexibus ( non enim hoc vocamus nuptias ) aut nefariis, aut incestis, aut de-*

ma.

*mnatis processerit, iste neque naturalis nominatur, neque alendus est a parentibus, neque habebit quodam ad praesentem legem participium. Itaque quum id genus liberi agnationis iure ex parte patris, cognationis ex parte matris sint expertes; consecutaneum est, ut nullo in gradu constituti censi debeant, neque ad ullam vocari successionem possint.*

§. XXI. Iam facilis responsio iis, quae in contrarium produximus, argumentis. Vlpianus & Gaius in L. 4. & 2. D. unde cognati de spurii loquuntur, quos diuerso regi iure ab eo, quod de liberis ex damnato coitu editis statutum est, latet neminem. Et quamuis spurii adpellatio generalis sit, ad omnesque pertineat, qui ex illegitima coniunctione nati sunt, adeo ut dici posset, Vlpianum & Gaium liberos quoque ex damnato coitu susceptos fuisse complexos; iure tamen nouissimo omnis adempta eis successio est, & si quid fuisset de ipsis in cit. LL. cautum, iure nouissimo procul dubio esset abrogatum. Neque regeas, eos nulla lege a successione ex latere coniunctorum repelli, speciemque in iure expressam, maxime in odiosis, non posse ad omissam extendi. Nam quia imperator eos naturalium nomine, omnisque clementiae participatione indignos iussit haberi, nulloque cognationis vinculo patri ac matri iungi; quumque cognationis ius omne ex patre, & matre tamquam fontibus fluat; patet meridiana luce clarius, longe minus cognatione adligatos collateralibus esse. Scilicet ut Iustinia-

nica

nica constitutio, vt seuera nimis & odiosa, ad omiffam speciem producatur, summa vrget ratio: quo casu legis sententiam protendere ecquis ambiget? Praeterea quamuis nullum collaterales admiserint probrum, parentes tamen peccarunt, quibus proinde vnus haec infligitur poena; vt omni consanguinitate, cognationeque liberos destitui intelligant, sicque successione esse omnis expertes. Praeterea quamuis inficiari nequeat, quia liberi a successione parentum repellantur, haud inde sequi, vt a collateralium quoque successione sint excludendi; tamen, quum parentibus ideo non succedant, quia adgnationis cognationisque ius lege peremptum est omne, subdabitari nequit, quin a successione quoque collateralium vtpote omni gradu destituti prorsus excludi debeant. An id hominibus quoque moribus obtineat, subsisto. Sacrum consilium Neapolitanum eos ad mutuam successionem admisisse prodit de Franchis *deisf.* CCXXXVIII.

§. XXII. Quandoquidem nouissimo Iustiniano iure intestatorum successiones iure sanguinis & proximitatis deferuntur; nemo adfinitatis obtentu ad intestatam contendere successionem poterit, *L. 7. C. commun. de successioib.* Hinc vitricum nec iure tiuili, neque etiam praetorio priuigno intestato succedere discimus ex *L. 3. C. eod. (\*)*. Et si omnes omnino cognati defi-

(\*) Obscura, & mendis equidem non carens *lex* C. *eti.*

deficiant, adfinibus penitus exclusis, in bona veluti vacantia succedit filius. Tantum placuit

C. eod. Hieronymum Treutlerum decepit, non imi aliqui subellii virum, qui eius legis perperam intellectae auctoritate motus docuit, adfines in praefatae tantum legis specie succedere. Sed in ea profecto nihil est, cur adfines aliquando succedere demonstretur. Verba haec sunt ipsissima: *Amitae, cui successisse filios suos proponis, hereditatem tuo nomine non recte petis. Sed quoniam hos etiam intestatos diem sanctos adscueras; si quidem hi, quos priuignos eiusdem amitae dicis, eorum consanguinei fuerint, fratres tam agnationis, quam cognationis iure secundo gradu constitutos tibi praeferrere non ambigitur. Nam si amitinis tuis alio etiam patre natis numquam eorum matris priuigni sunt, admisisse te bonorum possessionem probans, eorum vindica successionem. Species est: Amita mea vidua, quae ex priori matrimonio filios tulerat, Titio itidem filios alio ex matrimonio susceptos habenti nupsit. Ex hoc posteriore coniugio editi filii illis quidem Titii prioris matrimonii filiis consanguinei sunt, quia ex eodem patre; filius vero amitae meae prioribus vterini, utpote ex eadem matre nati. Proinde illis ut consanguinei, his tamquam cognati succedunt; et quia in secundo gradu sunt, ego equidem, qui ab iis quarto gradu absum, excludor. Sed si de successione filiorum amitae meae inter me et Titii filios prioris matrimonii quaestio erit, puta si ex posteriori matrimonio nulli sint filii, vel nati decesserint; ego amitinis meis succedo, Titii filiis penitus exclusis, qui compriuigni sunt illis, non cognati. Atque haec legis sententia est, ubi quum in verbis: *nam si amitinis tuis alio etiam patre natis numquam eorum matris priuigni sunt*: Oedipo coniectore opus esse videatur; mendum exflare*

( CLXXIII )

cuit coniuges, qui adfines non sunt, adfinitatis  
vtique origo, inter se mutuo succedere, & filio  
praefertur. Multo minus ob educationem alicui  
praestitam quispiam poterit succedere. Atque hinc  
patris ad successionem infantis, quem nutrit, non  
vocatur, nec nutritor alumno suo succedit,  
*L. 10. C. eod.* Item aduenae, & peregrini prae-  
textu hospitii inter se non succedunt; sed eorum  
bona, quae si habeant, ad pauca rediguntur  
mobilia, quae secum aduenas ac hospites, dum  
peregrinantur, ferre moris est, ad episcopos loco-  
rum deferenda sunt, vt ab iis tradantur cogna-  
tis defuncti proximioribus; vel ipsis deficienti-  
bus, in piam causam erogentur, *auth. omnes  
peregrini C. eod.*, poena tripli in hospites com-  
minata, si aliquid ex hisce bonis sibi detinue-  
rint, *cit. auth.*

CA.

---

Rare puto in particula *numquam*, quam diuideo, effi-  
cacioque non quam, vt sensus sit, nam si amittis tuas  
non aliud sunt, quam eorum matris prauigni etc. 2  
Quae saepe emendatio quum modestia ac simplicitate  
sua commendetur, non est, cur egeamus emendatio-  
nibus Cuiacii *obserrat. lib. XII. cap. 7.*, et Hoto-  
mani *obserrat. lib. VI. cap. 9.*, quae legem reddunt  
implicatorem.

## CAPVT VI.

*De iure adreſcendi inter legiti-  
mos heredes, &  
ediſto ſucceſſorio.*

§. I. **C**ontigit ſæpenumero, vt quis legiti-  
mam hereditatem, quæ ſibi iam de-  
lata eſt, amittat: idque tribus poſſimum mo-  
dis euenire poſeſt. (I) Si eam repudiauerit;  
poſeſt enim hereditas repudiari ab extraneo, ſi  
id ſibi expedire duxerit: non item olim in ſuo  
herede, qui, vellet nollet, paternæ hereditati  
ſe immiſcere cogebatur, qui proinde *heres ſuus*  
& *neceſſarius* audiebat: quod tamen, quia ſat  
perdurus viſum eſt, quum ſui tamquam patris  
heredes omne aes alienum hereditarium, vtut  
vires hereditarias ſupergrederetur, expungere te-  
nerentur, prætor ſuſtulit, humanitatiſque ergo  
ſuis quoque heredibus permiſit volentibus ab-  
ſtinere ſe hereditate, *L. 57. D. de acquirend. he-  
redit.* (II) Amittitur porro hereditas, ſi heres,  
antequam eam adiret, mortuus ſit; exceptis ta-  
men ſuis heredibus, qui rerum paternarum vi-  
ro quoque patre quodammodo domini exiſtimantur,  
vt ait Tribonianus §. 2. *Inſtit. de hered. qualit.*  
& *different.*, quarum & ſtatim a morte parentis  
quaſi continuatur dominium, vt idem Tribonia-  
nus §. 3. *Inſtit. de hereditatib. quæ ab inteſt.*  
(III) Tandem hereditas iuſti temporis lapſu  
amitti poſeſt: quod non de iure ciuili, ſed  
iure



(CLXXV)

iure quidem praetorio intelligendum. Sane iure  
civilis inspecto, nullum additioni tempus praefi-  
nitum est, nisi longissimi temporis spatium, hoc  
est XXX. annorum, quibus ius heredis praescri-  
bitur, ac eo inde elapso tempore, hereditas  
adiri amplius nequit: quae communis inter-  
pretum sententia est ob L. 3. C. de praescrip-  
tione vel XL. annor. Vide Corasium miscellan. lib.  
VI. cap. 21., & Duarenum ad tit. D. de acquirend.  
heredit. cap. II. At iure praetorio certum tempus  
praefinitum est, intra quod heres cogitur a prae-  
tore impetrare bonorum possessionem. Et qui-  
dem liberis & parentibus praetor tribuit spatium  
vtilis anni, ceteris centum dies viles (\*), §. 4.  
Instir.

(\*) Dies in iure alii sunt continui, viles alii. Con-  
tinui sunt, qui nulla interruptione elabuntur, nulla  
scilicet eorum dierum, quibus non fuit experiendi  
potestas, subductione facta, qui ignorantibus quoque  
currunt, L. 8. D. de his qui notant. infam, L. 2.  
D. de collus. detegend. Viles autem dicuntur dies,  
quibus experiendi potestas est, L. 10. §. 2. D. ad  
senatuscons. Turpill. Atque hinc vtilis annus ille est,  
qui diebus vtilibus, in quibus scilicet experiendi po-  
testas est, constat, L. 6. §. ult. D. quae in fraud.  
creditor., ut menses viles, qui diebus pariter vtili-  
bus, L. 35. D. de aedilitio edicto. Experiendi autem  
potestas est, si sit in iure agendi facultas, hoc est  
si nulla quis idonea causa impediatur experiiri. Pro-  
inde siue apud hostes sit, siue reipublicae causa ab-  
sit, siue in vinculis sit, aut tempestate in aliquo lo-  
co, vel regione detineatur, ut neque experiiri, ne-  
que mandare possit; experiendi potestatem non ha-  
bet.

( CLXXVI )

*Instit. de bonor. possessionib., L. 1. §. 12. D. de success. editto:* quo in tempore si quis bonorum possessionem non petierit, ea in causa est, ut amplius eam petere nequeat. At hodie cum liberi emancipati, parentes, cognatique ad successionem iure civili vocentur, & raro admodum praetoria bonorum possessione opus sit; inde est, ut quisque iure nouissimo non alio possit, quam longissimi temporis spatio, ut plurimum ab hereditate excidere.

§. II. Qua vero cumque de causa euenerit, ut hereditatem quis amiserit, si & alii cum eo in eodem gradu constituti reperiantur, portio eius, qui defecit, illis adcreuit, si & ipsi hereditatem non amiserint. At si alii defint in eodem cognationis gradu positi, hereditas sequentibus deferitur, eoque casu suum sibi vindicat locum editum successorium. Itaque de iure adcrepdi inter legitimos heredes & edito successorio heic agendum est. Ut in testamentariis successioneibus locus est iuri adcrecendi, si vnus ex coheredibus deficiat, sic etiam in successioneibus, quae lege deferuntur (\*), §. 4. In-

---

bet. Sed & is etiam experiundi potestatem non habuisse dicitur, qui praetoris copiam non habuit. L. 1. D. de diuers. temporal. praescriptionib.

(\*) Si plures, ait Vlpianus fragmentor. tit. XXVI. §. 5., eodem gradu sint adgnati, & quidam eorum hereditatem ad se pertinere noluerint, vel antequam alierint, decesserint; eorum pars adcreuit iis, qui alierint. Hinc patet & olim ius quidem adcrecendi inter

( CLXXVII )

*Instit. de senatuscons. Orphis., L. 9. D. de suis & legitim.* Quippe quum saepe plures ad legitimam successionem vocentur, ac portio alicuius heredis deficiat, haec omnino aliis coheredibus debet adcrefcere ob vulgatissimam iuris regulam, quae tam testamentarias, quam successiones legitimas respicit: *neminem eiusdem hereditatis, quae alium heredem non habet, partem habere posse, partem repudiare (\*)*, *L. 1. & 2. D. de*  
M ad-

inter legitimos heredes, non ius caducorum, obtinuisse. Labitur ergo Baldouinus *Iustinian. lib. IV.* scribens in causa quoque intestati caducorum iuri locum fuisse. Neque vllum sententiae suae robur accedit, dum addit, hoc ius ab Vlpiano esse dissimulatum. Fuisse id enim praeter officium, moremque Vlpiani, qui ius hoc saepius memorat, ac praesertim *tit. XVII. & XVIII.* ex professo de caducis pertractat. Vide Schultingium ad *tit. Vlp. loc.*

(\*) Heres fictione iuris defuncti personam repraesentat, quasi defunctus in rerum natura adhuc esset. Quum vero in fingendo Romani, iurisperiti naturam imitari profecti sint, *L. 16. D. de adoptionib.*; quumque ex parte tantum defuncti personam repraesentari, id sane pro monstro foret, ac ex parte repraesentaretur, si diuidua esset hereditas, ac pars altera haberi posset, altera repudiari; inde est, ut pro parte adquiri, vel omitti nequeat hereditas. Vide Quarennum *de iure adcrefcendi lib. I. cap. 2.* Neque regeas, vno ex institutis heredibus deficiente, proximiorum ex legitimis in eius portionem vocari posse; partemque vnus ex legitimis heredibus alterum, qui esset in sequenti gradu, capere. Ita enim eveniret, ut successores diuersis qualitatibus

( CLXXXVIII )

*adquirend. hereditat.*, L. 20. C. de iure deliberandi, L. vn. §. 10. C. de caduc. tollend. : itemque aliam ob rationem legitimis successionebus propriam, quia scilicet *omnis successio, ut usurpem verba iuriconsulti Pauli sentiuntur, lib. IV. tit. 8. §. 23., proximiori deferitur*. Nimirum vno ex coheredibus deficiente, eius pars ceteris ad crescere omnino debet, ne cum illis vocandus esset alius ulterioris gradus, ac cum proximioribus remotior: quod ratio legitimarum successionum omnino non sinit.

§. III. Verum non omnibus, qui legitimi heredes sunt, indiscriminatim portio quocumque modo deficiens ad crescit, sed iis tantum, quibus is, cuius portio deficit, coniunctior videtur esse. Coniunctionis namque usus commode a testamentariis ad legitimis successiones transferri potest, valetque ad iuris ad crescendi rationem inter heredes legitimos pro dignitate explicandam: quod Hugo Donellus, alique summi viri praestiterunt, licet paululum confuse. Tripliciter autem in re testamentaria coniuncti censentur. (1) *Re tantum*, si ad eandem hereditatem, sed diuersa oratione vocati sint; vnde & *disiuncti* dici solent, §. 8. *Instit. de legat.*, quatenus tamen ad eos, qui *verbis tantum*, vel *verbis & re simul* coniuncti sunt, referuntur: veluti, *Titius heres*

---

aucti defuncti personam, quae vna est, non eodem modo repraesentarent; proindeque repraesentatio vniuersalis non esset.

( CLXXIX )

*res esto, Gaius heres esto, L. 89. D. de legat.*

3. (II) *Verbis tantum*, si ad eandem hereditatem iisdem propositionibus vocentur, sed partibus aequalis, intellectualibus tamen, & quae mente tantum concipiantur ( nam si testator inter heredes bona ipse diuiserit, ut si dixerit, *Titius & Sempronius heredes sunt*, ille in rebus, quae sunt in Africa, hic in rebus, quae exstant in Asia, hi coniuncti non sunt ), veluti, *Titius & Gaius heredes sunt aequalis partibus, cit.*

*L. 89. (III) Tandem re & verbis simul*, si ad eandem rem simpliciter & pro indiuiso vocentur; veluti, *Titius & Gaius heredes sunt, cit. L. 89.* Iam legitimi quoque successores coniuncti inter se videri possunt, solummodo tamen re tantum, ac re & verbis simul: coniunctio verbalis in successione legitima omittenda est, utpote nullum habens usum. Et primum quidem coniuncti esse possunt re tantum, si ad hereditatem vocentur diuersa veluti legis oratione, quo casu *disiuncti* adpellari queunt, quemadmodum in re testamentaria; ac re & verbis simul, si ad eandem hereditatem simpliciter, & pro indiuiso quasi eadem legis propositione vocentur.

§. IV. Iam vero ii, qui in capita succedunt, coniuncti re tantum; illi vero, qui vocantur in stirpes, coniuncti re & verbis simul videri possunt; ac succedentes in capita & succedentes in stirpes simul accepti itidem re coniuncti tantum. Ergo fratres, qui in capita succedunt, re tantum coniunguntur. Si enim duo fratres exstent, ita legis verba concipi possunt: *Primus*

( CLXXX )

*frater, heres sit: item Secundus frater heres sit.*  
At si fratres permisti inueniantur eum aliorum  
fratrum praemortuorum filiis, qui succedunt in  
stirpes; coniunctio re & verbis simul, ac re  
tantum perspicui commodè potest. Finge, praeter  
duos fratres, ex vno fratre praemortuo filios  
tres, ex altero iridem praemortuo filios sex ex-  
stare: legis ad hereditatem vocatio ita poterit  
effingi: *Primus frater heres sit: Secundus frater  
heres sit: item ex Tertio fratre praemortuo filii  
tres heredes sunt: ex Quarto fratre praemortuo  
filii sex heredes sunt.* Et filii quidem ex alte-  
rutra stirpe inter se coniuncti intelligendi sunt  
re & verbis, ac proinde vna veluti legis ora-  
tione ad eandem hereditatem vocari. Nam si  
re tantum coniuncti forent, ac proinde disiun-  
cti, non in stirpes succederent, sed quisque  
filiorum esset vocandus in caput. Succedunt au-  
tem in stirpes, ac vnius personae vice fungun-  
tur; ergo coniuncti sunt inter se; non secus  
atque in testamento si haec fiat institutio: *Ti-  
tius heres esto: Seius & Maenius heredes sunt:*  
semissem hereditatis solus Titius feret, Seius &  
Maenius re ac verbis simul coniuncti semissem  
alterum, ac proinde tantum Titius, quantum  
duo coniuncti Seius & Maenius, *L. 59. §. 2.*  
*D. de heredib. instituend.* Fratres pariter inter se,  
& cum fratrum praemortuorum filiis re tantum  
coniuncti sunt: iridem filii vnius praemortui  
fratris cum filiis alterius fratris praemortui con-  
iuncti quoque sunt re tantum. Et primo qui-  
dem quisque fratrum, quaeque filiorum stirps

COR-

coniuncti esse debent re tantum. Quum enim quisque fratrum, quaeque stirps filiorum virilem capiat portionem, legis verba ita intelligenda sunt, ut quisque fratrum separatim, & filii fratrum vocari simul videantur, ut in capita illi succederent, hi in stirpes. Re quidem vera quum fratres, & fratrum filii communi *filiorum* vocabulo, vocentur, plures filii inter se copulantur, & a quoque fratrum ita disiunguntur, ut filii non aliam portionem capiant omnes, quam quae fratribus contigisset, atque ita vocentur in stirpes: quod tamen non fieret, si fratres disiecti non forent cum fratrum defunctorum filiis, hique minus inter se coniuncti, omnesque vnus patris sui potestate nonungerentur. Deinde filii vnus stirpis a filiis alterius stirpis re tantum coniuncti esse debent. Nam filii fratrum inter se verbo *stirpium* ita connectuntur, ut qui ex vna stirpe sunt a filiis stirpis alterius secernantur; & licet plures paucioresve ex vna stirpe sint, omnes, quoniam vnus personae potestate funguntur, eam accipiant portionem, quae patribus contigisset suis: quod ne quidem fieret, nisi filii ex vna stirpe a filiis alterius stirpis disungerentur, reque tantum coniuncti forent.

§. V. His ita praefructis, quaestiones inde de iure adcrendi, inter legitimos heredes facile soluantur. Et primo si vnus ex heredibus in capita succedentibus deficiat, eius portio tam ceteris, qui succedunt in capita, quam iis, qui veniunt in stirpes, adcrebit, *arg. L. 12.*

( CLXXXII )

*pr. D. de bonor. possess. contra tabul.* Nam qui succedunt in capita inter se, & cum iis, qui in stirpes vocantur, simul acceptis, re tantum coniuncti sunt: ergo coniuncti aequè omnes, omnibusque proinde deficiens adcreſce e portio debet. At quom illi, qui in stirpes succedunt, re simul & verbis copulentur, omnesque re & verbis coniuncti vnus personae potestate fungantur, *L. 34. pr. D. de legat. 1.*, vbi concurrant cum iis, quibus re tantum coniuncti sunt; iam patet, eos vnus ferrè personae partem, *arg. L. 11. §. 1., L. 12. D. de bonor. possess. contra tabul.* Itaque in proposita specie si vnus ex fratribus deficiat, virilis eius in tres partes diuidetur, quarum vna fratri superstiri, altera filiis ex vno fratre praemortuo editis, tertia filiis ex altero fratre praedefuncto cedit. Idem quom ii, qui in stirpes succedunt, arctiori inter se vinculo conuectantur; si vnus ex eis deficiat, eius portio iis dumtaxat, qui sunt eiusdem stirpis, iure adcreſcendi debetur. Qua de causa in eadem superius allegata specie si vnus alterutrius stirpis suam amiserit hereditatis partem, haec propriis tantum fratribus, qui ex eadem stirpe sunt, adcreſcit, non patris, non patruelibus eius.

§. VI. Venio ad *edictum successorium*, cui nomen factum est ab edicto, quo praetor pollicetur, inter eos, quibus bonorum possessio defertur, successionem se daturum, *L. 1. §. 10. D. de successor. edicto*; est enim successio hae in causa repudiatae, vel quouis alio modo amissae  
here-



( CLXXXIII )

hereditatis in alios transmissio. Ea duplex est, vel *graduum*, vel *ordinum*. Graduum successio est, quum proximioribus, qui in aliquo ordine sunt positi, omittentibus, hereditas iis, qui in sequenti sunt eiusdem ordinis gradu deferatur. Praetor, quum ad honorum possessionem vocasset eos, qui iure ciuili ab legitima successione excluduntur, e re fore publica duxit, honorum possessionem, quam amisisset proximior, aliis insequentis gradus deferre. Quia in re ab iure ciuili prorsus desciiuit. Quippe iure ciuili, quo nomine prudentum heic interpretatio venit, proximis sic hereditas deferrebat, ut in illorum tantum persona consisteretur, nec, si ab heredibus proximis mortis sortasse praeuentis adita non fuisset, aliaue ratione amissa, ad insequentes gradus transmittebatur. Atque hinc edictum successorium in liberis et cognatis tantum obtinet, non in suis heredibus, non in legitimis, qui iure ciuili ad successionem vocantur. Ita si duo fratres, qui nec adgnatum, nec cognatum habent aliquem, nisi auiae fratrem, hoc est auunculum magnum, qui quarto ab iis gradu abest, decesserint; si auunculus hic magnus eorum adierit hereditatem ex testamento, quod falsum postea fuerit repertum, nec impetrata ab intestato honorum possessione vita functus sit ( potest enim ab intestato succedere, qui ex testamento, quod falsum postea detectum est, adit hereditatem, nec censetur intestatus successioni renunciare, quum sibi eam ignoret delatam, L. 8. D. de petitione heredit., L. 19.

M 4

D. de

*D. de inoff. testam.*); imperatores Diocletianus et Maximianus in *L. 2. C. de edicto successorio* rescripserunt, cognatum quinto gradu ab iis constitutum bonorum possessione ex *capite successorio* posse eorundem vindicare successionem.

§. VII. Iam quoniam praetor edicto successorio suos heredes noluit complecti, locum in iis successionibus haud esse traditur in *L. v. §. 8. D. de suis et legitim.*: quod ita intelligendum est, ut si sui heredes deficiant, qui sunt ex iis generiti iure fuitatis haudquaquam succedere possint. Sequens species rem reddit clariorem. Filio & nepote in aui potestate constitutis, moritur avus, cuiusque hereditas ipso iure filio defertur; filio postea e vivis discesso, utut hereditate se abstinerit, eadem aui hereditas nepoti prout suo heredi non defertur, hoc est eundem is patris sui locum non subit, ut quemadmodum pater iure fuitatis, ita quoque avo nepos succedat (\*). Huius iuris

---

(\*) Ex iuris regula, qua inter suos heredes locum non est successioni, alicuique iuris principis, quaestio illius deciso pendet: Si aui & patris hereditas alicui delata sit eodem ferme tempore, an is, omitta patris hereditate, avo possit tantum ab intestato succedere, & si potest, quo iure possit? Quaestionem hanc varie atque varie ab interpretibus iactatam (quam hoc in loco pertractandam esse duximus, quia prius principia erant illa iuris pernoscentia, ex quibus ea pendet) ut probe enodemus, ponenda est principio species. Avus, qui filium, ex eoque nepotem habet, intestatus decedit; paullo post filius quoque moritur, sicque vno ferme tempore nepoti hereditas defertur utrius-

( CLXXXV )

iuris ratio est, quia parentum ab intestato mortuorum hereditas ipso iure transit ad suos heredes; nepos autem, filio praecedente, non est suus heres auctoris, §. 2. *Instit. de hereditatib. quae*

ab

utriusque. At is patris hereditate posthabita ob ingens sorte aes alienum damnosa, vnus aui cupit suscipere hereditatem: quaeritur an possit, & quo iure? De hac controuerfia existat Constantini rescriptum in *L. ult. C. unde liberi*, his conceptum verbis: *Qui se patris post auum intestatum defuncti negat heredem, mortui aui paterni suscipere facultatem non potest, maxime emancipatus, nisi per bonorum possessionem ad huiusmodi beneficium peruenerit*. Sed quum haec constitutio generalis sit admodum & ambigua, ex aliis iuris locis est interpretanda. Plures sunt distinctiones adhibendae, diuersaeque respondendum. Nam distinguendum est principio, vtrum nepos tempore mortis aui fuerit emancipatus, an in eius potestate.

Si nepos tempore mortis aui emancipatus fuerit inuentus, praetorio dumtaxat beneficio patris hereditatem respuere, aui retinere poterit, vt Constantinus habet in *sic. L. ult.* Nam emancipati conditio eum iure ciuili excludit; quum emancipatum ad intestati parentis hereditatem venire haudquaquam posse constet, nisi solius praetoris indulgentia, §. 9. *Instit. de hereditatib. quae ab intestat.* Sed quum emancipati hodie ex nouell. *CXVIII.*, ac proinde iure ciuili succedant, vix dubium est, quin nepos eiusmodi possit auctorem tantum eo iure succedere. Quod si fuerit is in aui potestate, videndum vterius, an eius pater aui etiam obnoxius potestati fuerit, necne.

Si nepos, itemque pater in eiusdem aui potestate fue-

lue-

( CLXXXVI )

*ab intest.* Nec quidquam refert, quod filius obierit, deberitque suus heres esse; quoniam ut nepos auctoris suus heres dici possit, proximè tempore saltem, quo constat, intestatum decessisse auctorem,

fuerint, auctore mortuo, nepos in patris potestatem recedit, paterque ipso iure auctor heres exstat. Qua de causa inspicendum est, an neque pater auctor heres exstiterit, vel non. Pater auctor heres fuisse dicitur, si hereditate se expresse non abstinuerit, quum sui ipso iure statim post parentis obitum heredes evadant, nec opus habeant additione, ut hereditatem ad quosvis successores transmittant. Heres autem non fuisse dicitur, si abstinuerit se hereditate. Si pater quidem hereditate se non abstinuerit, eius auctore hereditates veluti consolidantur, ac una evadere intelliguntur, *L. 10. §. 3. D. de vulg. & pupill.* Proinde nepos patris hereditatem repudiando eiusdem hereditatis partem alteram acceptare, alteram repudiare videretur. Hereditatem vero scindi, portionemque unam retineri, alteram reiici iura non patiuntur. Atque ita nepos, qui patris hereditatem respuerit, quoniam ea cum auctore hereditate consolidata iam est, & illam auctore videretur repudiare. Sicque nullo pacto nepoti licebit auctoris bona a paternis separare, ac illa retinere, haec respuere. Quod si vero pater hereditate auctore se abdicaverit, si ius civile consideretur, nec etiam poterit nepos istae paternae bona ab auctore separare. Nam quum non sit in suis heredibus successio, nepos, patre suo herede deficiente, eius locum subire nequit, ut quemadmodum pater iure suorum, sic etiam nepos ut suus, ac proinde iure civili, soli auctore succedere possit. Sui enim ipso iure heredes existunt, paternisque bonis se immiscere iure civili.

( CLXXXVII )

auium, debet esse, §. 7. *Instit. eod.*, parumque refert, si talis euaserit postea. Verumtamen nepos bonorum possessione *unde liberi*, quae iis quoque datur, qui sui heredes non sunt, aui praec-

ciuii coguntur; & quamuis abstinere se possint beneficio practoris, qui id fauore suorum heredum introduxit; iure tamen ciuii heredes esse non desinunt, ac sequentibus semper obstant, quominus ut sui succedant: itemque iure suitatis ii succedunt, qui tempore mortis in parentis potestate fuerunt, graduque proximi: nepos autem etsi tempore mortis in defuncti aui potestate constitutus, proximus tamen non erat, quum pater eum gradu, praecederet. Itaque iure ciuii nepos, quum ei pater obilet, tamquam suus aui non succedet; tantum abest, ut eodem iure bona paterna abicere, auita retinere possit. Sed quum ei tamquam libero iure praetorio bonorum possessio deferatur, is equidem aui tantum succedere potest, sed iure praetorio ut liber, non ut suus iure ciuii: quod & nouissimo iure obtinere non incon- sultus putat Hugo Donellus ad *cit. L. ult. C. unde liberi*, ea sane ratione quia Iulianus in *noell. CXVII.* quamuis inter suos & emancipatos discrimen sustulerit, liberosque succedere omnes ex aequo iusserit; nihil ei tamen derogare placuit illi veteris iuris principio, quo suus ipso iure parenti existat heres, & quamuis hereditatem repudiauerit, heres tamen esse iure ciuii non desinit; ac proinde non sustulit regulam, qua non est inter suos successionis locus.

Quaeres, an hoc casu nepos possit ut adgnatus saltem aui succedere iure ciuii, quum certum sit ei adgnatum esse, quia per patrem iungitur? At nepos ne hoc quidem nomine poterit aui tantum suscipere hereditatem.

( CLXXXVIII )

praetoris indulgentia succedit, ut nepos utique iure praetorio, non civili.

§. VIII. Non modo in suis heredibus, sed & in agnatis quoque olim successioni haud erat

tem. Nam etsi in agnatis successionem admissam ab imperatore fuisse prodit Tribonianus §. 7. *Instit. de legitim. agnator. success.*, admisisse tamen in suis heredibus nusquam reperitur. Nec vero hac in causa in agnatis eadem, ac in suis heredibus ratio viget. Nam si agnatus proximus deficiat, mirum nemini videri debet, si ad eandem hereditatem sequens agnatus vocetur; quoniam agnatus proximus defuncto heres non existit, quum in defuncti potestate non fuerit; ideoque nec suus heres fuit, sed utique extraneus, qui in ea conditione est, ut hereditatem, nisi additione, acquirere nequeat: quia quidem non adita, numquam defuncto heres fuisse dicitur. Quo fit, ut agnatis insequentibus impedimento non sit, quominus illi eandem hereditatem suscipiant ut agnati. Sed in suis heredibus fecus est. Liberi enim, qui erant in aui sacris tempore mortis, ac heredes proinde sui, extra additionem statim post aui obitum heredes sunt iure civili, eodemque iure, velint nolint, eius hereditati se immiscere teneantur, ac semper erunt heredes. Et quamvis iure praetorio se possint hereditate abstinere; nihilominus tamen, quoniam beneficium hoc ex iure praetorio derivat, & heredes porro manebunt; liberisque ulterioris gradus semper impedimento erunt, quominus aui vel ut sui, vel ut agnati iure civili succedant. Ex quo sequitur, ut nepos, quem pater suus heres praecedebat, aui iure civili succedere non possit, nec ut suus, neque tamquam agnatus, utut pater se hereditate abstinerit.

Demum

( CLXXXIX )

erat locus; proinde repudiante proximo, vel alio modo deficiente, ad insequentem adgnatorum gradum hereditas non deferebatur. Non omnibus simul adgnatis, ait Gaius institution. lib. II. tit. 8. §. 4., dat lex XII. tabularum hereditatem, sed his, qui tunc, quum certum est, aliquem intestato decessisse, proximo gradu sunt: nec in eo iure successio est: ideoque si heres proximus amiserit, vel, antequam hereditatem adierit, decesserit, sequentibus nihil iuris competit. Et Paullus sententiar. lib. IV. tit. 8.: In hereditate legitima successioni locus non est. Concinit Vlpianus fragmentor. tit. XXVI. §. 5.: Quod si nemo eorum ( hoc est adgnatorum ) adierit, ad insequentem gradum ex lege hereditas non transmittit.

---

Demum si pater ( ad alteram venio subdistinctionis partem ) obnoxius non fuerit aui potestati, non ambigitur, nepotem non tantum iure praetorio bonorum possessione, verum etiam iure civili aui hereditatem suscipere, patris autem omittere posse. Nam quoniam pater non fuit in aui potestate tempore mortis, nepos vero in sua potestate remansit, hic solus aui suus heres dicitur esse, §. 2. Instit. de hereditatib. quae ab intest., ilque vnus iure civili ad aui hereditatem vocatur, §. 1. Instit. eod. At quum iure nouissimo id abrogatum esse videatur, patremque potius tamquam proximiores, vtut emancipatum succedere, ac nepoti ex se genito licet in aui potestate constituto praeferrí, vt obseruauimus capitulo III. §. 15.; dicendum est, nepotem ad aui tantum hereditatem venire tum posse, quum pater heres non fuerit, hoc est quum hereditate non adita vel repudiata decesserit.

mittitur, quoniam in legitimis hereditatibus successio non est (\*). Adgnato autem a successione sic excluso bonorum possessionem unde cognati praetorem dedisse videtur: quod scite obleruat Schultingius ad *cit. loc. Gaii*. Nam adgnato proximo deficiente praetor successivae cognatis bonorum possessionem indulgebat. Vt autem succederet adgnatus iure honorario, opus erat, ut is etiam cognatus esset: qui enim alias quā cognatus bonorum possessionem petiisset? Iamvero imperator Iustinianus in constitutione de *iure patronatus* (\*\*) vetus ius correxit, statuitque,

---

(\*) Id effectum videtur non aliqua expressa XII. tabularum lege, sed prudentum interpretatione, ut obleruat Carolus Hannibal Fabrotus ad *Theoph. papaph. §. 7. Instit. de legit. adgnator. success.* Quum enim lex XII. tabularum hereditatem proximo adgnato detulisset; si proximus adgnatus defecisset, prudentibus visum est, vnica illa delatione potestatem vniueque iam legis fuisse absorptam, nec sequentem adgnatum, quem utpote remotiorem lex non vocauerat, potuisse succedere: quod adnotat clarissimus Ianus a Costa ad *cit. §. 7. Instit.* Hinc Paulus rationem redditurus, cur in hereditate legitima successio non sit, *cit. loc.* continuo subdit, *quia omnis successio proximiori defertur*, scilicet semel: quo in loco non est, cur pro omnis a quibusdam legatur *emissa*, vel cur Hotomanus ad §. 6. *Instit. eod. reponat, emissa*, hoc est *in medio posita*.

(\*\*) Huius constitutionis meminit Iustinianus §. 7. *Instit. de legit. adgnator. success.*, *pr. Instit. de seruil. cognat.*, *L. 4. C. de bon. libertor.*, & aliis in locis.



que, ut hereditas adgnato proximo delata, & amissa, aliis sequentis gradus adgnatis deferretur: Sane quemadmodum in legitimis tutelis successioni locus est, hoc est adgnato proximo, cui tutela legitima defertur, capite minuto, vel mortuo, in tutelae geritionem succedit sequentis gradus adgnatus, *L. 3. §. penult. & ult. D. de legitim. tutorib.*: ita quoque rationi consonum imperatori visum est, ut quod in onere tutelae, idem & in hereditatis lucro obtineret, *§. 7. Instit. de legitim. adgnator. success.*: atque ita edictum successorium, cui inter cognatos tantum locus erat, ad adgnatos etiam productum est. Ergo fratre vivente, qui proximus fuit delatae hereditatis tempore, eius filius hodie iure legitimo ad hereditatem admittitur, quum olim, ut remotior tempore delationis, excluderetur. Ceterum iure nouissimo successione adgnatorum, & cognatorum exaequata, beneficium hoc nullum visum habet, nisi quod ut adgnati cognatique remotiores, proximioribus deficiant.

---

locis. Sed ea, utpote Graeco idiomate exarata, eum ipse indicat imperator *§. 3. Instit. de success. liber. ter.*, temporum iniuria intercidit. Epitomen eius dedit Cuiacius *observat. lib. XX. cap. 34.*, quam in quibusdam membranis Latine scriptam se reperisse testatur. Idem Cuiacius *cit. loc.* eandem Graece latioremq; ex Basilicis restitutam exhibuit. In constitutione Latine epitomata iura tantum patronatus definita inveniuntur; sed in Graeca ex Basilicis errata de successione quoque inter legitimos admittenda cauetur.

ficientibus, succedant, bonorum possessione amplius non sit opus.

§. IX. Quamvis autem iure Iustiniano successio inter adgnatos fuerit introducta; eo tamen iure successio inter suos heredes numquam admissa est; atque falsa est illorum sententia, qui saltim *novel. CXVIII.* successionem inter suos inductam opinantur. Ratio enim, cur in suis heredibus non detur successio, in promptu est, nimirum quia sui rerum paternarum statim post parentis obitum heredes sunt ipso iure citra aditionem, ac ita semper heredes dicantur esse, quamvis beneficio praetoris se hereditate abstinuerint; quippe etiam si abstinuerint, iure civili semper heredes esse intelliguntur, *L. 6. §. 2. D. de bon. libertor., L. 30. §. 10. D. de fideicomm. libertatib.;* ac proinde sequentibus impedimento semper erunt, quo minus quâ sui vocari possint. Praeterea suus est, qui tempore mortis in potestate defuncti constitutus inueniebatur, proximumque in familia locum obtinebat. Ergo si filius suus heres se abstinuerit, ex eo nepos, qui licet & ipse in defuncti sacris esset tempore mortis, proximum tamen locum in familia non obtinebat, ut suus auctore succedere nequit. Sed, praeter quam quod numquam successio expresse inter suos admissa, Iustinianus in *novell. CXVIII.* haud effecit, quo minus sui statim post parentis obitum heredes forent, neque ut sui heredes essent ii, qui in familia proximi non sunt. Nec vero, quia imperator successionem inter

ad-

( CXCIII )

adgnatos inuexit, argumentum exinde trahi ad suos poterit. Produxit ad adgnatos edictum successorium Iustinianus, nulla iuris ratione aduersante, quoniam adgnati, ut reliqui heredes extranei, hereditatem ut acquirant adire debent, eaque non adita heredes haudquaquam defuncto esse dicentur: ac proinde impedimento sequentibus esse nequeunt, quo minus ad hereditatem amissam ut adgnati vocari possint: quod in suis secus est.

§. X. Haecenus de graduum; nunc de ordinum successione. Ordinum successio, quae in iure passim quoque audit *partium*, *capitum* successio, dicitur, quum integer personarum ordo, cuius potior est in petenda bonorum possessione causa, iure petendi bonorum possessionem exciderit, ad eamque sequens ordo vocetur. Quatuor sunt succedentium ordines ex edicto praetorio, liberorum scilicet, legitimorum heredum, cognatorum, viri & uxoris; hi namque in iure successorum ab intestato sunt ordines, *L. 1. §. 1. D. unde liberi*, *L. 1. D. quis ordo in bonor. posses.* Ergo si liberi bonorum possessionis petendae ius amiserint, adgnatis ea desertur, & his vero etiam amittentibus, ad cognatos, tandemque postremo loco abit ad coniuges. Quaerit iurisconsultus in *L. 1. §. 11. D. de success. edicto* an, sicut primis repudiantibus, vel alio modo hereditatem amittentibus, sequentes succedunt, ita etiam eadem ratione idem sibi ipse succedere possit, hoc est quemadmodum si filius bonorum possessionem *unde liberi*

( CXCV )

*beri repudiauerit, vel tempore amiserit, ceteris desertur* ( ita Florentiae recto quidem legitur sensu ) bonorum possessio *unde legitimi*; ita & ipsemet filius an sibi succedere possit ex hac etiam parte, ac bonorum possessionem petere *unde legitimi*? Respondit, posse, eique bonorum adhuc possessionem *unde cognati* post illam competere. Filius enim adgnatus est patri proximus, *L. 10. §. 3. D. de gradib. & affinib.*, itemque cognatus, quum is, qui adgnatus est, & cognatus sit, *cir. L. 10. §. 4.* Iure ciuili ordinum successio olim dari non poterat; quum enim sui heredes & adgnati ad hereditatem vocarentur; suis heredibus abstinentibus, vt mox ostendam, adgnati eo iure non succedebant, multoque minus adgnatis repudiantibus, alioque modo ab hereditate exclusis, cognati, qui praetoris tantum indulgentia, non iure ciuili ad hereditatem admittebantur. At hodie iure itidem ciuili ordinum successionem esse exploratum est, ac quatuor etiam sunt nouissimo iure Iustiniano succedentium ordines, vt olim; variato tamen ordine secundo & tertio, puta liberorum, parentum, collateralium, siue adgnatorum & cognatorum, tandemque viri & vxoris. Si ergo liberi, qui suorum tamen numero non sint, delatam sibi hereditatem repudient, parentes succedere non prohibentur iure ciuili, ac, his etiam repudiantibus, adgnati & cognati simul; quinimmo liberi & parentes, qui hereditatem repudiaffent, vocari quoque possunt in ordine collateralium, ceterisque col-

lateralibus praeferri, ut propiores agnati, vel cognati.

§. XL. Iamvero suis heredibus abstinentibus, in quibus nec graduum successionem esse iam obleruimus, sequens legitimarum personarum ordo succedere iure civili nequit; atque iure praetorio nonnisi cognatorum iis succedere ordo potest. Et iure quidem civili quum sui statim post parentis obitum fiant heredes etiam inuiti, §. 2. *Instit. de hered. qualis. Or' different.*, §. 2. *Instit. de hereditatib. quae ab intest.*; fieri numquam potest, ut hereditas, quae suis statim acquisita est, aliis deferri possit acquirenda. Et quauis praetor suis hereditati leuissimae necessitatem relaxauerit, L. 57. *D. de acquirend. heredit.*, seque pro heredibus non habere suos, qui abstinuerint, aperte professus sit, L. 12. *D. de interrogator. actionib.*; non tamen desinunt iure civili heredes esse, L. 30. §. 10. *D. de fideicom. libertatib.*, L. 6. §. 2. *D. de bon. libertor.*: propterea quippe iuris regula est, eum, qui semel fuit heres, numquam heredem esse desinere, L. 88. *D. de hereditib. instituend.* (\*)

N. 2. In-

(\*) Atque hinc ab imperatoribus Diocletiano & Maximiano in L. 2. C. unde liberi rescriptum est, ex testamento, vel ab intestato existente filio, vel nepote suo herede, neminem ab intestato heredem existere. Eadem prorsus ratione iidem Augusti habent in L. 2. C. de usucap. pro hered., nihil pro herede usucapi posse, suis heredibus existentibus, hoc est, ut doctissime Cuiacius interpretatur, suis heredibus exist-

Iure tantum praetorio suis heredibus cognatorum ordo succedit. Nam statim ac hereditas iure civili suis defertur, ii ad bonorum quoque possessionem unde liberi vocantur iure praetorio: qua repudiata, aliaque ratione amissa, praetor eis bonorum possessionem defert ex capite unde legitimi, tandemque postremo loco ex capite unde cognati, L. 4. §. 1. D. quis ordo in bonor. posses. Quum enim sui heredes & liberi sint, & proximi etiam adgnati, L. 10. §. 3. D. de gradib. & affinib., proinde & proximi cognati, quum qui adgnati sunt, iidem cognati sint quoque, cit. L. 10. §. 4.; hinc praetor suis heredibus, & bonorum possessionem unde liberi, itemque, post eam, bonorum possessionem unde legitimi defert, tandemque bonorum possessionem unde cognati. Legitimi ergo heredes, suis exstantibus, a successione excludi omnino debent, vtut sui se abstinerint. Sui enim heredes, quamuis bonorum possessionem unde liberi repudiauerint, aliam tamen habent bonorum possessionem, ex qua legitimi vocantur, eaque proinde legitimos excludunt omnes. Atque hoc est, quod dicitur in L. 2. D. unde legitimi: *Suos, qui bonorum possessionem ab intestato repudiaverunt, adhuc obflare legitimis, hoc est his, quibus legitima potuit deferri hereditas: idcirco, quia repudiando quasi liberi, hanc bonorum possessionem incipiunt habere quasi legitimi.* Et rursum quamuis  
bo

---

stentibus, vtut abstinentibus, neminem heredem fieri posse, vel pro herede vsucapere.

## ( CXCVII )

bonorum possessionem unde legitimi repudiauert, postremo loco habent bonorum possessionem unde cognati, qua cognati omnes excluduntur. Hac deum repudiata, cognati propioris gradus vocandi sunt, non regressus dari legitimis debet, quod sane foret absurdum, transitu iam ad bonorum possessionem unde cognati facto (\*). Nouissimo iure

N 3

cx

(\*) Dissimulari nequit, huic doctrinae grauitur obflare Diocletianum & Maximianum in L.6. C. de legitim. heredib., qui sic habent: *Defunctis suis, exstantibus hereditibus, & abstinentibus, vel repudiantibus hereditatem, frater iure consanguinitatis succedere potest*: quam legem ita explicant plerique, vt si defunctus suos heredes reliquerit, qui hereditate se abstinerint, ad illam possit iure consanguinitatis frater admitti iure ciuili. Alii vero generatim aiunt, fratrem iure praetorio succedere posse, quorum in numero sunt Cuiacius ad tit. D. de edicto successorio, & Faber de errorib. pragmatior. decad. XXIX. error. 10.: alii bonorum possessione unde legitimi, quae fratri iure consanguinitatis succedenti conuenit. Sed Bartholomaeus Chelius interpretation. iur. lib. I. cap. 7., aliorum interpretationibus expensis & explosis, sententiam in medium proferit suam quam verosimillimam. Primo verbum *defunctis* referendum ait ad verbum *suis*, atque ita commae adpingendum monet, non post verbum *defunctis*, vt vulgo, sed post illa *defunctis suis*, vt sensus sit, si existant heredes, qui se abstineant, vel repudiant hereditatem, consanguinitatis iure posse fratrem succedere. Deinde speciem legis effingit hoc pacto. Quidam extraneum testamento heredem scripserat, liberos, qui sui erant futuri, exheredauerat: decessit, hereditibus scriptis deliberantibus: his interim deliberantibus sui quoque mortui sunt; ac postea re-

( CXCVIII )

ex *novel. CXVIII.* ut suis repudiantibus sequens  
admittatur ordo, bonorum est quoque possessio  
ne.

redes scripti hereditatem repudiarunt . Ah imperato-  
ribus in *cit. L. 6.* constitutum, fratrem defuncti iure  
consanguinitatis succedere posse : quae optima est, &  
iuris rationi congruens decisio . Nam lege XII. ta-  
bularum proximus agnatus, suis non exstantibus, suc-  
cedit ; & proximitas, si testamentum quis condiderit,  
spectanda est tempore, quo testamentum destruitur, §.  
6. *Instit. de legit. agnator. success.* ; quumque in *cit.*  
*legis* specie repudiantibus heredibus institutis, suisque  
iam mortuis, agnatus esset frater proximus, iure  
consanguinitatis succedere equidem poterat . Recte  
autem ponuntur sui exheredati, aliqui nullum testa-  
mentum esset, *pr. Instit. de exheredat. liberor.*, *L.*  
*30. D. de liber. & postum.*

Ut vero haec interpretatio magis conualescat, obser-  
vandum est, verba *exstantibus heredibus* tantumdem vale-  
re, ac si dictum fuisset *existentibus heredibus*, nimirum  
scriptis, qui & heredes dici possunt, ut ut nondum sibi  
quaesiverint hereditatem ; quippe in iure non raro heres  
vocatur is, qui heres tantum est scriptus, non adhuc est  
hereditatem consequutus, *L. 23. §. 2. D. de heredib. in-*  
*stituend.*, *L. 10. D. de adquirend. vel omittend. her-*  
*edit.* Verba autem mox subsequencia *& abstinentibus*  
*vel repudiantibus hereditatem* videntur simul stare non  
posse ; nam abstinere se hereditate suorum est pro-  
prium, repudiare vero extraneorum . Itaque dicendum  
est, improprie heic positum esse verbum *abstinentibus* ;  
quippe ut saepe sui dicuntur *adire & repudiare*, *L.*  
*32. §. vit. D. de test. tut.*, *L. 2. C. de legit. heredi-*  
*b.*, *L. 2. C. si minor ab hereditate se abstineat* ; ita  
mirum non est, si in hac *L. 6.* abstinere extraneos  
dictum fuerit, quemadmodum in *L. 14. D. de fidei-*  
*comm. libertatib.* extraneus dicitur quoque se abstinere .

re .



necessaria; nisi quod, adgnatorum & cognatorum exaequata successione, adgnati aequè ac cognati bonorum possessione *unde legitimi* vocandi sunt. Iustinianus enim in *cir. nouell.*, quum illas, quas mox exposuimus, de suis heredibus iuris regulas non sustulisset; hinc & hodie sui heredes impedimento ceteris erunt, quo minus succedere iure ciuili possint.

## C A P V T VII.

*De successione coniugum. ex edicto praesorio, deque  
fisci bonorum vacantium occupatione.*

§. I. **R** Eliquum est, vt de mutua successione coniugum, ac de fisci bonorum vacantium occupatione pertractemus. Liberis ac parentibus, iisque omnibus, qui sunt ex defuncti sanguine ac cognatione, deficientibus, postremo loco coniuges ad mutuam successionem vocantur, & fisco praeferruntur. Inde vique ab antiquissimis Romae temporibus sibi mutuo coni-

N 4

iu-

re. Porro imperatores impropriad locutionem corrigere videntur particula *vel*, qua declarant se verbum *abstinentibus* accipere pro *repudiantibus*, quum *vel* idem quandoque sit ac *id est*. Lege iam ita explicata, vides, eam nihil refragari sententiae, quam superius adstruximus, suis heredibus se abstinentibus, vel repudiantibus, legitimorum ordinem succedere iure ciuili non posse.

( CC )

iuges succedebant, non ultimo, sed primo quidem loco, si mulier tamen in viri manum convenisset. Matrimonio enim *per conventionem in manum inito*, illis adhibitis solemnitatibus, quae apud veteres Romanae rei scriptores passim sunt obviae, vxor *matrisfamilias* nomine donata, in viri familiam transibat, eique sui heredis loco erat, & fiebat *κοινωνος αὐτῶν χρημάτων τῆς καὶ τερῶν*, *particeps omnium bonorum pariter ac factorum*, Dionysius Halicarnassensis *antiquitat. Roman. lib. II.*, Gellius *noct. Atticar. lib. XVIII. cap. 6.*; ideoque viro una cum liberis pro virili, liberis deficientibus ex asse succedebat. Reapse Accam Laurentiam in omnia Taruntii cuiusdam viri sui admodum locupletis bona successisse, tradunt Macrobius *Saturnal. lib. I. cap. 10.*, & Plutarchus *quaest. Roman. XXXV.*; quamvis ex testamentone, an potius ab intestato successerit, non satis liqueat. Ita vir quoque bona vxoris suae tamquam paterfamilias iure quodam peculii occupabat, ut ex Vlpiano *fragmentor. tit. XXIX.* colligi pronum est, eoque nomine ipsis liberis praeferebatur. Confer Petrum Fabrum ad *L. 91. D. de regul. iur.* At si mulier in viri manum non convenisset, quoniam eo casu viro sui heredis loco non erat, quia in eius familiam potestatemque non transierat, neuter coniugum alteri succedebat: quod potissimum arguit illud Virgilii *Aeneid. lib. VII. v. 423.*:

— *quaesitas sanguine dotes*

*Abnegat, externusque in regnum quaeritur heres:*  
vbi

ubi Servius: *De iure traxit, ut non generum; sed heredem diceret* (de Aenea loquitur). Nam per coemptionem facto matrimonio coniuges sibi invicem succedebant.

§. II. Sub imperatoribus conventiones in manum adhuc in usu erant; quum earum tamquam rei praesentis meminerint Vlpianus *fragmentor. tit. IX.*, & Gaius apud *pariat. leg. Mosai. ear. & Romanar. tit. XVI. §. 2.*, licet ea tempestate mulieres in manum cosuvenire rarius coepissent. Atque a vero quam longissime absunt, qui eas Romani imperii aevum non attigisse contendunt. Sed quum conventiones in manum tandem defuissent, successio coniugum, quae ex illis deriuabat, haud amplius obtinuit. Ex eo itaque tempore praetorio tantum beneficio poterant coniuges succedere. Praetor namque edicto *unde vir & uxor* virum & uxorem ad mutuam vocavit successionem: quod sane exigebat artificissima matrimonii coniunctio, omnis vitae consortium continens. Verum praetor nonnisi omni cognitionis linea deficiente coniuges ad bonorum possessionem vocavit; liberos enim, adgnatos, cognatosque omnes potiores iis fecit. Theodosii postmodum & Valentiniani quadam constitutione, quam ipsi memorant in *L. ult. C. Th. de legitim. hereditatib.* effectum est, ut coniux superstes cum quibsdam concurreret defuncti coniugis propinquis, remotiores excluderet. Cum propinquioribus enim superstitem coniugem *comparari* lex illa statuerat, remotioribus autem *praeferri*. Constitutio tamen isthaec, quoad eam

Par.

( CCH )

partem , in qua id statutum inueniebatur , ab illiſdem imperatoribus non multo poſt abrogata fuit , atque poſt cognatos omnes coniuges ſuccedere iuſſi ſunt in *cit. L. ult.* : quod idem cautum eſt eorundem imperatorum conſtitutione , quae proſtat in *L. vn. C. Inſt. unde vir & uxor* , quae ab illa diuerſa videtur eſſe . Atque ita coniugum ſucceſſio ex edicto praetorio de nouo reſtituta . Etſi vero coniuges omni cognationis linea deficiente ab imperatoribus ad mutuam ſucceſſionem fuerint vocati ; tamen ex eo non ſequitur , vt ii iure ciuili ſuccedere dici poſſint ; quippe Theodoſius & Valentinianus ea conſtitutione ius tantum praetorium confirmant , & adprobant , quum in *cit. L. vn. C. unde vir & uxor* ſibi mutuo coniuges ſuccedere ſtatuunt pro *iure antiquo* , quod non aliud eſſe poteſt , quam praetorium (\*) .

### §. III.

(\*) Thaleſaeus Graecus interpres ad *lib. XLV. Baſid. tit. 5.* ius antiquum in hac conſtitutione pro lege Papia decimarum accipiendum contendit . Omnino perperam . Lex Papia decimarum ad teſtamentarias tantum , non ad ſucceſſiones inteſtatas pertinebat , *L. 7. C. Th. de nauicular.* , *L. 2. C. Inſt. de inſtr. mand. poen. caſlib.* , eaque ad Honorii & Theodoſii aetum obtinuit , *L. 2. C. Th. de iure liberor.* Lege marita , quae hominum ſocunditati fouerat , inter alia cautum , vt vir & uxor *matrimonii nomine* , ſi nulli ex eo liberi forent , nonniſi omnium bonorum decimam poſſent ex teſtamento capere ; ex alio vero matrimonio liberis exſtantibus , praeter decimam , quam matrimonii nomine , vt totidem alias decimas pro

§. III. Haec praetoria coniugum successio locum habet, si iustum fuerit matrimonium; quippe si iniustum fuerit matrimonium, nequaquam honorum possessionem peti posse, ait Vlpianus in L.

pro liberorum numero ferrent; tandemque ut communis filius post nonum diem amissus vocem, duo filii duas decimas adicerent, : Vlpianus *fragmentor. tit. XV.* Adde Heineccium ad L. *lul. & Pap. lib. II. cap. 14.* Haec igitur lex, si vir & vxor intestati decederent, successionem nec tribuit, nec adimit.

Iacobus Cuiacius *observation. lib. III. cap. 12.* ius antiquum autumat illic denotare constitutionem eorundem Theodosii & Valentiniani, cuius ipsi meminerunt in L. *ult. C. Th. de legitim. hereditatib.*, quae coniuges, ut ipse ait, liberis, parentibus, aliisve propinquis exstantibus, pro certa parte, illis autem deficientibus, in solidum ad intestatam successionem vocabat; & cuius pars prior a praefatis imperatoribus in *cit. L. ult.* sublata est, posterior confirmata in hac L. *vu. C. unde vir & vxor.* Sed Cuiacius quoque a vero quam longissime abest. Primo enim falsum est, in constitutione, cuius meminit *cit. lex ult. C. Th.* cautum fuisse, ut coniuges, propinquis exstantibus, pro certa parte, illis deficientibus in solidum succederent: illic imperatores aiunt, se coniugem superflitem cum quibusdam defuncti coniugis propinquis comparasse, hoc est vocasse cum illis ad successionem, remotioribus praetuliſſe: quod iidem Augusti abrogarunt, & nonnisi cognatis omnibus deficientibus coniuges succedere statuerunt. Deinde quis crederet, imperatores ad designandam constitutionem paullo ante ab ipsis editam, fuisse *iuris antiqui* nomine v'os? Quae quum ita sint, magis est, ut ius antiquum hanc interpretemur pro iure praetorio, quo semper coniuges omni cognatione deficiente, ad intestatam successionem vocati sunt.

*L. vn. D. unde vir & vxor.* Veteres iurifconfulti iusti matrimonii, vel potius iustarum nuptiarum nomine coniugium; quod per in manum conventionem initum esset, intellexerunt. At inficiari nequit, iustum matrimonium & illud dictum fuisse, quod contra legum praecepta initum non foret, iniusto oppositum, quod legum praescipto aduersaretur, & ideo non legitimum quoque dictum Callistrato in *L. 37. §. 2. D. ad municipalem*. Sic iusti liberi sunt, qui ex legitimis coniunctionibus oriuntur, *L. 11. & 12. D. de statu homin.*; iustus pater, qui non naturalis, *L. 44. §. 3. D. de ritu nuptiar.*; & iustus tutor, qui iure datus, *L. 27. D. de testament. tut.* Ita in *cit. L. vn.* iustum matrimonium non illud est, quod fit per in manum conventionem, sed *quiquov legitimum*: quod vel inde patet, quia matrimonio per conventionem in manum habito, coniuges succedebant non iure praetorio, omni cognationis linea deficiente, sed iure quidem civili primo loco cum liberis; quum tamen Vlpianus habeat, intestatam superstiti coniugi successionem deferri post cognatos demum omnes. Itaque inter eos, qui contra legum praecepta coierint, successio ex edicto praetorio non erit; veluti si quis vxorem sibi duxerit cognatam in eo gradu constitutam, quacum matrimonium esse iura non sinunt. Ideoque si auunculus vxorem duxerit sororis filiam, inter se non succedent: vt & si quis in alicuius mulieris adulterio damnatus eandem duxerit vxorem, quod fieri vetant leges; nec inter eos erit ex

hac

hac parte successio, quia nec possunt sibi iniuicem ex testamento succedere, *L. 13. D. de his quae ut indignis...*

§. IV. Praeterea ut vxor viro succedat amplius opus est, ut intra praefinitum luctui tempus alteri non nubat. Mulier, quae defunctum maritum non luet, ac ad alteras festinat nuptias, multis Romano iure poenis subiicitur. Nam praeter infamiae notam, nihil ex testamento capere potest, non legata, non fideicommissa, & ea potissimum, quae a viro suo sunt ei relicta, nedum eidem viro intestato succedere; quinimmo ab hereditatibus legitimis vel praetoriis ultra tertium gradum repellitur, *L. 1. C. de secund. nupt.* Annus lugendo viro praestitutus est, primis quidem Romae temporibus decem mensibus constans, hoc est annus lunaris a Romulo institutus, *Séneca consol. ad Helu. cap. XVI.* posteaque integer annus, hoc est XII. mensium, *L. 2. C. eod. (\*)*. Mulier itidem

---

(\*) Lugendi legitimum tempus annus decem mensibus constans fuit ad Theodosii tempus, ex Romuli institutione. Ovidius *lib. 1. fastor. in princip.*: Remulus

in anno

*Constitutis menses quinque bis esse suo*

Et paullo post:

*Per totidem menses a funere coniugis vxor*

*Sustinet in vidua tristitia signa domo.*

Quamvis autem Numa Pompilius annum duobus mensibus auxisset, non auxit tamen annum luctus. Atque ita quum matronas Romanas per annum luxisse

Bru-

( CCVI )

dem vxor debet esse mortis tempore, sicut in cognatis exigitur, vt cognati sint tempore mortis, quum qui cognati esse desierint, puta seruitute, a bonorum possessione repellantur. Atque ita quae vxor esse desiit, veluti diuortio, ad praetoriam bonorum possessionem non vocatur: quod

Brutum memoriae prodiderint *Liuius lib. II. cap. 3.*, & *Plinius de viris illustribus*, is annus debuit profecto esse decem mensium. Insequenti tempore propter lugentium ex Cannensis clade frequentiam statutum, vt luctus C dies non egrederetur, teste Festo in *Grascae sacra*, vel potius XXX., vt habet *Valerius Maximus lib. I. cap. 15.*: quod tamen ad tritiores habitum referunt plerique omnes, non ad id spatium, quo mulieres nouis nuptiis se debent abstinere propter feminis & sanguinis turbationem. Tandem *Theodosius in L. 2. C. de secund. nupt.* annum lugendo integrum, hoc est XII. mensium, praestituit.

Mulier vero intra luctus tempus nuptiis se debet abstinere, quia sanguinis turbatio metuitur, siue, vt *Basilici*, & *Harmenopolus* aiunt, consilio feminis, & sanguinis. Etenim si ea priori ex marito conceperit, & post illius obitum alteri continuo se nuptui dederit, tam primi, quam secundi viri sanguis ita perturbari potest, vt cuius sit partus post editus, omnino ignoretur. Quinimmo etiam si ex priori viro concepissem certum sit, sanguinem turbari quoque posse propter *superfecundationem*, docet *Mercerius lib. II. opinion. cap. 10.* Quid quod fetus ex priori marito conceptus corrumpi quoque posset ob lactationem, quum primis tribus mensibus sit tamquam flos in arboribus, obseruante *Galeno in IV. aphorism. lib. I.* Quae omnia quum in feminis tantum, non in maribus locum habeant; hinc intelligitur, cur sola vxor intra luctus annum nouis se nuptiis teneatur abstinere.



quod aeque obtinet, etsi mulier diuorterit, & diuortium non valuerit, ac coniux permanferit; quippe, quantum in ea fuit, diremptum matrimonium est. Sic liberta, quae patrono suo nupserrat, si ab eo diuorterit, quamvis inuita maneret vxor, ac nullum effet diuortium ex lego Iulia de maritandis ordinibus, L. 10. D. de diuortiis, L. 50. D. de visu nuptiar.; omnis commodi, quod vxoribus competit, intestatae praecipue successione, redditur expers, ob allatam patrono suo iniuriam, L. vn. D. vnde vir & vxor. Quum vero certas tam viro, quam vxori definiuerint diuortendi causas Theodosius & Valentinianus L. 8. §. 2. & 3. C. de repudiis, itemque Iustinianus L. 10. & 11. §. 2. C. cod., nouell. XXII. cap. 15., nouell. CXVII. cap. 8. 9., & nouell. CXL. cap. 1., qui postremus, si citra iustam causam esset diuortium factum, matrimonii commodis noluit innocentem coniugem defraudari, statuitque, vt ei dos, vel propter nuptias donatio, communibus liberis deficientibus, cederet; hinc liquet, ex coniugibus illum a successione repelli tantum, qui iniustam ob causam diuortisset, alterum innocentem succedere. Sed hodie apud nos diuortii causa coniuges hac bonorum possessione priuari nequeunt, quum ob ecclesiae δογματικην matrimonium sit indissolubile.

§. V. Sed & maritum, si vxorem occiderit, non modo, si nulla iusta fuerit occasio eam occidendi, verum etiam si eam deprehenderit in adulterio, necatae coniugis successione indignum fieri

fieri dicendum est. Nam etsi leges patri filiam in ipso adulterii probro detectam, adulterumque interficiendi fecerint potestatem, ac viro quoque adulterum vilem & abiectum internecandi, *L. 23., L. 24., L. 32. D. ad L. lul. de adulter.*; nusquam tamen eidem viro uxorem perimendi ius datum, sed si is adulterum occiderit, hoc vnum ei iniungitur, vt uxorem adulteram statim debeat dimittere, *civ. L. 24. §. 1.*; ac si doloris impetu, quem temperare vix licet vlli, uxorem occiderit, sola ordinaria ex lege Cornelia remissa poena, in opus publicum tradi, si humilis loci sit, sed si qui honestior, relegari debet ex diui Antonini rescripto, *L. 38. §. 8. D. eod., L. 1. §. ult. D. ad L. Cornel. de sicariis*. Vnde constat, vxoris vtut in adulterio deprehensae internecionem sane criminolam esse. Quum itaque vir ob tale facinus mulieris occisae doris iacturam faciat, *L. 10. §. 1. D. soluto matrimonio*; potiori equidem ratione tenendum est, & ab vniuersa bonorum possessione repellendum, argumento etiam *L. 9. D. de bis, quae vt indign. auferunt*.

§. VI. Est & alia quaedam coniugum successio nouellis inducta Iustiniani constitutionibus, quibus superstitem coniugem in certam hereditatis partem admitti datum est. Principio imperator vxori a viro sine iusta causa eiecdae, quae sine dotalibus instrumentis nupsisset, quartam eiusdem viri bonorum partem dari iusserat in *L. ult. C. de repudiis*. Sed postmodum nouell. *LIII. cap. 6.* constitutionem hanc suam produxit ad

ad speciem, vbi mariti morte solum foret matrimonium; atque vxorem inopem, siue sine dote nuptam; eo quoque casu ad viri bonorum quartam partem vocauit; similiterque virum in bonorum suae vxoris mortuae quartam, si inopia laboraret, succedere iussit; etsi ascendentes, vel ex latere cognati, vel ipsi etiam liberi existerent. Tandemque huic constitutioni derogauit idem imperator *novell. CXVII. cap. 5.*, vbi vxorem ( non virum ) in plenam quartae proprietatem vocauit, si liberi deficerent; his vero exstantibus, siue communibus, siue viri tantum, quos ille ex alio matrimonio suscepisset, si quidem hi numerum quaternarium non exaequarent, ad plenam quartae proprietatem admisit, si vero quatuor pluresue forent, ad virilis portionis vsum fructum, ne portiones hereditatis, quae liberis summo iure debetur, in exiguas euaderent (\*). De viro nihil attigit imperator; proinde is in plenam semper quartae proprietatem succedet ex *novell. LIII.* Quorsum, si ita est, inter virum & vxorem diuersitas isthaec? Ni-

O

mi-

---

(\*) Cuiacius ad *novell. LIII. in fin.* Donellus *commentar. de iur. ciuil. lib. IX. cap. 1. §. 14.*, alique doceant, vxorem semper quartae, vel virilis vsum fructum tantum capere, quamuis liberi sint quatuor pauciores. Sed ego puto verius, eam in plenum quartae dominium venire, si liberi in numerum quaternarium non adfuererint. Eo namque casu mulieri quartam ex *virii substantia* ( quae verba certe arguunt plenum dominium ) dari praecipit *novell. CXVII. cap. 5.*

mirum potius videtur esse ius viri egestate pressi in liberorum bona, quam vxoris; & vir insuper, a quo dumtaxat munera in republica geruntur, maiori, quam mulier, indiget auxilio (\*).

§. VII. Haec est mutua coniugum successio Iustiniani placitis nouissime introducta, quam tamen vni vxori, non viro, tribuunt plerique, nominatim Cuiacius, Rittershysius, Wissebachius, Renshinus, & Borcholten, quos omnes erantuerlos egerunt postrema verba *nouell. CXVII.*

*cap.*

---

(\*) An sicut liberis exstantibus tribus vel paucioribus, mulieri quarta deberur, pluribus autem quam tribus, virilis tantum pars, ita quoque si liberi deficiant omnino, solumque sint parentes, obseruandum hoc idem sit, quaesitum est. Fortiter de *successionib. lib. IX. cap. 10* existimat, aequalem esse debere liberorum & parentum conditionem; atque ita si quatuor sint ascendentes, puta auus & auia paterni, auus & auia materni, coniux ex eius sententia non in quartam, sed in virilem vocari debet. Verum admitti id nullo pacto potest, quum sane diuersa liberorum sit ratio, quibus hereditas summo iure debetur, atque parentum, qui miserationis tantum causa succedunt. Quo fit vt liberis exstantibus coniugis successio debeat restringi, non quando parentes sunt, nullis liberis superstitibus. Multo minus ergo coerenda successio illi haec, quum parentes nulli supersunt, sed agnati, vel cognati tantum. Atque foeditissimum profecto non eiusdem modo Fortiter error est, sed & Hugonis Donelli viri ceteroquin praestantissimi *commentarij. de iure ciuili. lib. IX. cap. 1. §. 14.*, qui hoc idem seruandum aiunt, quum agnati cognatique succedunt, non exstantibus liberis & parentibus.

cap. 5., ubi ait imperator : *Virum enim in talibus casibus quartam secundum priorem nostram legem ex substantia mulieris accipere, modis omnibus prohibemus.* Sed ii si sedulo haec verba expendissent, non ita profecto essent opinati. Sensus liquide ex verbis, quae praecedunt, eruitur. In his enim dicitur, mulieri, quae sine iusta causa repudiata foret, quartam etiam ex viri bonis competere : & mox continuo subnectitur, virum prohiberi quartam ex mulieris facultatibus accipere. Hinc colligitur, eo tantum casu virum eiusmodi quarta privari, quum dimiserit uxorem nulla iusta causa motus : quod mirifice confirmant verba : *secundum priorem nostram legem.* Quippe in *cit. novel.* duarum constitutionum antea editarum meminit Iustinianus, hoc est *L. ult. C. de repudiis et novel. LIII.*, quarum in prima cauerat, ut vir quartam bonorum suorum inopi mulieri, quam sine iusta causa repudiasset, dare teneretur. De muliere quidem lex loquitur, non de viro ; vnde pronum est intelligere, ex eiusdem legis sententia viro inopi a muliere iniuste expulsa, quae diuitiis abundaret, quartam hanc non esse suppeditandam. Atque hinc recte dixeris *prioris legis* mentione, hoc est praefatae *L. ult. C. de repudiis*, aperte ostendi, loqui imperatorem de eo quidem casu, ubi vir a muliere diuortisset citra legitimam causam, eoque tantum casu ex illius bonis quarta privari. Saum haec interpretatio robur quoque mutuatur ex Hermenopulo Graeco interprete *lib. V. promptus-*

*tit. 8. de indotata muliere*, vbi vt vxori inopi, sic etiam viro quartam adserit, Iustiniani nouellas allegans. Atqui Graecorum interpretum auctoritatem in stabiliendo sensu Graecarum Iustiniani constitutionum plurimum valere noscunt omnes.

§. VIII. Inopiam coniugis plerique iudici committunt aestimandam. Sed quae debent rationes iudicem mouere, vt aliquem inopem esse pronunciet, eadem & ab interpretibus excuti possunt. Itaque de viro generatim dicendum est, si is haud habeat, vnde se commode possit exhibere, inopem esse. Vxor autem inops erit, si nihil dotis, aut bonorum attulerit, siue pauxillum, quod pro iustis alimentis non sufficiat. Sed quum dicitur, virum & vxorem inopes esse oportere, vt possint sibi inuicem succedere in quartam, non inopia requiritur, quae mendicitati cohaereat; nam quamuis coniux superstes res aliquas habeat, modo sint alimentis ex sua dignitate suppediendis impares, tamen succedet in quartam. Quinimmo quum coniux neque ex dote, neque aliunde tantum habeat, quantum quartam bonorum praemortui coniugis portionem exaequat, eum pauperem censendum esse, vt, quod quarta minus habet, ex defuncti sit facultatibus supplendum, docet Gudelinus *de iure nouis. lib. II. cap. 16.*: nec immerito. Iustinianus enim in *nouell. LIII. cap. 6.* si vir legatum vxori inopi reliquerit minus quarta parte, hoc suppleri iussit; vnde constat, hanc fuisse imperatori mentem, vt quartam semper

con-

coniux haberet vnde cumque, vtque nullo pacto ea defraudaretur. Quod si superstes coniux patrem habeat locupletem, is inops dici nullo pacto potest, quum pater ad alimenta filiis praestanda teneatur.

§. IX. Si & coniuges desint, aliae itidem personae intestata quandoque fruuntur successione, excluso fisco. Hae sunt, quae collegia tali priuilegio donata efformant. Atque primo quidem si defunctus ex decurionum, siue senatorum municipalium numero fuerit, ciuitatis ordo, siue curia ad eius successionem vocatur, fisco remoto: quod primus sanxit Constantinus M. in *L. vn. C. Tb. de bon. decurion.*, confirmarunt Theodosius & Valentinianus constitutione, quae existat in *L. 4. C. Iustin. de hereditatib. decurion.* Decurionum conditio durissima; ad onera enim patriae suae vna cum bonis suis erant adstricti; variisque proinde aucti priuilegiis. Corpus quoque nauiculariorum ad bona nauicularii sine legitimis heredibus & vxore mortui vocatur, fisco excluso: quod & idem statuit Constantinus in *L. 1. C. cod.*, quae scripta est ad praefectum annonae vrhis Romae, cui corpus nauiculariorum suberat. Nauicularii erant, qui praeerant annonae in urbem inuehendae (\*), quique certum corpus efformabant duris conditionibus, quibus successores, eorumque bona tenebantur, ob-

---

(\*) Vetus glossarium: *Nauicularii sunt, qui transferebant frumenta in urbem, aut ubique eras imperator.*

{ CCXIV }

noxium, ideoque pro munere periculi pleno multis priuilegiis donatum est, ut ex *tit. C. de nauicular. adparet*. Inter isthaec autem priuilegia & illud erat, ut vno ex nauiculariis mortuo, nullo herede relicto, eius hereditas non ad fiscum abirer, sed ad ipsum nauiculariorum corpus. Porro militi, qui sine legitimis successoribus decesserit, succedit militum corpus: quod ius bene vetus est, & ab Hadriano fortasse primo constitutum, ut ex Vlpiano in *L. 6. §. 7. D. de iniusto rupto testam.* colligi videtur: confirmatum postea a Constantio in *L. vn. C. Tb. de bon. milit.*, ex qua deprompta *lex 2. C. Iustin. de hereditatib. decurion.*, vbi ait imperator, militi succedere *legionem*, aut *vexillationem comitatusensem*, vel *cuneum*, in quibus is fuerit (\*) Multum antiquitus distabat legionem inter & vexillationem. Vexillatio erat militum equitum, ita dicta a *vexillis*, siue *flammulis*, ut pater ex Vegetio *de re militari lib. II. cap. 1.* le.

---

(\*) Huic iuri aduersari videtur Papinianus in *L. 2. D. de veteran. & milit. success.*, dum ait, *fiscum*, non *legionem*, bonis militis intestati castrensis succedere, si nec agnati existerint, neque cognati ad quantum vsque gradum. Verum iuriconsultus id dixit de milite, qui poenam capitis sit passus, cui post quintum cognationis gradum fiscum succedere statutum est: quod constat ex proximitate *legis 1.*, vbi de milite capite damnato agitur, itemque ex eiusdem *legis 2. inscriptione*, quae demonstrat, legem esse delumptam ex *litro XVI. responsorum* Papiniani, in quo de reis tantum capitalibus egerat iuriconsultus.



legio vero, vel cuneus erat peditum, quamvis & habuerint equites legionem, qui proinde *legionarii* dicebantur, teste Modesto in *libello de vocabulis rei militaris* cum Vegetio edito. Legionibus autem & vexillationibus *comitatenses* dicebantur, quae erant in sacro comitatu. Sacer comitatus ibi erat, ubi princeps degebat: quod liquet ex L. 13. §. 3. D. de re militari iuncta L. 2. §. 4. D. de his qui notant. infam. Altera lex ait, militem, qui ignominiae causa missus est, neque Romae, neque in sacro comitatu agere posse; altera habet, ignominia missis neque in urbe, neque alibi, ubi imperator est, morari licere: ideoque ex altera alteri coniuncta patet, sacrum comitatum ibi esse, ubi imperator est, Recte itaque quod lex 20. C. Th. de decurionibus ait, decurionem esse destinandum ad comitatum, Anianus interpretatur, eum transmittendum esse; ubi verum domini fuerint, nimirum imperatores (\*).

(\*) Quam ob causam haec inter milites successio, fuerit introducta, disputatur. Radulphus Fornerius rer. quotidianar. lib. IV. cap. 7. eam statutam esse retur, quia lex intestatorum hereditates iis addicit, quibus credibile est, defunctos, si testari licuisset, fuisse relicturos; milites vero laborum, periculorumque socii mutuo sese amore prosequi solent. Sed is rem acu tangere non videtur. Plausibilior est ratio, quam tradit Iacobus Gothofredus ad L. vii. C. Th. de bon. milit., nimirum quia principes iustum crediderunt, penes legionem & vexillationem, ubi miles bene meritus est, eius bona manere, utpote cuius occasione ea quaesivisse militem, praesumitur. Iam

§. X. Alia praeterea sunt collegia, quae successione privilegio fruuntur. Ita si cohortalis, cui legitimi quoque successores desint, obierit, eius bona cohortalibus debentur eiusdem provinciae ex constitutione Constantini, siue potius Constantii in *L. 3. C. de bon. decurion.* Cohortales erant apparatus, sine administri praefidis provinciae, *beneficiarii* etiam dicti, quos perpetuos fuisse discimus ex *L. 34. D. de reb. credit.* Varia ii munera exercebant, praeter ea, quae praefes iniungebat, veluti cura & exhibitio publici cursus, *L. 7. C. Tb. de cohortalib., L. 4. C. Iustin. de cursu publico lib. XII.* Theodosius iunior insuper constituit, ut clericorum & monachorum sine heredibus decedentium bona ecclesiis & monasteriis, quibus essent addicti, cederent, *L. vn. C. Tb. de bon. clericor., unde desumpta lex 20. C. Iustin. de episcop. & clericis (\*)*: quod & postea idem imperator ad fabrica-

---

Iam quae militum corpori ob legitimorum heredum defectum successiones deferantur, *caduca legionis* dicuntur, ut in *L. 4. §. 17. D. de fideicom. libertatib.,* ubi pro verbis *caducis legionis* perperam Cuiacius not. ad *Vlp. fragment. tit. XXVIII. §. 7.,* & ad *L. 3. C. de bon. vacantib.* reponendum credit *caducariis legibus.* Nam in *L. vii. D. de iura immunit. librarii* quoque *caducorum* occurrunt, qui scilicet caducorum rationes scribebant, servabantque: quia in lege *caduca legionis* intelligi ex eo constat, quia tota lex de re militari agit, ut ex epigrapha.

(\*) Theodosii aeuo monachi testamenti factionem habebant, quosque in bona heredes tam ex testamento, quam ab intestato. Confer Gothofredum ad *cit. L. vn. C. Tb. de bon. decurion.*

*abricenses* produxit in *novell. XIII. de bon. fa-*  
*bricenf.*, ex qua excerpta est *lex ultima C. Iu-*  
*stin. de bon. decurion.* *Fabricenses* erant, qui ar-  
 ma bellica construebant publicis in fabricis (\*),  
 quarum in orbe Romano praecipuae erant vn-  
 deviginti, hoc est in Illyrico sex, in Italia  
 quinque, in Galliis octo, omnes sub dispositio-  
 ne magistris officiorum, quemadmodum testatur  
 notitia imperii. Serviabant itaque *fabricenses*  
*fisco*, reipublicaeque. Quoniam vero in demor-  
 tuorum locum alii erant suffiendi, nominan-  
 dique ab integro *fabricensium* corpore, qui pro  
 omni fraude contra *fiscum* a novis admissa *fa-*  
*bricensibus* tenebantur; ideo ipsi corpori privi-  
 legium indultum, ut in bona intestati *fabricen-*  
*sis* sine herede defuncti succederet, excluso *fi-*  
*sco*. Arca itidem praefecti praetorio *fiscum* re-  
 movet a successione apparitoris praefecti praе-  
 torio, siue *praefectiani*, L. 3. C. de apparit. praе-  
 fac. praetor. lib. XII. Demum si unus decesserit ex  
 confortibus liberalitatis imperialis, hoc est ex  
 iis, quibus aliquid princeps communiter donasset,  
 confortes, qui supersunt, in rem ab eo dona-  
 tam succedunt, L. vii. C. si liberalit. imper. so-  
 cius lib. X. Hae sunt personae illae omnes, praе-  
 ter coniuges, quae, omni cognatione deficien-

te,

---

(\*) Hinc *fabricenses armorum fautores*, nemque  
*armorum fabri* dicuntur Cassiodoro lib. VII. variar.  
 in formula de armor. fautorib.

te, succedunt, remoto filco (\*):

§. XI. Iam tandem de filci bonorum vacantium occupatione agendum. Triplicis ferme speciei erant olim bona, quae filcus occupabat, nimirum *ereptitia*, *caduca*, & *vacantia*. Ereptitia, quorum meminit Vlpianus *fragmentor. tit. XIX.*, quae fuerint, ingenue se ignorare fatetur Cuiacius ibi. At ea fuisse videntur, quae ut indignis eripiebantur, quemadmodum opinati sunt Gothofredus, Schultingius, aliique. Caduca erant, si post testatoris obitum, & ante apertas tabulas heredes pro parte, legatariiue defecissent, teste Vlpiano *fragmentor. tit. XVII.*, quae ita dicebantur, quia heredes eis ceciderant, ut putat Isidorus *etymol. lib. V. cap. 25.* Bona demum vacantia proprie sunt, quae nullum habent neque ex testamento, neque ex lege heredem; atque ea Symmachus *lib. X. epist. 55. hereditatem domino nudam* adpellat; Strabonius *lib. XVII. ἀδικοτά*, quod dominum, hoc est heredem non habeant; Constantinus Harmenopolus *lib. III. tit. 1. §. 18. ἀληροφαντα*. Sed bona vacantia quoque erant, si ante aditam hereditatem

---

(\*) Bene multi ex interpretum turba, qui leges malunt condere potius, quam interpretari, succedendi ius peculiaribus tantum collegiis tributum, invita prorsus iurisprudencia ad alia omnia protrahunt; Ex eorum itaque sententia unicuique artificio succedet collegium siue corpus illius artis, scholastico vniuersitas. Si ita esset, quid imperatores paullatim collegiis illis, quae supra enumerauimus, ius hoc indulgissent, deque iis specialiter commemorassent?

tatent, adgnitumue legatum per damnationem, sinendi modo, vel per praeceptionem relictum heres legatariusue decessisset vel repudiasset. Vide Heineccium ad *L. Iul. & Pap. lib. III. cap. 7. §. 4. (\*)*. Bona haec omnia lege Papia populo, siue eius aerario, deferebantur, *veluti omnium parenti*, ut ait Tacitus *annal. lib. III. cap. 28.*, postmodum fisco, siue principi vindicari coeperunt, omni iam populi iure in principem translatum (\*\*). Hodie caducis a Iustiniano sublatis *L. vn. C. de caduc. tollend.*, crepittia tantum, & va-

(\*) Silentio non praeter eundem, apud veteres non raro caduca & vacantia promiscue accipi. Sic Tacitus *lib. III. annal. cap. 28.* *vacantia* adpellat, quae caduca. Et recte Muretus ibi vacantia explicat *pro deficientibus, caducis*. Contra vacantia bona *caduca* dicuntur Cassiodoro *lib. V. variar. epist. 24.* Ita quoque in Codice Theodosii & Iustiniani caduca pro vacantibus & vacantia pro caducis passim occurrunt.

(\*\*) Vacantia bona vel ante Antoninum Bassianum, siue Caracallam fisco vindicari coepisse, edocemur ex Papiniano *L. ult. D. de success. edit.*, *L. 50. pr. D. de manumiss. testam.*, & Iuliano *L. 96. §. 1. D. de legat. 1.* Caduca vero omnia fisco addixit Antoninus, teste Vlpiano *fragmentor. tit. XVII. §. 1.*, ubi ait iuriconsultus: *Hodie ex constitutione imperatoris Antonini omnia caduca fisco vindicantur*. Antoninus iste Vlpiano est Bassianus siue Caracalla; hunc enim ab eo plerumque indicari, quoties vel Imperatoris simpliciter meminit, vel Antonini, post Spanhemium egregie probat Schuldingius. Hoc in loco notandum Cuacius, qui aerarium publicum & fiscum confundens, citata Vlpiani verba credidit emendanda eo nomine, quia

vacantia proprie dicta fisco vindicantur (\*), de quibus postremis pro instituti ratione differendum.

§ XII. Meritissimo iure vacantia fisco cedunt; & cui possent addici bona, quibus nullius dominium contigit? Eorum occupandorum copiam omnibus facere, maximum in republica malum. Aequum igitur visum est gentibus plebisque, eiusmodi bona fisco pro reipublicae necessitatibus vindicare. Sed ea fisco deferendi ius est, quum defunctus nullum omnino reliquit successorem. *Optamus non acquirere, dummodo sint, qui relicta debeant possidere*, inquit Theodoricus apud Cassiodorum *variar. lib. VI. in formul. comitiarum priuatar.* Ita optimi principes Honorius & Theodosius L. 4. C. de bonis vacantib.

va-

caduca iam lex Papia fisco vindicauerat. Lex Papia non fisco caduca & vacantia cedi iusserat, sed populo, seu publico aerario: Antoninus autem fisco. Libera enim republica populi Romani thesauri sub aerarii nomine veniebant. Vbi populi imperium in vnius dominatum concessit, distingui coepit aerarium inter & fiscum, quorum alterum senatus populiue, alter principis pecuniam denotabat. De hac re videntur omnino Schultingius ad *Pauli. sententiar. lib. V. tit. 12. in princ.*

(\*) Bona quoque damnatorum, vt olim, sic hodie fisco vindicantur, *tit. D. de bon. damnator.* Quod si damnati liberos suos heredes habeant, legitima iis portio debetur, L. 7. D. eod., nisi quis fuerit damnatus ob crimen perduellionis, L. 1. §. 3. D. de suis & legitim. Iure nouissimo tunc fiscus damnatorum in bona venit, si liberi & parentes ad tertium vlque gradum defecerint, *novell. CXXXIV. cap. ult.* Sed notum non est edisserere de bonis damnatorum.

vacantia ad fiscum transferri iubent, si nullum ex qualibet sanguinis linea, vel iuris titulo, legitimum reliqueris intestatus heredem. Ius sanguinis vt plurimum cognationem indicare, non agnationem, ignorat nemo, L. 23. D. de adoptionib., L. 8. D. de regul. iur.: vt tamen cognatio non raro generatim accipitur, & tunc adgnati etiam eo nomine veniunt; ita sanguis ab imperatoribus heic late sumitur. Pro qualibet sanguinis linea intelligunt descendentes, adscendentes, & ex latere iunctos siue adgnatos, siue cognatos. Ii quoque ex illorum sententia deficient oportet, qui alio iuris titulo succedere possunt, quales coniuges, certo collegio addicti, patroni. Pertinet & huc Theodoricus rex apud Cassiodorum lib. V. variar. epist. 14.: Quia caduca, inquit, bona fisco nostro competere legum cautae decreuerunt; ideo te praesensibus oraculis admonemus, vt huius rei veritate discussa, si reuera, vt ad nos perlatum est, nullus ei aut testamento heres exstiterit, aut proximitatis iure successit, fisco nostri eam ( substantiam ) facias compendiis aggregare. Quod vero ius capiendi bona intestatorum sine heredibus decedentium veluti ex privilegio quaedam ciuitates sibi vindicare adlaborabant, vti Nicenses, qui ab Augusto hoc se privilegio donatos Traiani tempore contendebant, teste Plinio lib. X. epist. 87. & 88.; Diocletianus & Maximianus in L. 1. C. eod. statuerunt, ciuitates, quae sibi ea vindicare nituntur veluti ex permisso, audiendas non esse. Iam bonis vacantibus fiscum vt heredem succedere dici

nequit: quippe fiscus creditoribus hereditariis non tenetur. vitra vires hereditatis, *L. 1. §. 1. D. de iure fisci*. Si heres esset, omne profecto aes alienum hereditarium expungere tentetur, quia heres, simul ac adit hereditatem, creditoribus defuncti adstringitur tantum: non omnibus etiam de suo. Quod confirmatur ex *L. 4. C. de bonis vacantib.*, ubi aiunt imperatores, fiscum succedere nullo exstante herede legitimo; ex quo patet, fiscum heredem haud esse, aliqui postremum inter heredes locum obtinere dici debuisset. Quum itaque fiscum ut heredem succedere disti nequeat, proprie dicitur, vacantia defunctorum bona occupare: quam dictionem usurpant imperatores in *L. ult. C. eod.* ibi *ut iussu nostro vacantia, vel aliae res nomine OCTUPENTVR aerarii*.

§. XIII. Vacantia bona fisco adiciebantur incorporatione, quam rite sollemniterque expediri statuunt Valentinianus Valens & Gratianus in *L. 3. C. de bonis vacantib.*, quae desumpta est ex *L. 1. C. Tb. de incorporat.*. Si quando, inquirunt, aut alicuius publicatione, aut ratione iuris aliquid rei nostrae addendum est, rite atque sollemniter per comitem verum priuatarum, deinde per rationales in singulis quibuscumque provinciis commorantes incorporatio impleatur, & diligens stilus sigillatim omnia scribat: tituli vero, quorum adiectione praedia nostris sunt consecrando substantiis, nonnisi publica testificatione proponantur, gravissimis statim subdendis suppliciis, qui huiusmodi aliquid propria usurpatione tenta-



( CCXXIII )

*verins*. Incorporatio itaque peragenda primo erat per comitem rerum priuatarum, sub cuius dispositione erant totius Orientis vel Occidentis res priuatae per singulas dioeceses; vt etiam liquet ex *L. ult. C. Tb. de bon. vacantib.*, & passim ex *LL. sis. C. Tb. de petitionib.* Deinde eadem fieri oportebat incorporatio specialiter a rationalibus cuiusque prouinciae: quod itidem constat ex *L. 2. C. Th. de bon. vacantib.*, *L. 3. 7. 11. C. Tb. de bon. proscriptor.* Quippe vt comes Orientis vel Occidentis erat, ita per singulas ferme prouincias rationales suere rerum priuatarum, ceu ex *notitia imperii* quoque constat. Atque hi erant magistratus, per quos erat incorporatio expedienda (\*). In ipsa vero incorporatione peragenda diligens bonorum descriptio, seu inuentarium fieri debebat, imponendique erant principis tituli, qui *sacri* dicuntur Symmacho *lib. V. epist. 54.*: & quidem, vt imperatores aiunt in relata lege, *publica testificatione*,

vt

---

(\*) Ex constitutione imperatorum Theodosii & Valentianiani in *L. ult. C. de bonor. vacantib.* insuper constitutum, vt quotiens bona vacantia, vel alia ad fiscum pertinentia in aliqua prouincia, vbi non sit rationalis, exilare fuerit nuntiarum; Palatini officiales, seu comitis executores, praestito prius iurciurando, mittantur, quorum cura praefes illius prouinciae praesente filici patrono, expendat, cuius vacuus cadensue fuerit patrimonium, quantum & quale, num aliquid ex eo subductum sit occultum; vocatis interim iis, qui velint vel possint bonorum incorporationi contradicere.

ut incorporatio ad eorum notitiam, qui ius habere credunt in vacantia, perueniat, qui si velint incorporationi contradicere, audiendi sunt, *L. 7. C. de iure fisci*. Hos titulos praediis tamquam fisco delatis auferre districte aliis interdicit imperatores. Plerique enim non praediis modo suis, si qua mala fide possidebant, potentiorum titulos adiciebant (\*); verum etiam principis titulos alienis imponebant per iniuriam, inuidiam, & calumniam, ut eorum possessores inquietarentur. Ita Gregorius *lib. IV. epist. 88.*, scribens ad Constantinam Augustam, de quodam Stephano chartulario querebatur, quod is singulorum locis nomine fisci titulos indicta caussa imponeret. *In Sicilia autem insula*, is ait, *Stephanus quidam marinarum partium chartularius tanta praecudicia, tantasque oppressiones operari dicitur, inuadendo loca singulorum, atque sine ditione caussarum per possessiones ac domos titulos ponendo, ut si velim acta eius singula, quae ad me peruenierunt, dicere, magno volumine haec explere non possim*. Aliam ob causam nonnulli titulos imperiales propriis praediis

---

(\*) Potentiorum nomen praediis mala fide possessoribus imponi solitum, ut veri domini se ab illis vindicandis abiliarent, titulo perterriti. Quem in morem graue Augustinus ad *psalm. XXI.* inuehitur: *Ne domum ipsius, inquit, petas aliquis, ponit ibi titulos potentis, titulos mendaces: ipse vult esse possessor, Et frontem domus suae de alieno titulo muniri: ut quoniam titulus lectus fuerit, conterritus quis potentia nominis, abstineat se ab inuasionem*.

diis imponebant, ad usurpandum scilicet imperatoriae maiestatis instar quoddam. Quum vero principis tantum sit imperiales titulos adfigere, quibus diuinæ domus & patrimonia patefunt, eiusmodi titulos priuatis quoque prædiis suis imponere prohibetur graui poena. Nam si quis prædio citra concessionem principis titulum imposuerit, prædium amittit, *L. 1. C. ut nemo priuatus titulos.*

§. XIV. Fiscus autem, a quo vacantia bona occupata sunt, omne aes alienum, quatenus vires rerum relictarum patiuntur, exsoluere tenetur. Quum enim id bonorum cuiusque esse intelligatur, quod aeri alieno superest; non possunt villa bona ad fiscum pertinere, nisi quæ creditoribus superfutura sunt, *L. 11. D. de iure fisci.* Quinimmo fiscus ex suis contractibus quamvis non det usuras, utique accipiat ab iis, qui tardius soluunt, tamen si vacantia occuparit, usuras præstare debet iis, quibus debuisset defunctus ob solutionem sero factam, *L. 17. §. 5. D. de usur.* Quandoquidem vero fiscus non ut heres, sed tamquam bonorum possessor conueniri potest; creditoribus non tenetur ultra ipsorum bonorum vires, quamuis non consecerit inuentarium, *L. 1. §. 1. D. de iure fisci.*

§. XV. Ceterum fiscus iure bonorum vacantium vindicandi excidit, si quadriennium effluerit; quo elapso delatores, qui scilicet ad bona vacantia, aliasque ad fiscum pertinentia denuncianda certo præmio inuitantur, audiri nequeunt; idque ab Antonino Pio Caelio Amaran-

to rescriptum refert Callistratus in *L. 1. §. 2. D. de iure fisci*. Hoc tempus ex die, quo certum esse coeperit, neque heredem, neque bonorum possessorem exstare, computandum esse, ex eodem Antonini rescripto docet iuriconsultus: cui concinit Papinianus in *L. 10. D. de diuers. temporalib. praescriptionib. : Quadriennii tempus*, inquit, quod bonis vacantibus nunciandis praescriptum est, non ex opinione hominum, sed de substantia vacantium bonorum dinumeratur. Quatuor autem anni post irritum testamentum factum, et intestati possessionem ab omnibus repudiatam, qui gradatim petere potuerunt, vel temporis finem, quod singulis praestitutum est, computabuntur. Ita vacantia, quae amplius nequeant denunciari propter temporis effluxum, possessoribus adquiruntur pleno iure. Non aliter itaque priuati, quam praescriptione quatuor annorum, vacantia bona possunt sibi quaerere. Nam hodie sublatae sunt ab imperatoribus bonorum vacantium, caducorum, aliorumque omnium ad fiscum pertinentium petitiones; sique oportuit constitui ad compellendam hominum ea bona inhiantium inuerecundiam, ac proteruitatem. Et quod spectat ad bona vacantia Theodosius & Valentinianus in *L. 2. C. de petitionib. bonor. sublat.*, omne semen alienas appetendi fortunas stirpitus eruere cupientes, in indignationem numinis imperialis declarant incurrere quaestorem, qui petitioni subscripserit, vel etiam responsum dederit, itemque comitem rerum priuatarum, si petitionem insinuauerit: memoriales vero, qui erant quaestoris adiu-